

MONITORIA ET
DECLARATIONES
EXCOMMUNICATIONIS

contra Venetos promulgatæ

A CLEMENTE V. SIXTO III.
ET IVLIO II ROMANIS PONTIFICIBVS.



R O M A E
Ex Typographia Vaticana.
Anno M D C VI.

MONTICELLO
DECEMBER 1845

THE UNIVERSITY OF CHICAGO

LIBRARY

A. C. CLEMENTS

1711 N. W. 10th St.



R. O. M. L.

Engraving by J. J. J.

Amos M. D. C. 11.

Clementis V. Monitorium & excommunicatio contra Venetos.

Absolutio à præfata excommunicatione.

Indultum, quo confirmat & conualidat collationes & prouisiones beneficiorum Ecclesiasticorum factas durante excommunicatione & interdicto etiam in personas irregularitate ligatas.

Sixti IIII. Monitorium & excommunicatio contra Venetos.


Declaratio contra eosdem, qui ab eius monitorio appellauerant ad futurum Concilium.

Iulij I I. Monitorium & excommunicatio contra Venetos.

Declaratio contra eosdem, qui ab eius monitorio appellauerant ad futurum Concilium.

Mandata Reipublicæ Venetæ ad petendum absolutionem à Iulio I I. & Capitula ab eius Oratoribus confirmata & promissa.

Ordo à Iulio I I. seruatus in absolutione Venetorum.



CLEMENTIS P A P A E V. (1)

Monitorium, & declaratio Excommunicationis,
Interdicti, & aliarum pœnarum Ecclesiasti-
carum contra Venetos, qui ciuitatem
Ferrariensem, & eius Comita-
tum hostiliter inuaferant
& occupauerant.

Et Absolutio à prædicta excommunicatione &
alijs censuris, per præfatum Pontifi-
cem eisdem Venetis concessa.

R O M A E
Ex Typographia Vaticana.
Anno M D C VI.

CLEMENTIS

3 MAY

1861

1861

1861

1861

1861

1861

1861

1861

1861

1861

1861

1861

1861

1861

CLEMENS EPISCOPVS

SERVVS SERVORVM DEI



Ad futuram rei mēmōriam.



Nomnem terram vocis Apostolicæ sonus egreditur, vt clamor patris à filijs audiatur, & ad stuporem, patratorum excessuum, cunctorum corda fidelium excitentur. In voce quidem virtutis Altissimi vocauimus populum nostrum ex Aegypto, vt colonus esset nobis, & Assur absque vlla causa calumniatus est eum: populum Ferrariensem, populum peculiarem, populum antiquæ acquisitionis matris Ecclesiæ, & populum in sacrario pectoris Apostolici præ dilectione nimia recumbentem, flagellis attritum, scorpionibus cæsum, & dura seruitute afflictum, quasi nouam prolem Dominicam de manu fortiorum more pij patris vocauimus, vt de iugo seruitutis ereptus, de lacu miseræ & de luto facis, nostræ virtutis ministerio liberatus, eandem Ecclesiam sicut matrem & dominam coleret, sub alarum ipsius velamine quiesceret, & libertatis perpetuæ gloria potiretur. Sed Dux, Consilium, & Commune Venetiarum, quos semper Romana mater Ecclesia dilexit vt filios, & multis priuilegijs & gratijs insigniuit, in Assur calumniam asurgentes, & ostendentes suæ indignationis baculū contra eam, virgam quæ sui furoris eleuantes detestandis ausibus supra mare ipsum, in vocatione qua sunt per eandem Deo miserante vocati, permanere non sustinent, quinimmo elationis suæ currum damnabiliter ascendentes, eundem populum opprobrijs nituntur afficere pristinæ seruitutis, ignorantes forte, quod est, nec esse desijt, qui proiecit in mare currum & exercitum Pharaonis. Sane vt nostra & Ecclesiæ Romanæ iustitia, & Venetorum insolentia & iniustitia pateat euidentius, vniuersis facti seriem duximus præsentibus breuiter inferendam. Est enim certo certius, quod ciuitas Ferrariensis cum suo Comitatu & Districtu, & omnimoda iurisdictione ac iuribus & pertinentijs, ad ius & proprietatem Ecclesiæ Romanæ in temporalibus pertinet, & pertinuit ab antiquo, licet tyrannica rabies Ciuitatem ipsam, Comitatum, Territorium, Districtum & habitatores eiusdem aliquibus temporibus opprefferit violenter, qua persecutione Deo, cuius esset negotiū, inspirante, cessante, eadē Romana Ecclesia fuit in possessione, vel quasi pacifica & quieta: sed ab octo mensibus circa principij mensis Aprilis vel circa inceperunt nos & Ecclesiam Romanam in possessione antiqua prædictorū indebite molestare, & temere impedire. Et quia dilectus filius Arnaldus Abbas Monasterij Tutellenfis, diœcesis Lemouicensis, & magister Honuphrius Ecclesiæ Meldensis Decanus, Cappellani nostri, &

Nuntij ad partes illas à nobis & Ecclesia Romana propter hoc specialiter destinati, Ciuitatē, Comitatum, & Districtū prædictos sub nostro & Ecclesiæ Romanæ dominio in temporalibus, plenarie, quiete & pacifice possidebant tempore quo dicti Veneti præfatum impedimentum præstiterunt, & inter cetera ex superabundanti coram prædictis Nuntijs populus vniuersus prædictorum Ciuitatis, Comitatus atque Districtus pluries & publice recognouit illos ad ius & proprietatem Ecclesiæ Romanæ in temporalibus pertinere, eandem Ciuitatē fore Ecclesiæ Romanæ Cameram specialem, ad instantiam populi supradicti Potestates & Capitaneos in dicta Ciuitate nomine nostro & Ecclesiæ Romanæ præfati Nuntij ponebant prout & quando eis expediens videbatur, & tam prædicti Potestates & Capitanei, quàm Antiani Consilij, ceteriq. officiales Ciuitatis eiusdem, quando denuo mutabantur, ipsis Nuntijs nomine nostro & Ecclesiæ Romanæ recipientibus, iurabant officium suum ad mandatum ipsorum bene & fideliter exercere: Clauēs quoque dictæ Ciuitatis dictis Nuntijs nostro & Ecclesiæ Romanæ nomine recipientibus tradebantur, qui eas commendabant certis personis, quæ ipsas nomine nostro & Ecclesiæ Romanæ custodirent ad mandatum & voluntatem nostram, seu Nuntiorum ipsorum: Imponebant etiam dicti Nuntij, nomine quo supra, Custodes in portis Ciuitatis eiusdem: per bullatas litteras ipsorum Nuntiorum in Ciuitatem ipsam intrabant homines, & exhibant: Syndicus insuper Ciuitatis ipsius ad hoc specialiter constitutus præstitit dictis Nuntijs nomine nostro & eiusdem Ecclesiæ recipientibus, fidelitatis debitū iuramentum: & idem fecit maius Consilium, quod fuit quingentorum hominum: capita quoque societatum, & quilibet de societate, licq. omnes de Ciuitate dictis Nuntijs nostris nomine quo supra recipientibus, iuramentum simile præstiterunt. Ponebant etiam præfati Nuntij nostri nomine nostro & Ecclesiæ Romanæ Potestates in Massa Fiscalia, & alijs locis Comitatus, seu Districtus prædicti, & edita banniri & proponi faciebant nomine quo supra per Ciuitatem eandem, & de appellationum causis ad eos interpositarum, à Potestate dictæ Ciuitatis nostro & Ecclesiæ Romanæ nomine cognoscebant: in Consilij dictæ Ciuitatis præfati Nuntij prout & quando eis placebat erant præsentēs, & definitio Consilij fiebat ipsis præsentibus, & ordinabant ipsi nomine nostro & Ecclesiæ Romanæ prout ipsis expediens & rationi consonum videbatur: & prædicta omnia & ijs similia ad dignitatem & iurisdictionem dictæ Ciuitatis & sui Districtus spectantia præfati Nuntij nostro & Ecclesiæ Romanæ nomine publice & solemniter faciebāt & exercebant sine resistentia & contradictione cuiuscumque: & de prædictis omnibus erant nomine nostro & Ecclesiæ Romanæ in possessione, vel quasi, pacifica & quietā, tempore quo Ioannes de Superantijs Venetus nomine Venetorum in iniuriam & præiudiciū nostrum & Ecclesiæ Romanæ pro Potestate ciuitatē Ferrariensem intrauit. Cum præfati Nuntij nostri audiuisent & intellexissent iamdiu ante aduentum dicti Potestatis pro Venetis, quod Dux & Consiliarij & Commune Venetiarum ad impediendam & perturbandam prædictam Ecclesiæ Romanæ possessionem,

vel Ciuitatis, Comitatus & aliorum iurium prædictorū se parabant, eos-
 dem Duces, Consiliarios & Commune dicti Nuntij auctoritate Apostoli-
 ca per suas litteras & nuntios primitus monuerunt, & subsequenter per
 venerabilem fratrem nostrum Castellanen. Episcopum loci Diocesenum
 canonicè moneri fecerunt, ne Ecclesiam Romanam in possessione vel qua-
 si prædictorum, per se vel per alios impedirent, aut turbarent: dictusq.
 Abbas Tutellenſis propter hoc Venetias personaliter accedens, Ducem,
 Consiliarios, & Commune prædictos auctoritate Apostolica monuit, vt
 à prædicto impedimento cessarent, & penitus abstinerent: in iniuriam,
 autem dictæ Sedis Apostolicæ & contemptum, Veneti contra dictum Ab-
 batem & Ecclesiæ Romanæ Nuntium publice clamauerunt, Moriatur Le-
 gatus: & contra eum & suos familiares multos lapides proiecerunt, ac
 ipretis monitionibus antedictis, Dux, Consiliarij & Commune prædictū
 ad iura ipsius Romanæ Ecclesiæ manus audas extenderunt, & Ciuitatem
 Ferrariensem peculiarem eiusdem Romanæ Ecclesiæ Cameram & pecu-
 lium speciale, in ipsius Ecclesiæ iniuriam manifestam & offensam, & totius
 Prouinciæ scandalum, temerarijs ausibus cum machinis, balistis, & alijs
 armorum generibus impugnantes, ac violantes treugas initas inter eos,
 Castrum seu fortalitium Thedaldi eidem Ciuitati contiguum, Burgum
 Ciuitatis ipsius, Pontem supra flumen Padi iuxta Ciuitatem eandem, &
 Turrim iuxta ipsum pontem positam nequiter occuparunt, & in dictam
 Ciuitatem & ciues ipsius Romanæ Ecclesiæ fideles quasi flamma vorax
 furore indignationis accensi, detestabiliter irruentes, quamplures domos,
 & nauigium valde magnum & pulchrum Ciuitatis eiusdem, & multa bo-
 na ciuium prædictorum incendio concremarunt, & laxatis impietatis ha-
 benis, ætati vel sexui non parcentes, ex fidelibus ipsis nonnullas mulie-
 res & pueros diræ mortis supplicio tradiderunt, & alimenta dictis Nun-
 tijs nostris & Ecclesiæ Romanæ fidelibus inhumaniter subtraxerunt: & ve-
 nerabilem fratrem nostrum Episcopum Ceruensem in dictorum Nuntio-
 rum nostrorum adiutorium aduenientem, hostiliter, Dei timore postposi-
 to, & abiecta Sedis Apostolicæ reuerentia, inuadentes, rebus proprijs spo-
 liarunt, & familiares ipsius carceri manciparunt. Propter quod dicti Nun-
 tij nostri & Sedis Apostolicæ præfatos Ducem, Consiliarios, & maio-
 res Venetiarum, qui dicta maleficia fieri fecerant, necnon omnes & sin-
 gulos qui ea fecerant, seu commiserant, vel perpetrauerant, siue ad ea
 facienda consilium, auxilium vel fauorem dederant, legitima monitione
 præmissa, auctoritate nostra excommunicationis vinculo innodarunt, &
 Terram & vniuersitatem Venetiarum & Ciuitatem Castellanen. suppo-
 suerunt Ecclesiastico Interdicto, ad pœnas alias contra ipsos, crescente
 contumacia & malitia, procedentes. Nos insuper prædictis excessibus in-
 tellectis; ignorantes tamē à prædictis Nuntijs nostris excommunicationis
 & Interdicti sententias propter hoc promulgatas, & quod prædictus Ioan-
 nes vt Potestas venisset Ferrariam pro Venetis nescientes, prædictis Du-
 ci, Consiliarijs & Comuni paterna sollicitudine compatiētes, quod
 per hoc * in decoris singula maculā posuissent, & deuotionis sententiam

habuissent : quia nos Ecclesiæ Romanæ iura , iurisdictiones & bona oportet ex debito Pastoralis officij defensare, eosdem Ducem , Consiliarios , & Commune Venetiarum per nostras litteras monuimus & requisiuimus gratiose, ipsiq. per Apostolica scripta mandauimus, quatenus à quibuscumque occupationibus, molestijs, inuaginationibus, iniurijs, violentijs atque damnis dictæ Ciuitatis Ferrariensis, eiusdem Comitatus, Territorij & Districtus, & personarum ipsarum, per se ac per alios cessarent omnino, ac deinceps à similibus abstinerent : Castrum, seu fortalitium, Burgum, Pontem, & Turrim prædictam, & quælibet alia bona & iura, quæ ad dictam Ciuitatem Ferrariensem contingere quomodolibet dinoscuntur, præfatis Abbati & Decano Cappellanis nostris & Nuntijs, vel ipsorum alteri, vel alij, aut alijs ad mandatum ipsorum, vel alterius eiusdem, vocatis expresse omnibus per quos prædicta faciunt detineri, vacua, libera, & penitus expedita infra certum temporis spatium in ipsis litteris comprehensum, totaliter dimittentes, Ciuitatis, Comitatus & Castri, aliorumque prædictorum quolibet impedimento sublato, vel quasi, permitterent eosdem Nuntios nostros & Ecclesiæ Romanæ nomine libera & pacifica ac quælibet possessione gaudere, nullam super prædictis & Ecclesiæ Romanæ, seu præfatis Nuntijs nostris molestiam illaturi: alioquin dissimulare non possemus, quia spiritualiter & temporaliter contra eos procedere curaremus, sicut nobis expediens videretur, & iustitia suaderet : Ac per venerabiles fratres nostros Constantinopolitanæ Ecclesiæ Patriarcham, qui de terra dictorum Ducis, Consiliariorum & Communis oriundus exiit, & quem paulo ante ad magnam eorumdem instantiâ & suis exigentibus meritis Constantinopolitanæ præfeceramus Ecclesiæ Patriarcham, & per Castellanen. loci Diocesani, & per Paduanum eiusdem Vicarium, Episcopos, necnon per charissimos in Christo filios nostros Siciliæ & Trinaciæ Illustres Reges, in quorum Regnis & Terris quamplures ex Venetis commorantur, sua negotia & mercimonia exercentes, ad prædicta facienda eosdem Ducem, Consiliu & Commune Venetorum moneri efficaciter mandauimus : & per ipsos insuper Nuntios, & per venerabiles fratres nostros Archiepiscopum Rauennatensem, Episcopum Ferrariensem, & alios quamplures Prælatos & Religiosos præfati Veneti super prædictis pluries requisiti fuerunt : Ipsi vero spiritu superbiz inflati, mala malis accumulantes, & peiora prioribus committentes, ad prædictam ciuitatem Ferrariensem cum ingenti armorum multitudine venientes, & in eam & nostros Nuntios præfatos, qui Ciuitatem ipsam, Comitatum atque districtum cum sua iurisdictione & alijs iuribus & pertinentijs suis nostro nomine possidebant, & ciues & habitatores Ciuitatis atque Districtus & Comitatus ipsorum per terram & per aquam cum machinis, balistis, & alijs diuersis armis hostiliter irruentes, non parcetes Ecclesijs & alijs pijs locis, nec sexui vel ætati, Ciuitatem ipsam, Comitatum & Districtum, & domos eorum in magna parte incendio & machinis, & interdum aquarum decursibus consumpsérunt, & personas eorum nequiter peremerunt, & tandem Ciuitatem ipsam, & Palatium nostrum, & Ecclesiæ Romanæ iurisdictionem, & dominium Ciuitatis, Comitatus,

Districus, & Territorij prædictorum per violentiam occuparunt, & detinent occupata, subijcientes seruituti & ditioni suæ homines ipsius Ciuitatis, licet inuitos & contradicentes, de iure Romanæ Ecclesiæ publice protestantes: Potestatem ipsum & alios Officiales, qui nomine Ecclesiæ ipsam regebant Ciuitatē, Comitatum atque Districtum, & cum iurisdictione, alijsq; iuribus & pertinentijs plene & pacifice possidebant vel quasi, eadem possessione vel quasi per violentiam spoliarunt. Ecce videant Ecclesiæ Romanæ fideles & filij an exaggerari, & exaggerata si puniri meruit tanta temeritas offensorum. Quis enim nisi ferreum pectus habens, vel caput saxeam, vel cor gerens durissimi adamantis, eidem Terræ destructioni expositæ non aperiat viscera pietatis? Quis non prouocetur ex intimis, quis non accendatur ad iram, & quis non animetur ad actum debitorum ultionis? Certe clamare potest mater Ecclesia, in voce lamentationis prorumpens: Filios enutriui & exaltaui, ipsis multas gratias & priuilegia concedendo, ipsi autem spreuerunt me, dotem meam pretiosam & charam contra Ecclesiæ monita superbe mihi & contumeliose per apertam iniuriam auferendo. Attendere debuerant Veneti, quod Lucifer perfectionem, sublimitatem, dignitatem, & excellentiam habuit super omnes alios Angelos ante lapsum, & quia in superbiam se voluit exaltare, humiliatus & depressus est vsque ad profundum abyssi: & quod primi parentes de Paradiso deliciarum, vbi à Domino collocati, ante casum bonorum opulentiam & omnis mali carentiam obtinebant, propter inobedientiæ vitium eiecti fuerunt, expositi periculis, inedijs, laboribus & ærumnis. Sed nec illud est omittendum, quod Dathan & Abiron eo quod insurgebant contra Moysen & Aaron typum Ecclesiæ principum gerentes, terra eos viuos absorbuuit cum tabernaculis & tota substantia eorumdem, & in profundum abyssi sunt demersi. Ex eadem quoque causa quatuordecim milia & septingenti, præter illos qui perierunt in seditione Core, contra Moysen diuino miraculo per incendium perierunt. Propter ingratitudinem insuper, quam contra Moysen rectorem populi Israelitici, qui eos de Aegyptiaca eduxerat seruitute, & eis contulerat multa bona, ipsi temere commiserunt, fuerunt ex eis diuino iudicio quasi vigintimillia interfecti. Quid vero contigerit Absaloni propter ingratitudinem commissam contra Dauid patrem suum, libri Regum lectio manifestat. Sed attendant, quæsumus, Veneti, quis dixerit verbum illud: Durum est tibi contra stimulum calcitrare? & certe verbum fuit Domini nostri Iesv Christi, cuius vices in terris, licet immeriti gerimus, ad Saulum persecutorem populi peculiæ eiusdem. Vnde non volentes vltius tam temerarios & notorios excessus, nec tantum & tam manifestum Ecclesiæ Romanæ opprobriosum præiudicium, & præiudiciale vituperium sub dissimulatione transire, licet absque alia monitione, vel dilatione qualibet iuste possemus procedere in Ducē, Consiliarios, & alios malefactores & Commune prædictos; volentes tamen probare adhuc de solito Sedis Apostolicæ benignitatis affectu, si aliqua in eis scintilla deuotionis remanserit; volentes etiam oues errantes ad ouile, hu-

humilitatis humeris reportare; ipsos Ducem, Consiliarios & Commune Venetiarum, vniuersaliter singulos & singulariter vniuersos, & nominatim dictum Ioannem Superantium ciuem Venetorum, qui exercitum Pharaonis, hoc est, Ducis & Communis Venetiarum contra nos & Ecclesiam Romanam, ciuitatemq. Ferrariensem prædictam collegit, & dux & Capitaneus fuit pro Venetis in eadem Ciuitate in magnum nostrum & Ecclesiæ Romanæ præiudicium & iniuriam manifestâ, & pro Potestate se gessit, Vitalem Michaelē, qui nunc se gerit, omnisq. auctoritate vel nomine Venetorum Capitaneus, vel aliud quodcumque gerit officium, vel gesserat eorundem Venetorum nomine in Ciuitate prædicta, vel aliqua parte Comitatus, vel Districtus eiusdem, ac alios etiam, qui Palatium Ferrariense, Castrum seu fortilogium Thedaldi, Pontem Ferrariæ supra Padum, & Turrim eidem Ponti contiguam, vel Ciuitatem & Comitatum prædictos in totum, vel in partem præter voluntatem nostram & prædictorum Nuntiorum, nostrorum detinuerunt, & detinent per se, vel per alium, seu alios, & omnes alios, qui prædictas spoliationem, spoliationes, deprædationes, molestias, iniurias, violentias & excessus vel insultus fecerunt per se, vel per alium seu alios fieri fecerunt, seu mandauerunt, seu factos ratos habuerunt, seu ad faciendum dederunt consilium vel fauorem, publice vel occulte; hortamur in Domino & monemus, & ipsis per Apostolica scripta districte præcipiendo mandamus, quod ipsi Dux, Consilium & Commune Venetiarum, dictusq. Ioannes de Superantijs, Vitalis Michael, & alij qui pro dictis Venetis Ferrariæ, vel in eius Comitatu seu Districtu commorantur, prædictos Ciuitatem, Comitatum atque Districtum, Palatium seu Pontem, Turrim cum suis iuribus & pertinentijs, & quæcumque alia bona & iura, quæ dictam Ciuitatem, vel eius Comitatum quomodolibet contingere dinoscuntur, præfatis Abbati & Decano Cappellanis & Nuntijs nostris, vel ipsorum alteri, aut alij vel alijs ad mandatum ipsorum, seu alterius eorundem, plene & integre restituant, & ea omnino dimittant, vel dimitti faciant, reuocatis & exclusis omnino cunctis, per quos detinentur, prædicta ipsa vacua, libera & penitus expedita prædictis Nuntijs vel ipsorum alteri totaliter dimittentes, ita quod Ciuitatis, Comitatus, Districtus, Palatij atque Castri, ac aliorum prædictorum quomodolibet impedimento sublato, possessione vel quasi præfati Nuntij nostri nomine nostro & Ecclesiæ Romanæ possint gaudere libere & quiete, nullam super iis, vel aliorum aliquo nobis vel Ecclesiæ Romanæ seu Nuntijs nostris sæpefatis turbationem, molestiam, seu violentiam illaturi. Deinceps quoque de illatis iniurijs atque damnis nobis & Ecclesiæ Romanæ, seu præfatis Nuntijs nostris, vel eorum alteri, necnon hominibus seu habitantibus prædictam ciuitatem Ferrariensem & eius Comitatum & Districtum plenariam satisfactionem impendant. Quod si prædicti Dux, Consiliarij & Commune Venetiarum, dictusq. Ioannes Superantius, Vitalis Michael, & alij qui supra hæc habent pro Venetis potestatem, dictis Nuntijs nostris, aut alij, vel alijs ad mandatum ipsorum, vel alterius eorundem infra triginta dierum

dierum spatium postquam præsens mandatum ad eorum notitiam peruen-
 nerit, seu per eos steterit quo minus peruenierit, vel potuerit peruenisse,
 prædictos Ciuitatem, Comitatum, Palatium, Castrum & Turrim cum
 suis iuribus & pertinentijs, & quæcumque alia bona & iura, quæ eius Ci-
 uitatem, Comitatum atque Districum quomodolibet contingere dino-
 scuntur, plene & integre non restituerint, & ea libera, & penitus expedita
 non dimiserint, vel dimitti fecerint, reuocatis & exclusis omnino cun-
 ctis per quos detinentur prædicta, sic quod ex tunc Ciuitatis, Comitatus,
 atque Castri & aliorum præfatorum, quolibet impedimento sublato, pos-
 sessione, vel quasi, præfati Nuntij nostro nomine & Ecclesiæ Romanæ pos-
 sint gaudere libere, pacifice & quiete, nullam deinceps super prædictis, vel
 eorum aliquo, nobis seu Ecclesiæ Romanæ, vel Nuntijs nostris sæpèfatis
 turbationem, molestiam, seu violentiam illaturi, Ducem, Consiliarios, &
 singulares dicti Communis personas facto, verbo, auxilio, vel consensu,
 aut fauore, culpabiles in prædictis, ac Ioannem, Vitalem Michaellem,
 prædictos, & alios qui à præfatis Venetis dictam restitutionem ac dimis-
 sionem faciendi habeant potestatem, de fratrum nostrorum consilio ex-
 communicationis sententiam incurrere volumus, à qua nullus præterquàm
 in mortis articulo ab alio quàm à Romano Pontifice numquam possit ab-
 solutionis beneficium obtinere: & si aliquis de prædictis à dicta sententia
 in mortis articulo fuerit absolutus, licet super hoc fuerit de iure proui-
 sum, nec tamen prætextu ignorantie se fatagat excusare; volumus ta-
 men & declaramus, quòd taliter absolutus, nisi postquam ad conualescen-
 tiam peruenierit, quamprimum commode poterit, de prædictis commis-
 sionem, restitutionem, satisfactionem fecerit, ut dictum est, in excommu-
 nicationis sententiam recidat ipso facto. Et nihilominus ciuitatem Castel-
 lanen. & Terram seu locum Venetiarum, ac Vniuersitatem Venetorum,
 necnon & alias Terras, Castra, Ciuitates & Vniuersitates dictis Duci &
 Comuni Venetiarum subiectas, ad pœnam ipsorum Ecclesiastico suppo-
 nimus Interdicto. Et quia esurienti panis tollitur utilius, quàm si de cibo
 securus iustitiæ vilipendat, eo casu Duci, Consilio & Comuni Venetorū
 communionem, participationem & commercium quorumlibet Christi
 fidelium ex nunc prout ex tunc interdiciamus & prohibemus omnino, ita,
 videlicet, quòd nullus eis bladum, vinum, carnes, pannos, vel quascum-
 que alias res vel merces deferre, portare vel vendere, aut quocumque
 alio modo in eos transferre valeat, vel emere ab eis, vel sustinere quòd
 hæc fiant, si potuerint prohibere: & si persona fuerit singularis, quan-
 tumque præfulgeat dignitate, excommunicationis, siue si fuerit Castrum,
 Villa seu Vniuersitas, Interdicti incurrant sententiam ipso facto, à qua
 quidem sententia ab alio quàm à Romano Pontifice numquam valeant libe-
 rari, nisi in mortis articulo, ut in casu alio superius est expressum. Et quia
 beneficia propter ingratitudinem merito reuocantur, ipsos Ducem, Con-
 siliū, & Commune & alios superscriptos, Ciuitatem ipsam & Vniuersi-
 tatem omnibus priuilegijs, libertatibus & immunitatibus sub quacum-
 que forma verborum ab Apostolica Sede concessis, necnon & feudis & bo-
 nis,

nis, quæ à Romana, vel alijs tenent Ecclesijs, ex nunc prout ex tunc sententiando priuamus, omnes vassallos & homines earumdem iuramento fidelitatis, & quacumque obligatione qua tenebantur eisdem, penitus absoluentes. Volumus insuper & statuimus, quòd ex nunc sint, fiant & habeantur infames; ita quòd nec ad testamentum, nec ad alios actus legitimos admittantur: fiant etiam intestabiles, sic quod non possint condere testamentum, nec ad cuiuscumque successionem ex testamento seu ab intestato aliquatenus admittantur. Nullus præterea ipsis super quocumque negotio respondeat, sed ipsi alijs respondere cogantur, nec causæ ad eorum noticiam perferantur: si iurisdictionem habeant, non valeant eorum sententia, vel processus: nullus eis quacumque causa vel negotio patrocinium præstet, nec ipsi ad patrocinandum ab alijs admittantur: & si qui eorum Tabelliones fuerint, instrumenta facta per eos non valeant, sed cum auctore damnato damnentur: filij quoque ipsorum & nepotes vsque ad quartam generationem ad nullos honores Ecclesiasticos & mundanos, ad nullas dignitates, & ad nulla beneficia vel officia Ecclesiastica admittantur. Quod si secus actum fuerit, illud carere volumus omni robore, firmitatis. In pœnam insuper prædictorum Ducis, Consilij & Communis, Episcopo Castellanen. Abbatibus, Prioribus, Canonicis, Monachis, nec non vniuersitatibus & singulis Ordinum, Fratrum Prædicatorum, Minorum, Eremitarum sancti Augustini, Carmelitarum, & aliorum quorumcumque Ordinum & Religiosorum Prioribus, Custodibus, Guardianis, & Fratribus, & alijs Clericis sæcularibus & regularibus quibuscumque nominibus censeantur, in ciuitate Castellanen. vel loco Venetiarum vel circa ad decem milliaria commorantibus, districte præcipiendo mandamus, quatenus infra decem post prædictos triginta dies immediate sequentes exeant de Terra, seu Ciuitate Castellanen. & Venetiarum, & eius Districtu, ad locum ipsum minime reuersuri, donec dicti Veneti gratiam dictæ Sedis obtinuerint, & à nobis aliud receperint in mandatis. Quòd si quis prædictis contrafecerit, excommunicationis incurrat sententiam ipso facto, à qua non possit absolui ab alio quàm à Papa, nisi in mortis articulo, vt in alio casu est iam dictum, quocumque priuilegio non obstante. Concedimus tamen quòd in Ecclesijs & domibus pro ipsa custodia, Cathedrali, vel aliqua Collegiatis & non collegiatis, Prædicatorum & Minorum, & aliorum Religiosorum & sæcularium, vnus, duo, tres, quatuor, quinque vel sex secundum magnitudinem vel paucitatem earum Ecclesiarum vel domorum, conuersi & illiterati, vel Clerici in minoribus Ordinibus constituti, & in Ecclesijs parochialibus, Parochiales Presbyteri pro ministrandis Baptismate paruulorum, pœnitentij morientium, & alijs Sacramentis Ecclesiasticis, quæ ministrantur tempore Interdicti, de iure licite valeant remanere. Verumtamen quia crescente malitia, pœna debet augmentari: si Dux, Consiliarij, Commune prædicti per triginta dies post alios triginta dies immediate sequentes in contumacia persisterint supradicta, ipsum Ducem à dignitate Ducatus, & alios supradictos in dignitatibus constitutos, seu publicis officijs, ab ipsis officijs & dignitatibus ex nunc prout

prout ex tunc deponimus, & per sententiam remouemus, & eos inhabiles reddimus ad publica officia, ad consilia, & honores quoscumque: & ne ipsorum temeritas transeat præsumptoribus in exemplum, bona ipsorum mobilia & immobilia de ipsorum fratrum consilio confiscamus, & personas ipsorum Ducis, Consiliariorum, & Communis Venetiarum & aliorum Venetorum, exponimus fidelibus capiendas; bonorum immobilium, quæ ipsi Dux & Commune & singulares personæ Venetiarum habent, & habere dicuntur in Romaniola, & alibi vbicumque, dispositione & ordinatione nobis & nostris successoribus specialiter reseruatis. Illud insuper prædictos Ducem & Commune nolumus ignorare, quod contra eos vniuersorum Regum, Principum, & Vniuersitatum & aliorum fidelium, quorumcumque proponimus subsidium inuocare, & per omnem modum & viam, per quos cum honore Ecclesiæ poterimus, ipsorum superbiam, ingratitude, proteruiam & rebellionem domare, sic quod illis reatus suos pœnarum acerbitate desistentibus, pœnales ipsorum fletus cedant perpetuo ipsorum posteris ad terrorem. Et si prædicti Dux, Consilium & Commune, Ioannes, Vitalis Michael, & alij supradicti, necnon & alij quicumque, qui prædictas molestias, iniurias & offensas, violationes, depredationes & incendia, homicidia seu maleficia contra nos & Ecclesiam Romanam commiserunt, seu perpetraverunt, vel qui ad ea facienda dederunt consilium, auxilium vel fauorem, infra tres menses computandos à tempore quo præsens mandatum ad eorum notitiam peruenerit, vel per eos steterit quominus possit vel potuerit peruenisse, nobis & Ecclesiæ Romanæ, Nuntijs & fidelibus dictorum Ciuitatis, Comitatus & Districtus Ferrariensis plene non satisfecerint de damnis & iniurijs irrogatis: & quicumque cum dictis Venetis contumacia durante, confederationem, colligationem, societatem seu ligam fecerit, vel inierit, seu consilium, auxilium dederit vel fauorem, directe vel indirecte, publice vel occulte præfatis Venetis in detentione Ciuitatis & Comitatus prædictorum, vel ne Veneti & alij supradicti restitutionem & satisfactionem faciât nobis & Ecclesiæ Romanæ & fidelibus nostris prædictis de ciuitate Ferrariensi, & eius Comitatu atque Districtu cum suis iuribus & pertinentijs vniuersis, & de iniurijs atque damnis, vt superius est expressum, si singulares personæ fuerint, quantacumque præfulgeant dignitate, anathematis, si vero Ciuitas, Castrum, Villa, aut Vniuersitas, Collegium seu Communitas, Interdicti sententiam incurrant ipso facto, à quibus vel eorum aliqua nullus absolutio-nem, remissionem & relaxationem valeat obtinere, præterquam in mortis articulo, vt in casu superius iam est dictum: Colligationes autem, confederationes, pactiones, conuentiones, societates, submissiones & obligationes quascumque factas inter ipsos Venetos & Ferrarienses, & ipsos Venetos & alias Ciuitates, Vniuersitates, vel Communitates quascumque, & si sint iuramento, promissione, personarum adiectione, vel alia quacumque firmitate vallatas, annullamus, cassamus, & penitus irritamus, & eas haberi volumus pro infectis. Ceterum quia fraus & dolus alicui patrocinari non debent, nullus vano decipiatur errore, vt infra tempus sui regiminis

minis prædictas penas vel aliquam earum sustineat, quasi post illud non sit ad satisfactionis debitum compellendus: nam & ipsum, qui satisfacere recusauerit infra quindecim dies, remanere decernimus eisdem pœnis conclusum, & per omnia & in omnibus obligatum. Ne vero circa scientiam, notitiam vel auditum huiusmodi processus Veneti possint ignorantiam allegare, neve alij quibus prohibuimus ne Veneris bladū, vinum vel quascumque alias res deferant, vendant, seu quocumque modo transferant, vel ab eis aliquid emant, seu ne ipsis faueant in prædictis, vel contra prohibitiones nostras prædictas in aliquo veniant, prætextu ignorantie contra prohibitiones huiusmodi velamen excusationis assumant, ipsum Auinione in platea quæ est ante Ecclesiam Fratrum Prædicatorum dicti loci, in quorum domibus ad præsens habitamus, in die Cænæ Domini qua Romani Pontifices prædecessores nostri consueverunt suos solemnes publicare processus, præsentē Clericorum & aliorum fidelium multitudine copiosa fecimus publicari, & membranas processus huiusmodi continentes, Ecclesiæ Cathedralis Auinionensis & Prædicatorum prædictorum ostijs seu superliminaribus appendi vel affigi, quæ plenius processum ipsum suo quasi sonoro præconio & patulo indicio publicabunt: ita quod ij, quos processus ipse contingit, nullam possint postea excusationem prætere, quòd ad eos talis processus non peruenierit, vel quòd ignorarint eundem, cum non sit verisimile remanere quoad ipsos incognitum vel occultum, quod tam patenter omnibus publicatur. Actum Auinione in dicto loco, ipsa die Cænæ Domini, Pontificatus nostri anno quarto.

MANDATVM PROCVRATORIVM

Ducis, Consilij, & Communis Venetiarum, ad petendum à Clemente Papa Quinto absolutionem ab excommunicatione & censuris contra eos prolatis.

IN CHRISTI NOMINE AMEN.

Anno eiusdem Natiuitatis M. CCCX. Indictione octaua, die decimo nono mensis Martij. Præsentibus Petro Nanno, filio D. Marci Rasi de Tergesto, Petro Longo notario de Tergesto, Rodulfo Bayardi notario de Tergesto, Ottone de Alba ciue Tergestensi, Paschale de Coja de Tergesto, testibus rogatis, & ad hæc specialiter conuocatis, & alijs. Congregato maiori & generali Consilio ciuitatis Venetorum in sala maiori Ducatus Venetiarum per sonum campanæ, & voces præconum, vt moris est in ciuitate Venetiarum, coram magnifico & excellentissimo viro D. Petro Gradenico, Dei gratia Venetiarum & Dalmatiæ atque Græciæ Duce inclyto, & Domino quartæ partis & dimidiæ totius Imperij Romanæ, & eius Consiliarijs, & eiusdem domini Ducis voluntate & auctoritate: In quo Consilio fuerunt congregatæ duæ partes Consiliariorum ipsius maioris & generalis Consilij, & qui omnes ipsum maius & generale Consilium, & homines ipsius maioris & generalis Consilij, cum ipso domino Duce & eius Consiliarijs: & ipse dominus Dux & eius Consiliarij cum ipso maiori & generali Consilio, plena & vnanimi voluntate, ac nemine discordante, nomine suo, tanquam singularium personarum, & vice & nomine Communis, Vniuersitatis, & hominum Venetorum, & totius Districtus, & singularium personarum dicti Communis, Vniuersitatis, & Districtus, ac subditorum & fidelium ipsorum adhzrentium, coadiutorum, valitorum, & fautorum, & cuiusque ipsorum: Cupientes suorum imitare vestigia antiquorum, & in sinceritatis fide, deuotione atque gratia sacrosanctæ Romanæ Ecclesiæ matris eorum, & sanctiss. & beatissimi in Christo Patris & Domini, D. Clementis diuina prouidentia Papæ Quinti, omni mentis puritate consistere, fecerunt, constituerunt, & creauerunt, & ordinauerunt, nobiles & ornatos viros, dominos Carolum Quirinum, & Franciscum Dandulum, ciuitatis Venetiarum ciues, licet absentes, tamquam præsentem, & quemlibet eorum in solidum, ita quod non sit melior conditio occupantis, sed quod vnus eorum inceperit, alter prosequi valeat, & finire, suos & dictorum Communis, Vniuersitatis, & Districtus, & singularium personarum, ipsorum & cuiuslibet eorundem, veros & legitimos Syndicos, Procuratores, actores, factores, & nuntios speciales, ad se præsentandum ad pedes sanctissimi Patris & Domini, D. Clementis diuina prouidentia Papæ Quinti, & Sanctitati ac clementiæ suæ omnem reuerentiam exhibendam, & ab eius benignitate veniam, gratiam, & misericordiam humiliter implorandam, & ad supplicandum eidem humiliter, vt

absolutionis beneficium secundum formam Ecclesiæ, à quibuscumque excommunicationis sententijs, & à culpis, offensis, excessibus, iniurijs, expensis, & damnis datis, & alijs quibuscumque violentijs perpetratis, commissis, & illatis per dictos dominum Ducem & Venetos, & personas quascumque ciuitatis Venetiarum & Districtus, & singulares personas ipsius Ciuitatis & Districtus, eorumque valitores, auxiliares, complices, & fautores, vel alias de mandato ipsorum in ciues & ciuitatem Ferrariensem, Comitatum & Districtum eorum, ipsorumque auxiliares, valitores, defensores, & quemlibet eorum, & bona ipsorum mobilia & immobilia, necnon super his omnibus & singulis, & super alijs quibuscumque ab his dependentibus, & connexis eisdem, & ipsorum circumstantijs vniuersis, & super quibuscumque offensis & damnis, quæ sint, vel dicantur ab ipsis, vel ipsorum aliquo illata, vel data, scienter vel ignoranter quomodolibet, aduersus Dominum Papam, seu Legatos vel Nuntios ipsius, ac homines & vassallos eiusdem, vel alias contra ipsam Romanam Ecclesiam quoquomodo; dignetur eis, & cuilibet eorum, nomine prædictorum, & singularium personarum ipsorum, impendere misericorditer & largiri: Et ad petendum humiliter Ecclesiasticum Interdictum positum tam in ciuitate Venetiarum, seu in personis ciuitatis ipsius, quam in alijs quibuscumque personis, & Terris ac locis, eis subiectis, vel alijs eorum occasione, de gratia & iuxta formam Ecclesiæ relaxari, & à sententijs excommunicationum absolui, & nomine quo supra, ad implorandum, petendum, & obtinendum beneficium restitutionis in integrum, & se, & quemlibet de prædictis, aut de conciuibus, & districtualibus, vel subditis suis, adherentibus, coadiutoribus, valitoribus, & fautoribus, qui ob dictas D. Papæ, vel aliorum quoruncumque ipsius auctoritate sententias, vel processus, pœnas, infamiam, inhabilitatem, vel notas, seu defectus aliquos incurrissent, in integrum restitui, & ipsas omnes sententias priuationum, publicationes bonorum, inhabilitates, notas, infamias, defectus, reservationes, etiam aggrauatorias, & alios quoscumque processus, & sententias, ac pœnas, tam spirituales, quam temporales, etiam si super absolutione aliquorum ab homagijs, iuramentis, vel alijs lata fuerint, ac etiam aggrauationes, & alios quoscumque processus & sententias, cuiuscumque formæ verborum extiterint, vel tenoris, etiam si ab alijs quibuscumque auctoritate Apostolica fuerint prolati, vel prolata; de gratia reuocari, cassari, tolli, & annullari, & se in pristinum statum suum, & finem dicti Domini Papæ, ac Romanæ Ecclesiæ restitui, reponi, reintegrari, & conseruari, & restitutionem bonorum, quæ vbiicumque & à quibuscumque fuissent vel sint occupata, inuasa, vel detenta, seu habita petendum, etiam si super eis, vel eorum retentione, vel possessione fuerit ab ipso Domino Papa, vel alijs ipsius, vel alia quauis auctoritate, lata sententia, vel factus processus, & eorum captiuos, vbiicumque & in quibuscumque locis & guerris capti fuerint, relaxari: Et ad petendum humiliter, pacta quæ habuerunt & habent cum quibuscumque personis, Terris, locis, Collegijs, & Vniuersitatibus, & priuilegia, honores, & iurisdictiones ipsorum domini Ducis, Communis, Vniuersitatis, & Districtualium ipsorum ampliari, maiorari,

iorari, gratificari, & gratiosiora concedi, & super ijs quascumque litteras impetrandum: Dantes præfati dominus Dux & Consiliarij, nihilominus modo quo supra, præfatis duobus Syndicis & Procuratoribus suis, & eorum cuilibet, plenam & liberam potestatem, ac speciale mandatum in ipsorum animas iurandi, ac iuramentum præstandi de parendo mandatis ipsius Domini Papæ, & Romanæ Ecclesiæ, super omnibus & singulis prædictis, & quolibet præmissorum, satisfaciendi etiam ipsi Domino Papæ, & Ecclesiæ Romanæ, & eius subditis & vassallis, valitoribus etiam, & fautoribus, de ijs omnibus & singulis, pro quibus præfata sententiæ ac processus huiusmodi lata & facti fuerint, obediendi quoque & parendi super ijs omnibus & singulis, & super alijs quibuscumque tam dependentibus vel connexis eorum, quam circumstantijs vniuersis, ipsius Domini Papæ & Apostolicæ Sedis beneplacitis & mandatis, & promittendi nomine quo supra, se & ipsos, ipsa mandata & beneplacita recipere ac seruare, & firma ac rata semper habere, ac tenere, & numquam contrafacere, vel venire & faciendi insuper cum ipso Domino Papa, & Ecclesia Romana, pacta, transactiones, conuentiones, & ordinationes, tractatus, collationes; informationes, & suasiones, de quibus ipsi Domino Papæ, & ipsius Procuratoribus, vel eorum alteri, videbitur expedire, & illos ac illas in firmitatem reducendi, complendi, & firmandi, & effectui mancipandi, & tam ipsas, seu illas, vel illa, quam præmissa mandata & beneplacita Domini Papæ valandi promissionibus, obligationibus, acceptilationibus, pœnarum adiectionibus, renuntiationibus, & cautelis quibuscumque spiritualibus & temporalibus, de quibus ipsi Domino Papæ & Ecclesiæ Romanæ placuerit, & omnia pro ipsis & singulis prædictis ex eis stipulandi, & stipulationes & obligationes faciendi, recipiendi, & super prædictis, & quolibet prædictorum, & infracriptorum, & alijs circumstantijs quibuscumque celebrandi, nomine quo supra, vnum vel plures, contractum & contractus, valandum & valandos promissionibus, obligationibus, stipulationibus, pœnarum adiectionibus, renuntiationibus, & omnibus & singulis clausulis quibuscumque: & obligandi pro prædictis & infrascriptis omnibus & singulis, & quæ per ipsos Syndicos, vel eorum alterum in hac parte prædicto nomine fieri contingent, firmiter obseruandis, attendendis, cõplendis, & inuiolabiliter adimplendis, tam prædictorum nominatorum & expressorum specialiter, quam dicti Communis & Districtus, & singularium personarum ex eis, & dicti Communis & Districtus, bona omnia mobilia & immobilia, præsentia & futura, & ex superabundanti agendi, defendendi, libellum dandi, & recipiendi, litem contestandi, de calumnia & de veritate dicenda in animas ipsorum iurandi, & præstandi cuiuslibet alterius generis iuramentum, cum eis omnibus & singulis, quæ in agendo & defendendo requiruntur, coram ipso Domino Papa, & eius Auditoribus, & in eius Curia: Ac generaliter omnia & singula alia faciendi, tractandi, firmandi, complendi, supplicandi, gerendi, & exercendi, quæ in prædictis, & circa prædicta & infrascripta, & eorum quolibet fuerint opportuna, seu eis, vel eorum alteri visa fuerint expedire, quæ præsentibus non expressa, vel totaliter non in-

serta,mandatum exigant Speciale,etiam si illa non expressa maiora essent, quàm hic posita vel expressa , atque ipsimet facere possent , si personaliter interessent: Supplicandi præterea eidem Domino Papæ,& volendi & consentiendi , quòd idem Dominus Papa omnem defectum , si quis ex quauis causa , vel ratione in huiusmodi Syndicatu vel Procuratorio est , vel esse posset,dignetur supplere,& suppleat de Apostolicæ plenitudine potestatis: Dantes nihilominus eis , & cuilibet eorum in præmissis , & quolibet præmissorum,& ea contingentibus, plenum & generale mandatum , cum plena,libera,& generali administratione, ac promittentes ex nunc mihi Bonfanti notario infra scripto , tamquam publicæ personæ stipulanti & recipienti vice & nomine dicti Domini Papæ,& Apostolicæ Sedis , ac omnium & singulorum aliorum, quorum interest , vel interesse poterit , se suosq. successores, & dictum Commune ac Districtum, & singulares personas dicti Communis & Districtus, firmum , ratum & gratû perpetuo habituros totum & quicquid per dictos eorum Syndicos, Procuratores , actores , & nuntios, seu eorum alterum, actum, gestum, & procuratum , atque promissum fuerit, in præmissis, & circa præmissa, & quolibet præmissorum , & ea quæ ab ipsis, vel altero ipsorum promissa fuerint, obseruare & adimplere , & non contrafacere, vel venire: & ex superabundanti, de iudicio sisti, & iudicatum soluendo , cum omnibus suis clausulis, sub hypotheca & obligatione omnium bonorum suorum, & dicti Communis, Vniuersitatis, & Districtus . Quod quidem Instrumentum Syndicatus & Procurationis fieri voluerunt, & Ducali bulla plumbea pendenti muniri, eorum nomine .

Ego Bonfante q. Vitalis, laicus Taruisinus, Apostolica auctoritate Notarius publicus, prædictis omnibus interfui , & rogatus scripsi .

CLEMENS PAPA V.

Dilectis filijs Ioanni Duci, & Consilio, ac Comuni Venetiarum Castellanen. Diœcesis.

Salutem & Apostolicam benedictionem.



DEDIT nobis Dominus linguam eruditam, vt cum sustentare sciamus, qui lapsus est verbo. Lapsū quidem populum & errantem propitiante Domino sustentamus, cum illum per adiutoriū continemus, & ab infirmis peccatorum erigimus ad salutem: quoniam hæc est cordis Apostolici requies, & hoc refrigerium mentis nostræ, vt ei qui cunctorum est Dominus, quiq. gentes in hereditatem accepit, & nostræ vigilantiz ministerium deputauit ad dandam salutis scientiam plebi suæ, reddamus acceptabilem populum, bonorum operum sectatorem, & sicut ornamento decoris fidelium turbis inclityta sponſa Christi mater Ecclesia vestiatur. Ab ornamenti quidem huiusmodi compositione mirabili, cui mentes nostras diuini amoris charitas iunxerat, vos & quondam Petrum Gradenico olim Ducem Venetiarum prædecessorem tuum, fili Dux, dum adhuc eum in carne præsens sæculum retineret, Leniathan ille versutus hostis, coluber tortuosus, qui etiam viros sanctitatis claritate fulgentes quasi lutum vitij coinquinando substernit, sui status pestiferi vento secernens, adeo prudentiam vos & ipsum abijcere, sicq. a vestris & ipsius cordibus exulare consilium sellita persuasione coëgit, quòd ab eiusdem Ecclesiæ pijsſimæ matris vestræ dulcissimis vberibus decedentes, ad iura illius, in vobis olla succensa desideriorum sæcularium, anidas manus extendistis improvide, & post ciuitatem nostram Ferrariensem, peculiarem Ecclesiæ ipsius Cameram & speciale peculiū, per vos & eum ad illam vestro & suo dominio subiugandam, duris insultibus impugnatam, Castrum seu fortalitium nostrum Thedaldi eidem Ciuitati contiguum, Burgum Ciuitatis ipsius, Pontem super flumen Padi iuxta Ciuitatem eandem, & Turrim prope Pontem ipsum, in nostram & Apostolicæ Sedis grauem iniuriam & contemptum, ac totius provincie scandalum occupastis, aliquandiu facientes illa per violentiam detineri: & deinde in Ciuitatem ipsam, eiusq. ciues, nostros & Ecclesiæ præfatæ fideles, quasi flamma vorax, furore indignationis accensi, detestandis ausibus irruentes, & eis durioris insultus vexatis angustijs, scelestisq. actibus data licentia quàmplures domos, & nauigium Ciuitatis eiusdem concremastis incendio, & grassantibus gladijs, relaxatis habenis sæua quorundam vestrum impietas nescia parcere sexui vel ætati, non paucos ex fidelibus ipsis, qui transibant suppliciter, conuertistis in bellum: Mulieres

★ ★

populi

populi nostri de suarum deliciarum domibus eiecistis : eiusdem laudationes Ecclesie quæ in ore paruulorum suorum dulciter resonabant, abstulistis immaniter ab eisdem : Surgite, inquietes, recedite, quia hic requiæ non habebitis ; & nonnullos ex eis, quorum sexus & ætas innoxia veniam potius meruisse debuerat, efferis animis diræ mortis supplicijs tradidistis. Nos vero, quibus bonorum & iurium Ecclesie supradictæ & defensionis onus incumbit, huiusmodi grauitatem excessuum non valentes, prout nec debebamus, etiam sub dissimulatione salua conscientia præterire, vos & prædictum Petrum, adhuc processuum & sententiarum qui prætextu Ciuitatis eiusdem & ex certis alijs iustis causis per dilectum filium Abbatem Monasterij Tutellensis, Lemouicensis diocesis, & magistrum Honuphriū de Trebis Decanum Ecclesie Meldensis, Cappellanos & Nuntios nostros contra dictum Petrum & vos & Terram vestram Venetiarum iam haberi fuerant & etiam promulgati, notitiam non habentes, per nostras litteras requirendos & monendos duximus attentius & hortandos, vobis & eidem Petronihilominus dantes per easdem litteras in mandatis, vt à quolibet occupationibus, molestijs, impugnationibus, iniurijs, violentijs atque damnis Ciuitatis ipsius, eiusq. Comitatus, Territorij & Districtus, & personarum ipsorum per vos & alios cessantes omnino, Castrum seu tortalitiū, Burgum, Pontem, & Turrim prædictam, & quælibet alia bona & iura quæ dictam ciuitatem Ferrariensem quomodolibet contingebant, Abbati & Decano præfatis, vel ipsorum alteri, aut alij, vel alijs iuxta mandatum ipsorum, vel alterius eorumdem, omnibus reuocatis expresse per quos illa faciebatis tunc temporis detineri, vacua, libera & expedita penitus infra certi temporis spatium in eisdem expressum litteris dimittentes totaliter, & ipsos quolibet impedimento sublato, nostro & Ecclesie prædictæ nomine permittentes illorum pacifica & quietâ possessione gaudere, nullam super eis nobis & eidem Ecclesie ac præfatis Nuntijs ex tunc in posterum molestiam illaturi : aperte vobis & dicto Petro per litteras prædicentes easdem, quod si forsan huiusmodi nõ acquiesceretis monitis, exhortationibus & mandatis, contra vos procederemus prout nolis videretur expediens iustitia mediante : Et denuo vt de nostra & Apostolica Sedis mansuetudine copiosa vobis plenius appareret, per venerabiles fratres nostros Patriarcham Constantinopolitanum, qui de Terra vestra prædicta originem traxisse dignoscitur, & quem paulo ante ad precum vestrarum instantiam & suis exigentibus meritis in Patriarcham & pastorem Constantinopolitanæ Ecclesie deliberatio nostra præfecerat, necnon & per Archiepiscopum Rauennatensem, & Castellanen. loci Diocesanum, ac Ferrariensem, & Paduanum Episcopos, vobis vicinum, & charissimum in Christo filios nostros Robertum Siciliæ, & Federicum Trinacriæ Reges Illustres, in quorum terris & regnis nonnulli ex vobis negotiationes & mercimonia exercentes diuersimodemorabantur, & quàmplures alios Prælatos, & etiam Nuntios antedictos, & nonnullos Religiosos viros super ijs cum efficacia multa & instântia paternæ dulcedinis requiri & induci fecimus, & etiam exhortari : sed dictus

Petrus & vos nedum quod requisitionibus, inductionibus, & exhortationibus nostris huiusmodi deuotum præbuissetis, vt debebatis, auditum, aut vestrum conuerteretis ad illa promptis mentibus intellectum, immo potius currum ascendentes superbæ Pharaonis, & per huiusmodi ascensionis factum ad nauigandum sperantes terræ latitudinem vniuersæ, ac peragrandum pelagus noui conatus obstinatione deducere, ea irreuerentibus animis suscepistis, & subsequenter Ciuitatem ac Nuntios antedictos, qui eam & Comitatum ac Districtum eisdem cum omni iurisdictione, iuribus & pertinentijs suis nostro & ipsius Ecclesiæ Romanæ nomine possidebant, ipsorumq. Ciuitatis, Comitatus, & Districtus, ciues, habitatores, & homines, per terram & aquam exercitu valido congregato, cum machinis, ballistis, alijsq. diuersis missilibus, & varijs impugnationum generibus, ac si dies subuersionis & interitionis aduenisset ipsorum, terribilis coarctastis impugnationis angustijs, & Monasterijs, Ecclesijs, & alijs pijs locis armata contra ipsa impietate, crudeliter non parentes, ac Ciuitate, Comitatu ac Districtu prædictis expositis vastitati, nonnullas ipsorum domos flammæ incendijs, quàmplures prædictarum iectibus machinarum, & multas diuersis aquarum decursibus tamquam præuicatorum cætus casui desolationis miserabili subieciistis, & tandem Ciuitatem ipsam cum illo immittissimo Rege, qui cupiditatis suæ prædam exquirens, vineâ Prophetæ cruore possedit, vos auaritia stimulante ingressi fuistis hostiliter & potenter: Palatium quoque nostrum in eadem positum Ciuitate, & iurisdictionem ac dominium Ciuitatis, Comitatus, & Districtus, ac Territorij prædictorum ad nos & eandem Ecclesiam pleno iure spectantia inuasistis indebite, & aliquandiu detinere per violentiam præsumpsistis, ciues Ciuitatis ipsius quamuis in hac parte vobis contraditores existerent, & de iure nostro & eiusdem Ecclesiæ Romanæ fuissent publice protestati, ditioni vestræ de facto subijcientes, ac etiam seruituti: & Potestatem ac Officiales alios, qui nomine vestro Ciuitatem, Comitatum & Districtum, seu Territorium regerent sæpeditos, præfatis Nuntijs ac Potestati, Capitaneo, alijsq. officialibus nostris, qui nostro & Ecclesiæ præfatæ nomine Ciuitatis, Comitatus & Districtus siue Territorij prædictorum regimini præsidebant, exclusis protinus ab eisdem, constituistis ibidem pro vestræ libito voluntatis: per hæc nos & prædictam Ecclesiam, ipsosq. Nuntios & Officiales Ciuitatis, Comitatus ac Districtus siue Territorij prædictorum, ipsorumq. iurisdictione ac iuribus alijs & pertinentijs eorundem, & eorum possessione vel quasi, temere spoliando. Propter quod nos in die Cænæ Domini tunc sequenti, astante fidelium multitudine copiosa, præfatum Petrum, & te Ioannem Ducem præfatum, qui tunc eras vnus de prædicto Communi, quiq. per aliquod tunc præcedens tempus te gesseras nominatim, ac Vitalem Michaelis de ipsa Terra Venetiarum, qui Ciuitatis eiusdem tunc temporis se pro Potestate gerebat, ac vos vniuersos & singulos, omnesq. alios qui auctoritate vel nomine vestro in Ciuitate, Comitatu, seu Districtu & Territorio supradictis, seu parte ipsorum, Capitaneatus, vel aliud quodcumque gesserant, vel tunc gerebant officium,

cium, & illos etiam qui Ciuitatem, Comitatum, Territorium, & Districtum, Castrum seu fortalitium Thedaldi, Pontem, Turrim ac Palatium, supradicta in totum vel in partem, per se vel per alios præter nostram, vel dictorum Nuntiorum voluntatem detinuerant, vel etiam detinebant, & omnes alios qui prædictas occupationes, spoliationem seu spoliationes, depradationes, molestias, iniurias, violentias per se vel per alios fecerant, aut fieri mandauerant, seu factas, ratas habuerant, siue ad faciendum dederant auxilium, consilium vel fauorem publicum, vel occultum, per nostros processus publice monuimus, & attentius fuimus exhortati, dicto Petro, ac vobis & eis districtè mandantes, quòd ipsi, & tu Ioannes, vosq. Commune & Vitalis prædicti, & omnes alij & singuli qui pro vobis in dictis Ciuitate, Comitatu, Districtu & Territorio morabantur, ipsos Ciuitatem, Comitatum & Districtum, seu Territorium, Castrum seu fortalitium, Palatium, Pontem, & Turrim prædicta cum iuribus & pertinentiis supradictis, aliaq. bona & iura, quæ dictos Ciuitatem, & Comitatum, & Districtum ac Territorium quomodolibet contingebant, reuocatis & exclusis omnibus per quos detinebatis, eadem prædictis Abbati & Decano, vel eorum alteri, aut alij vel alijs ad hoc ab eis, vel eorum altero deputando, vel etiam deputandis, infra xxx. dierum spatium, postquam huiusmodi mandatum nostrum ad ipsius Petri & vestram notitiam peruenisset, seu per vos staret quominus perueniret, vel peruenire posset, vacua, libera & expedita integre restituere, & totaliter dimittere curaretis, nullam nobis vel eis super illis in posterum turbationem, violentiam, seu molestiam illaturi, vt quolibet impedimento sublato, Nuntij supradicti nostro & Ecclesiæ præfatæ nomine, prædictorum possessione vel quasi possent gaudere libere, plene, pacifice & quiete, ac nihilominus de iniurijs, molestijs, violentijs & damnis eisdem nobis, & Ecclesiæ ac Nuntijs, & ciuibus, habitatoribus & hominibus supradictis, & cuilibet eorumdem curaretis satisfactionem plenariam exhibere. Et quia vos & dictus Petrus huiusmodi nostris monitis & mandatis acquiescere non curastis, nec etiam obedire, vos & idem Petrus & singuli vestrum excommunicationis sententiam, cui vos & ipse de Fratrum nostrorum consilio subiacerere voluimus, & à qua præterquam à nobis vel successoribus nostris Romanis Pontificibus, nisi dumtaxat in mortis articulo, non possetis absolutionis obtinere beneficiū, incurristis. Super qua quidem sententia duximus declarandum, quòd si aliquem ab ipsa in eodem mortis articulo absolui contingeret, licet satis super hoc esset de iure prouisum, ne tamen aliquis prætextu ignorantie iuris excusare se posset, nisi in eodem absolutionis articulo quàmprimū commodè posset, postquam ad conualescentiam perueniret, super restitutione ac dimissione, & alijs supradictis plenam satisfactionem impenderet, eandem excommunicationis sententiam reincideret ipso facto. Ciuitatem quoque Castellanen. & Terram vestram Venetiarum ac vos, Commune siue Vniuersitatem vestram, aliasq. Terras, Castra, Ciuitates, Villas, loca, & Vniuersitates vobis & eidem Terræ Venetiarum subiectas, & etiam participantes vobiscum, in pœnam vestram Ecclesiastico subiecti-

mus Interdicto . Et quia vtilius esurienti panis tollitur , quàm si de cibo securus iustitiam vilipendat , eo casu vobis communionem , participacionem & commercium quorumlibet Christi fidelium , ita quòd nullus vobis bladum , vinum , carnes , pannos , ligna , vel quascumque res alias aut merces deferre , portare , seu vendere , siue quocumque alio modo in vos transferre , aut à vobis emere , vel delationem , venditionem , translationem & emptionem huiusmodi si prohibere posset , sustinere præsumeret , ex tunc interdiximus , & penitus duximus prohibendum : In omnes contra Interdictum & prohibitionem huiusmodi venientes , si persona singularis existeret , quantacumque dignitate fulgeret , excommunicationis , si vero Ciuitas , Castrum , Villa , aut Vniuersitas foret , Interdicti sententiam incurrerent ipso facto , à qua videlicet excommunicationis sententia nullus ab alio quàm à nobis vel successoribus antedictis , nisi dumtaxat in prædicto mortis articulo posset absolui , prout in alio casu superius est expressum . Et insuper quia beneficia propter ingratitudinem merito reuocantur , vos seu Vniuersitatem vestram , ac Terram Venetiarum , & dictum Petrum , & omnes alios & singulos supradictos omnibus priuilegijs , libertatibus , immunitatibus realibus & personalibus vobis & ipsi Petro ac eisdem Vniuersitati & Terræ ab Apostolica Sede sub quacumque verborum forma , concessis , feudis quoque ac bonis quæ à Romana vel alijs quibuscumque tenebatis Ecclesijs , ex tunc auctoritate Apostolica sententiando priuantes , vassallos & homines vobis & eidem Petro & dictæ Terræ vestræ subiectos à iuramento ac fidelitate & obligatione quacumque , quibus vobis & eidem Petro ac ipsi Terræ vestræ quomodolibet tenebantur , duximus absoluentes : volentes & auctoritate præfata statuantes , quòd ex tunc essetis infames , ita quòd nec ad testimonium nec ad alios legitimos actus possetis admitti , essetis etiam intestabiles , vt nec possetis condere testamentum , nec ex testamento , vel ab intestato admitteremini ad successionem aliquatenus cuiuscumque . Nullus quoque vobis & dicto Petro super quocumque negotio , sed vos alijs cogere mini respondere . Causæ vero ad vestram , seu dicti Petri audientiam , si iurisdictionem aliquam haberetis , nullatenus perferrentur , nec vestri aut ipsius Petri valerent sententiæ vel processus . Nullus quoque vobis , aut dicto Petro in quacumque causâ vel negotio patrocinium præstare præsumeret , nec vos aut ipse ad patrocinandum alijs admitteremini quoquomodo : & si qui ex vobis officium Tabellionatus haberent , instrumenta confecta per ipsos aliquatenus non valerent . Filij quidem & nepotes vestri vsque ad quartam generationem , ad nullas admitterentur dignitates , vel beneficia , seu officia Ecclesiastica , aut honores Ecclesiasticos vel mundanos : quod si secus actum existeret , illud carere volumus omni robore firmitatis . Præterea in penam vestrâ & ipsius Petri , dicto Episcopo Castellanen. & dilectis filijs Abbatibus , Prioribus , Canonicis , Monachis , & vniuersis & singulis Prædicatorum , Minorum , Eremitarum sancti Augustini , Fratrum etiam Carmelitarum , & aliorum quorumcumque Ordinum , & Religiosorum Prioribus , Ministris , Custodibus , Guardianis , & alijs personis Ecclesiasticis tam sæcula-

ribus quàm regularibus, quibuscumque nominibus censerentur, in ciuitate Castellana, seu Terra Venetiarum præfatis, vel circa ipsas ad decem milliaria commorantibus districte præcepimus, vt infra decem dies, prædictos triginta dies immediate sequentes, eandem Ciuitatem & Terram, eorumq. Districtū exirent, ibidem nullatenus reuersuri donec vos dictumq. Petrum Sedis Apostolicæ gratiam obtinere contingeret, ipsiq. à nobis aliud reciperent in mandato: contrarium vero facientes, excommunicationis sententiam incurrerent ipso facto, à qua præterquam à nobis vel à nostris successoribus præfatis, nisi diutaxat in mortis articulo, non possent absolui, sicut in alijs casibus exprimitur antedictis, quocumque priuilegio non obstante. Concessimus tamen eis quòd in Ecclesijs & domibus eorundem, duo, tres, seu quatuor vel quinque aut sex, iuxta magnitudinem seu modicitatem Ecclesiarum vel domorum ipsarum, conuersi & illiterati, vel Clerici in minoribus Ordinibus constituti, necnon & in parochialibus Ecclesijs Parochiales Presbyteri pro ministrandis Baptismate paruulorum, pœnitentijs morientium, & alijs Sacramentis Ecclesiasticis, quæ ministrantur tempore Interdicti, de iure possent licite remanere. Quòd si forte vos & dictus Petrus per xxx. dies prædictos alios triginta dies immediate sequentes, persisteretis in contumacia supradicta, præfatum Petrum à dignitate Ducatus, ac vos & alios supradictos, & vestrum & eorum singulos in dignitatibus seu officijs publicis constitutos, ab ipsis dignitatibus & officijs ex tunc per sententiam nostram deponendos duximus, & etiam remouendos: ac vos & eundem Petrum inhabiles reddidimus ad illa, & quæcumque alia officia, publica consilia, & honores in posterum obtinenda: vestraq. bona mobilia & immobilia confiscauimus de fratrum consilio prædictorum, ac personas vestras exposuimus fidelibus capiendas, vt capientur fieretis serui, bonaq. ipsa videlicet mobilia concessimus quibuscumque ex eisdem fidelibus occupanda: bonorum autem immobilium quæ vos & Petrus prædictus & singulares eiusdem Terræ vestræ personæ in eadem Terra ac Romanæ & quibuscumque alijs partibus habebatis, dispositione & ordinatione nobis & eisdem successoribus nostris specialiter reseruatis. Quod si dictus Petrus, vosq. Ioannes & Commune, ac Vitalis & alij supradicti, & quiuis alij molestias, iniurias, offensas, violentias, deprædationes, incendia, homicidia, seu maleficia supradicta contra nos & Romanæ Ecclesiæ Nuntios, ciues, habitatores, homines, & fideles præfatos, committentes vel etiam perpetrantes, seu ad illa committenda vel facienda dantes auxilium, consilium, vel fauorem, infra tres menses à tempore quo prædictum mandatum nostrum ad vestram & eorum ac ipsius Petri notitiam perueniret, vel per vos aut eos fieret quominus perueniret, seu peruenire posset, computandos, nobis & eidem Ecclesiæ Romanæ, Nuntijs, ciuibus, habitatoribus, hominibus, & fidelibus supradictis super præmissis non impenderetis satisfactionem plenariam: necnon & quicumque vobiscum contumacia supradicta durante, confederationem, societatem, colligationem seu ligam quascumque faceret vel iniret, siue in detentione Ciuitatis & Comitatus, Districtus seu Terri-

Territorij prædictorum, vel quominus idem Petrus, ac vos & alij supradicti nobis & eidem Ecclesiæ Romanæ, ac Nuntijs, ciuibus, habitatoribus, hominibus & fidelibus sæpeditis de Ciuitate, Comitatu, Districtu ac Territorio, iuribus & pertinentijs, iniurijs, damnis & violentijs antedictis restitutionem & satisfactionem plenariam faceretis, vobis daret auxilium, consilium vel fauorem directe, vel etiam indirecte, publice vel occulte, si personæ singulares quantacumque dignitate fulgerent, anathematizatis, si vero Ciuitas, Castrum aut Villa, Vniuersitas, seu Collegium, vel Communitas foret, incurrerent Interdicti sententias ipso facto, à quibus vel eorum aliqua nullus absolutionem, remotionem, seu relaxationem, posset, præterquam ab eadem excommunicatione in eodem mortis dumtaxat articulo, vt in casibus antedictis exprimitur, obtinere. Colligationes autem, confederationes, pactiones, conventiones, societates, submissiones & obligationes quascumque inter vos & dictum Petrum, ac Vniuersitatem seu Commune dictæ ciuitatis Ferrariensis, aut Ciuitates alias siue Vniuersitates, vel Communitates quascumque factas, etiam si essent promissione, iuramento, pœnarum adiectione, vel alia quauis firmitate vallatæ, annullauimus, cassauimus & irritauimus penitus, & haberi volumus pro infectis: Decernentes vt si quis dominium aliquod habens vel regimen, infra tempus sui regiminis easdem pœnas vel sententias aut eorum aliquam sustineret, quasi post tempus ipsum non esset ad satisfactionis debitum, compellendus, eum qui satisfacere recusaret, & successorem ipsius in dominio vel regimine supradictis, si infra quindecim dierum spatium satisfacere forsitan non curaret, manere sententijs & pœnis eisdem inclusum, & in omnibus alligatum. Et subsequenter vestra contumacia excrecente, dictos processus & sententias contra vos ac dictum Petrum, ac eandem Terram vestram Venetiarum, auctoritate præfata diuersis modis duximus aggrauandos. Et insuper dilectus filius noster Arnaldus sanctæ Martæ in Porticu Diaconus Cardinalis tunc in partibus illis Legationis fungens officio, ac Nuntij supradicti per se & alios, præter huiusmodi nostros, diuersos alios processus & sententias contra vos & dictum Petrum & eandem Terram vestram Venetiarum præmissorum occasione ante & post eisdem processus nostros diuersis temporibus habuerunt & promulgarunt, ac ipsas etiam sententias aggrauarunt, prout in eisdem nostris & Cardinalis ac Nuntiorum præfatorum processibus & litteris plenius continetur: quos, vt cum illis de quibus scriptum est, Percussisti eos, & non doluerunt, attriuisi, & noluerunt recipere disciplinam, in vobis insensibilitatis proprietates notaretur, animis sustinuisi diutius induratis. Sed postmodum Deus & pater luminum, misericordiarum Dominus, insensibilitatis præfatæ duritiam rore suæ infusionis emolliens, vosq. de tenebris vocans in delectabile lumen suum, sic cordium vestrorum oculos illustrauit, quod deuota pœnitundine ducti ad eiusdem Ecclesiæ sue græmium, saniori directi consilio rediistis, & per dilectum filium nobilem virum, Franciscum Dandoli, & quondam Carolum Quirini de prædicta Terra Venetiarum adhuc viuente, vestros & dicti Petri Sindicos & Procurato-

res ad hæc pro vobis & eodem Petro & toto Districtu vestro, & singulis personis ipsius, dictisq. subditis & fidelibus vestris, plenum & sufficiens à vobis & ab eo mandatum habentes, quos propter hæc ad Sedem Apostolicam destinastis, super prædictis excessibus, iniurijs, damnis, & violentijs, occupationibus, spoliatione, seu spoliationibus, deprædationibus & molestijs, ac omnibus alijs & singulis supradictis nostram & eiusdē Sedis gratiam & misericordiam implorastis humiliter, & cum multæ reuerentiæ & deuotionis supplicastis instantia, quòd vos & alios dictis ligatos sententijs ab eisdem absoluere, dictosq. relaxare processus, & pœnas remittere dignaremur, se pro vobis Petro ac alijs supradictis, quorum nomine Procuratores erant & Sindici, vt prædicitur constituti, super eisdem excessibus, iniurijs, violentijs atque damnis, occupationibus, spoliatione, seu spoliationibus, deprædationibus, molestijs, & omnibus alijs supradictis, & eorum quolibet, nostris & Ecclesiæ prædictæ stare & parere mandatis & beneplacitis offerentes: Et tandem in nostra & Fratrum prædictorum præsentia in Consistorio publico, Clericorum & laicorum adstante copiosa multitudo constituti, in vestras & Petri, ac aliorum animas præfatorum super his iuramentum super sancta Dei Evangelia ab eisdem tacta corporaliter præstiterunt: & licet Petrus præfatus postmodum decessisset, dictus tamen Franciscus Syndicus, te Ioanne Duce præfato ad huiusmodi Ducatus dignitatem assumpto, ab instantia huiusmodi supplicationis non destitit, sed continue apud Sedem Apostolicā moram trahens, super præmissis pro vobis Ioanne Duce ac Consilio & Commune & alijs antedictis nostram & Ecclesiæ præfate gratiam & misericordiam vt prius suppliciter implorauit. Nos vero qui talem nostri clementissimi Saluatoris, cuius tenemus vices in terris, erga filios hominum nouimus pietatem, vt nedum quod ipse, qui vt miseretur omnibus, cōclusit omnia sub peccato, in puritate cordis despiciat pœnitentes, verum etiam ipsos cum de profundo malorum ad viam redeunt veritatis, desuper abundanti miserationum suarum multitudo suscipit, nec eos quantumuis exiguæ conuersionis mercede patitur vacuari, vestigijs inhærentes, & illius celestis patrisfamilias, qui de regione longinqua filio redeunti misericordia motus occurrens, desideranter in oscula prorupit, illius exemplis salutaribus moniti, & diuinis institutionibus informati, vobis, quamuis grauitas excessuum, prædictorum grandium pœnarum acerbiter importet, eiusdem matris Ecclesiæ brachia liberaliter aperimus, in amplexus & oscula filialis dilectionis occurrimus, vobisq. stola prima munda & nitida renouatis, Franciscum Syndicum supradictum in vestros & vestrum singulorum subditorum ac fidelium, & Vitalis prædictorum, & vniuscuiusque vestrum, & ipsorum personas, etiam si personæ Ecclesiasticæ forent, à dictis excommunicationum sententijs eadem auctoritate absoluiimus, & p̄cessus omnes & singulos, ac pœnas, sententias, aggrauationes per nos & Cardinalem ac Nuntios supradictos & quemlibet eorum, vel alium seu alios de mandato ipsorum, seu quenuis alium contra vos & Terram, fideles & subditos vestros, & Clericos ipsius Terræ vestræ Venetiæ habitos, promulgatos & factos,

factos, necnon & inhabilitatis notas, quas vos & iidem fideles & subditi, dictaq. Terræ vestræ Venetiæ Clerici incurristis, ac confiscationes de vestris & fidelium & subditorum eorumdē bonis, & interdictiones contra vos & eosdem fideles & subditos occasione præmissorum vt præmittitur factas, de speciali gratia remittimus, tollimus, & etiam relaxamus: Vosq. & eandem Terram vestram Venetiæ communioni, participationi, & commercio fidelium eorumdem, omnibusq. priuilegijs, libertatibus, immunitatibus, feudis, iuribus & bonis immobilibus quæ habebatis in dictis Ciuitate Ferrariensi & Districtu, vel alibi, ac bonis mobilibus quæ habetis, tenetis, vel possidetis per vos vel per alium seu alios vbicumque, & honoribus habilitari, famæ ac statui pristinis, teq. specialiter Ducenti eidem dignitati Ducatus, dictisq. pristinis famæ ac statui, honori & alijs plene & in integrum restituimus, & reintegramus totaliter de gratia speciali. Notarios quoque ipsius Terræ vestræ per dictas nostras sententias Tabellionatus priuatos officio, ad ipsum officium plene restituimus, decernentes de Apostolicæ plenitudine potestatis instrumenta postmodum confecta, per eos plenam obtinere roboris firmitatem. Vassallos equidem & fideles vestros in obligationem qua tenebantur vobis tempore processuum prædictorum, reponimus & reducimus, ipsosq. illi volumus subiacere. Illos autem ex vobis, aut fidelibus vel subditis vestris si quis forsitan de nostro, aut Cardinalis, siue Nuntiorum prædictorum mandato vel auctoritate per quoscumque Clericos vel laicos, Communitates, aut Vniuersitates detineantur vbique terrarum, volumus iuxta iuris exigentiam relaxari. Cum eisdē vero personis Ecclesiasticis, quæ contra prædictos nostros, aut Cardinalis, seu Nuntiorum præfatorum & quorumlibet aliorum processus ratione prædictorum quauis auctoritate habitos veniendo excommunicationis sententiam incurrerunt, ipsaq. ligati sententia celebrando diuina, vel immiscendo se illis, non tamen in contemptum clauium, irregularitatis maculam contraxerunt, sicq. ligati se fecerunt ad Ordines promoueri, dummodo alijs rite statutis à iure temporibus ad eos Ordines sint promoti, super eadem irregularitate, & quòd in eisdem Ordinibus licite valeant ministrare, & ad superiores etiam promoueri, & quælibet Ecclesiastica beneficia cum cura vel sine cura, etiamsi Dignitates, Personatus, officia vel administrationes existant, non obstantibus processibus & irregularitate prædictis licite valeant obtinere, eadem auctoritate Apostolica dispensamus. Clericis autem & Religiosis præfatis qui de nostro, vt prædicatur, seu Cardinalis, vel Nuntiorum præfatorū, & aliorum quorumcumque Apostolica vel alia quauis auctoritate seu mandato de dictis Ciuitate Castellanen. & Terra Venetiæ vel locis, vt prædicatur, ad decem miliaria eisdem Ciuitati & Terræ propinquis recesserunt, redeundi ad Ciuitatem, Terram & loca prædicta, ibiq. vt primus commorandi plenam licentiam elargimur. Nulli ergo &c. nostræ absolutionis, remissionis, abolitionis, relaxationis, restitutionum, reintegrationis, constitutionis, repositionis, reductionis, voluntatum, dispensationis, & permissionis &c. Si quis &c. Datum Auinione vij. Kalend. Februarij, anno octauo.

CLEMENS EPISCOPVS

SERVVS SERVORVM DEI

Ad futuram rei memoriam .



DVDM contra dil. fil. Ducem, Consilium & Commune Venetiarum Casiellanen. diœcesis, & singulares personas, bona, fideles & subditos eorundem propter graues excessus per eos contra nos & Romanam Ecclesiã & Ciuitatem nostram Ferrariensem commissos, diuersos processus habuimus, & inter alias quas in eos & singulares personas ipsorum, ac participantes cum eis, seu contra huiusmodi processus nostros quomodolibet venientes protulimus, excommunicationis sententiam duximus proferendam: volentes quòd filij & nepotes ipsorum vsque ad quartam generationem essent inhabiles ad beneficia, & dignitates, personatus, & officia Ecclesiastica obtinenda, nec ad aliquos admitterentur honores Ecclesiasticos vel mundanos, decernentes irritum & inane si secus super his à quoquam contingeret attentari. Demum vero nonnullæ personæ Ecclesiasticæ de prædicta Terra Venetiarum contra dictos processus nostros temere venientes, & aliàs cum Venetis participantes eisdem, huiusmodi excommunicationis sententiam incurrerunt, & subsequenter eadem excommunicationis sententia ligatæ, celebrando diuina, vel immiscendo se illis, irregularitatis maculam contraxisse noscuntur: Cumq. postmodum Dux, Consilium & Commune præfati saniori ducti consilio ad nostra & ipsius Ecclesiæ mandata humiliter redeuntes, & per nos super eisdem processibus, ac excommunicationis & alijs sententijs supradictis eis & participantibus memoratis, etiam si participantes ipsi personæ Ecclesiasticæ forent, beneficio absolutionis impenso, dictisq. personis Ecclesiasticis super huiusmodi irregularitate dispensatione concessa, ac eis & eorum singulis, etiam si personæ Ecclesiasticæ forent, remissis inhabilitatibus, quas incurrissent prætextu processuum prædictorum, pro parte Venetorum ipsorum per dil. fil. nobilem virum Franciscum Dandoli de dicta Terra Venetiarum Syndicum & Procuratorem eorum, fuit nobis cum multa instantia supplicatum, vt personis Ecclesiasticis antedictis, quoad retentionem beneficiorum Ecclesiasticorum, quæ ipsis durantibus processibus, sententijs, irregularitate, & inhabilitate prædictis collata fuerunt, subuenire de Apostolicæ prouisionis remedio dignaremur. Nos igitur eorum supplicationibus inclinati, eisdem personis, & earum singulis prædicta beneficia, etiam si Dignitates, Personatus, vel officia cum cura vel sine cura fuerint, cum omnibus iuribus & pertinentijs suis, dummodo aliàs eis collata, vel personæ ipsæ ad præsentationem aliorum qui ius in eis præsentandi habere noscuntur, insti-

instituta canonice fuerint in eisdem, de nouo Apostolica auctoritate conferimus, & de illis etiam prouidemus. Electiones autem & postulationes, si quæ de personis eisdem vel aliquibus earundem ad beneficia Ecclesiastica, Dignitates, Personatus vel Officia, ad quæ personæ quæ illis præficiuntur, interdum consueuerunt per electionem assumi, etiam si Dignitates Pontificales existant, & in locis forsan interdictis, dum tamen aliæ sint iuxta sanctiones Canonicas celebratæ, & quidquid in eis vel ob eas secutum est, illam habere decernimus roboris firmitatem, quam haberent si personæ ipsæ tempore dictarum electionum & postulationum ligatæ processibus & sententiis excommunicationis & irregularitate prædictis, & ad illa recipienda inhabiles non fuissent, nec extitissent in locis interdictis electiones & postulationes huiusmodi celebratæ, ac irritum & inane si secus super eisdem per nos collatis beneficijs, dignitatibus, personatibus & officijs à quoquam scienter vel ignoranter quauis auctoritate contigerit attentari. Non obstantibus quibuscumque statutis & consuetudinibus contrarijs Ecclesiarum, in quibus huiusmodi beneficia, dignitates vel personatus, seu officia per nos ut præmittitur, collata fuerint, iuramento, confirmatione Sedis Apostolicæ, seu quacumque firmitate alia roboratis, aut si aliqui super prouisionibus sibi faciendis de Dignitatibus vel Personatibus, seu officijs & beneficijs Ecclesiasticis in dictis Ecclesijs speciales, vel in illis partibus generales dictæ Sedis, vel Legatorum eius litteras impetrarint, etiam si per eas ad inhibitiones, reservationem & decretum, vel aliàs quomodolibet sit processum: quibus omnibus in assecutione Dignitatum, Personatum, Officiorum & beneficiorum huiusmodi personas prædictas volumus anteferri, sed nullum per hoc eis quoad assecutionem aliorum Dignitatum, vel Personatum, seu officiorum ac beneficiorum præiudicium generari, seu si locorum Ordinarijs & Capitulis præfatarum Ecclesiarum vel quibuscumque alijs communiter vel diuim à prædicta sit Sede, indultum, quòd ad receptionem vel prouisionem alicuius minime teneantur, & ad id compelli non possint, quòdque de Dignitatibus vel Personatibus, seu Officijs ac beneficijs earundem Ecclesiarum, & alijs ad eorum collationem vel prouisionem seu præsentationem, aut quamcumque aliam dispositionem coniunctim vel separatim spectantibus nullus valeat prouideri per litteras Apostolicas non facientes plenam & expressam ac de verbo ad verbum de indulto huiusmodi mentionem, & qualibet alia prædictæ Sedis indulgentia generali vel speciali, cuiuscumque tenoris existat, per quam præsentibus non expressam, vel totaliter non insertam, effectus huiusmodi gratia impediri valeat quomodolibet vel differri, & de qua cuiusque toto tenore habenda sit in nostris litteris mentio specialis, aut si personæ prædictæ præsentibus non fuerint ad præstandum de obseruandis statutis & consuetudinibus prædictarum Ecclesiarum solitum iuramentum, dummodo in absentia sua per procuratores idoneos, & cum ad Ecclesias ipsas accesserint corporaliter illud præstetur. Nulli ergo &c. collationis, prouisionis, & constitutionis &c. Datum Auiatione vij. Kalend. Februarij, anno octauo.

S I X T I
P A P A E I I I I . 12

Declaratio & promulgatio Excommunicationis,
Interdicti, & aliarum censurarum contra
Venetos, qui ciuitatem Ferrariensem
hostiliter inuaferant, & multa illius
Ducatus loca occupauerant.

R O M A E
Ex Typographia Vaticana.
Anno M D C VI.

211
I T X I
III

THE
LIBRARY
OF THE
MUSEUM
OF
COMPARATIVE ZOOLOGY
AND
ANATOMY
OF THE
MUSEUM OF
COMPARATIVE ZOOLOGY
AND
ANATOMY
OF THE
MUSEUM OF
COMPARATIVE ZOOLOGY
AND
ANATOMY

ROMA
The British Museum
MDCVI

SIXTVS EPISCOPVS

SERVVS SERVORVM DEI

Ad futuram rei memoriam.



Ad honorum tutelam, & malorum perniciem & vindi-
cā iustitia cælitus emanauit, vt qui virtutis amore ad
ea quæ sua non sunt, manus extendere non formidant,
saltem pœnæ formidine arceantur. Dūdum siquidem,
dum ad apicem summi Apostolatus fuimus diuina di-
sponente clementia meritis licet insufficientibus as-
sumpti, mente reuoluentes calamitates, quas Christi
fideles pertulerant causantibus guerris, & dissensionibus
eorumdem: & quod Dominus noster Iesus Chris-

tus Dei filius, cuius vices gerimus in terris, post peractum inter homines no-
stræ redemptionis salutiferum cursum, cum ex hoc mundo ad patrem ascen-
surus esset, pretiosum suis discipulis & perpetuo obseruandum iocale reli-
querat in discessu, pacem videlicet, qua nihil dulcius, nihilq. desiderabilius
est: eius saluberrimo exemplo edocti, ad pacem & concordiam procurandam
inter vniuersos Christianæ religionis professores omnes nostros conuertimus
cogitatus. Et hoc incensi studio non solum Italiam, accersitis ad nos sæ-
pius illius Potentatum oratoribus, ad mutuam animorum coniunctionē ex-
citauius, sed etiam Transalpinos Principes, & remotissimas nationes missis
ad id Legatis & Nuntiis nostris monuimus, & tandē pro instanti temporis ne-
cessitate omnes Christianorum Principes & Potentatus ac vniuersos Christi
fideles Ecclesiasticos & sæculares cuiuscumque præminentia & dignitatis
existerent per alias nostras litteras monuimus, & mandauimus eisdem, vt
mutuam inter se charitatem, & pacem ac concordiam, vel saltem per trien-
nium, infra quod adhuc sumus, treugas, inducias seu belli moram, quas per
easdem litteras auctoritate omnipotentis Dei pro defensione & securitate,
Dominici gregis, quem Saluator noster pascendum, tuendum atque curan-
dum nobis commiserat, indiximus, & per vniuersos Christianos seruari vo-
luimus, obseruarent, arma deponerent, & priuatarum iniuriarum obliui, Chri-
sti redemptoris nostri iniurias, offensiones, & opprobria vlciscerentur, ac in
infideles qui Christianorum omnium sanguinem sitiebant, & Evangelicam
legem delere conabantur, arma sumerent. Et vt id liberius facere possent,
eos cum eorum statu, Ciuitatibus, Terris, dominijs, subditis, territorijs, ac bo-
nis omnibus sicut ea tunc tenebant & possidebant, sub beatorum Petri & Pau-
li ac Romani Pontificis protectione recepimus atque nostra, ita vt eis per se
ipso vel alios quæ mandabantur per nos implerentibus, plena securitate &
quiete gauderent, omnibus quoque cuiuscumque status & conditionis existe-
rent, ac quacumque dignitate præfulgerent, auctoritate Dei omnipotentis

districtè præcipiendo mandauimus, ne durante dicto triennio, quouis quasi-
 to colore directe vel indirecte, palam vel occulte quemquam ex eisdem Prin-
 cipibus aut personis prædictis offenderent, aut offendentibus præstarent au-
 xilium, consilium, vel fauorem, seu vt Ciuitates, Terræ, & loca vni Principi
 subiecta ab illius, cui suberant, obedientia quomodolibet se subtraherent,
 vel ab alijs subtraherentur, aut aliàs illa obtinentes in illorum regimine per-
 turbarentur, seu quod in eis aliquid innouaretur procurarent: affirmauimus
 quoque quod nos contra omnes & singulos quos arma sumere, & indictas
 per nos auctoritate Dei omnipotentis inducias huiusmodi violare, ac nostris
 inhibitioni & mandatis prædictis contrauenire contingeret, per censuras Ec-
 clesiasticas, & alia iuris remedia quauis appellatione remota vsque ad satis-
 factionem condignam omnino procederemus, eosq. persequi, & ad eorum
 persecutionem alios inducere non cessaremus, vt illos in quorum præiudiciũ
 aliquid foret attentatum, pro posse indemnes conseruaremus, non secus quã
 si talia contra nos & Sedem Apostolicam, ac loca ditioni dictæ Sedis subiecta
 attentata forent, prout in eisdem litteris plenius continetur. Et quamquam
 iure optimo possemus nonnullos subditos nostros qui contra nos grauiter
 deliquerant, punire, tamen ne vlla pacis turbandæ occasio daretur, omnium
 iniuriarum obliuisci, & illis parcere maluimus. Denique hæc omnia pro pace
 ordinaueramus, sed inimico humani generis & satore zizanix procurante,
 dilecti filij nobilis vir Ioannes Mocenigo Dux, ac Consilium & Commune
 Venetiarum (quibus nulla gerendi belli occasio antea data fuerat) propu-
 gnacula quædam erigendo primi contra mandata nostra prædicta venire, &
 huiusmodi pacem in Italia turbare ceperunt. Et cum dilectus filius nobilis
 vir Hercules Dux Ferrariensis propugnacula huiusmodi intra Ferrariensis
 territorij fines ad quintum ferme miliare constructa fuisse conquereretur,
 Nos qui adduci non poteramus ad credendum eosdem Venetos, quos nostra-
 rum rerum atque honoris nostri, & sanctæ Sedis Apostolicæ defensores non
 offensores reputabamus, præmissa in nostrum contemptum, & pœnarum Apo-
 stolicarum elusionem fecisse, eos ad remouendum propugnacula prædicta,
 enixe hortati fuimus. Qui intra suos fines & terminos illa constituisse, &
 Ferrariensem Ducem præfatum pacta à maioribus suis seruata violare, &
 seruare nolle responderunt, nobisq. sua serunt nulla ratione in bellum aut in
 Ferrariam occupandam, sed in fines suos & iura tutanda animum habere.
 Quamobrem cum propter ipsorum propugnaculorum constructionem inno-
 uatum fuisse diffiteri non posset, quamuis ad censurarum & pœnarum in lit-
 teris nostris præfatis contentarum promulgationem procedere potuissemus,
 & vt id per nos fieret pro parte eiusdem Ducis Ferrariensis cum instantia re-
 quisi fuisset: tamen cupientes huiusmodi discordias paterna charitate
 sopire, & ignem extinguere non augere, exhortati fuimus ipsum Ducem Fer-
 rariensem ad pactorum sicuti maiores sui fecerant obseruationem, qui ea-
 dem illa se obseruaturum Venetis præfatis obtulisse rescripsit. Et cum ipsi
 Veneti non eo modo Ducem ipsum Ferrariensem eis obtulisse nobis signifi-
 cassent, ne quid ad compositionem inter eos faciendam decisset, misimus eis-
 dem Venetis verborum formam in scriptis, quam ipse Dux Ferrariensis
 obseruasse

obseruasse & obseruare velle nobis scripserat. Quod ab eisdem Venetis denegabatur, & ob id ipsius Ducis Ferrariensis & Potentatum Italiz cum quibus confederatus erat, Oratores ad nos & Sedem Apostolicam destinati promissionem huiusmodi sub eorundem verborum formula in Consistorio nostro se facturos obtulerunt, litterasq. eorundem Potentatum Italiz, & Ducis Ferrariensis confederationum attulerunt. Qui ad nos sacrumq. Collegium venerabilium fratrum nostrorum S.R.E. Card. omnes huiusmodi controuersias retulerunt, pollicentes quidquid a nobis decisum super his fuisset, Ducem ipsum Ferrariensem expleturum. Veneti vero saepius a nobis rogati vt idem facerent, quod sane omni ratione facere debuissent, facere noluerunt, affirmantes se in rebus Ferrariensibus nullum recognoscere superiorem, quod tamen contra honestatem, contra iura, & sanctorum Patrum decreta in nostrum contemptum, ac nostrae auctoritatis & iurisdictionis diminutionem plane esset: quia tamen ipsi Veneti inde nullum bellum, sed concordiam sequi debere nobis persuadebant, tolerauimus, atque eos quanto potuimus hortari non cessauimus ad beneuolentiam reintegrandam cum Duce ipso Ferrariensi, ad quam ipse Dux se offerebat. Et vt nihil omitteremus quod eorundem honori & quieti Italiz expediret, nolimus ad censuras & executionem litterarum praedictarum progredi, quoniam concordiae & belli minime faciendi Veneti praefati nobis spem certam dabant, in qua cum essemus, & eosdem Venetos ad mittendum nobis iura sua in praemissis hortaremur, contra eundem Ducem Ferrariensem, contra iustitiam, contra nos quos bellum abhorrere sciebant, contra Romanam Ecclesiam, cuius iuris ciuitas Ferrariensis existit, nobis penitus inscijs aperto Marte impia arma mouerunt. Dilectus vero filius nobilis vir Alphonsus Dux Calabriae dilectae in Christo filiae nobilis mulieris Elionorae Ducissae Ferrariensis frater pro liberatione cognati, sororis & filiorum eorundem ab ipsorum Venetorum oppressione ad Territorium Ferrariensem cum suis gentibus & armigeris se transferre volens, a nobis transitum petijt per terras praefatae Ecclesiae. Poteramus ei ad propulsandum iniuriam per eosdem Venetos eisdem Duci Ferrariensi illata proficiscenti iure optimo per vrbes, agrosq. nostros transitum dare. Non fecimus tamen, immo transitum ei penitus denegauimus: quia dilectus filius Franciscus Diedus ciuis Venetiarum orator ad nos & Sedem praedictam destinatus eorundem Venetorum nomine nobis persuasit concordiam cito peruenturam inter eos, & Ducem Ferrariensem: quodq. ipsi Veneti praemissa contra eundem Ducem Ferrariensem attemptauerunt, vt Ducem ipsum Ferrariensem facilius ad concordiam adducerent, non vt bellum excitarent, ac Italicam quietem & pacem perturbarent. Sed copositio aliqua secuta non fuit, immo subito Veneti praefati per eorum terrestrem exercitum, & naualem classem ceptum per eos bellum contra ciuitatem Ferrariensem, & illum Ducem praefatos acerrime prosequi, pleraq. oppida ipsius Ducis expugnare, multa ferro & igni usque ad moenia eiusdem ciuitatis depopulari & conflagrare, ac denique ciuitatem eandem obsideri fecerunt: Nosq. pro eo quia Venetis fauere dicebamus, in nostris ciuitatibus, terris & locis grauia & intolerabilia damna, etiam occupationes ciuitatum

ciuitatum & terrarum nostrarum pertulimus, nec tamen vnumquam cessauimus omni nobis possibili via eosdem Venetos ac alios Italix Potentatus ad communem intelligentiam, pacem, & mutuam charitatem pro posse inducere, & exquirere media per quæ pax concludi posset. Et quanto magis Venetos præfatos omnia eorum studia omnemque conatum non vt à principio dicebant ob suorum finium conseruationem, sed ad Ferrariam, & reliqua loca dominij eiusdem Herculis Ducis diripienda conferre manifeste videbamus, tanto plus reliquos Potentatus ad optatam per nos vniuersalem Italix pacem inducere, & eiusdem pacis conclusionem accelerare conabamur. Cumque tandem Deo auxiliante reliquos Italix Potentatus ad conuenientia media pacis huiusmodi induxissemus, Venetis præfatis de quibus sperabamus quotiens vellemus, prout sæpius per eorum Oratorem præfatum obtulerant pro communi Italix & Reipublicæ Christianæ bono, vt de filiis obsequentiis decernere posset, ita vt quando ceteris Italix Potentatibus pacem ipsam societatemque conficiendam persuasissemus, videremur sic omnia consecuti, vt ad eandem ipsam præclarissimam rem conficiendam nihil nobis relinqueretur difficultatis, nihilque negotij, vt media honesta pacis huiusmodi amplecterentur, persuadere nequiuimus: processimusque tandem ad eiusdem pacis conclusionem, locum relinquentes eisdem Venetis, vt si vellent, possent pacem ipsam honestis conditionibus amplecti, eisque scripsimus paterna charitate causas, non minus iustas quam necessarias, quæ nos pro totius Italix reique publicæ Christianæ incolumitate ad pacem componendam impellebant, hortantes eos vt eandem susciperent, & à bello abstinere, ac occupata restituerent, obtulimusque eis omnem illorum & Ducis Ferrariensis controuersiam iustitia mediante sopire. Ipsi vero responsivas litteras dederunt longe aliter scriptas quam legere speraremus, Ferrariense bellum varijs fucantes coloribus, quæ ideo nos molestia doloreque affecerunt: quia mentem animumque eorum à pace ac societate quam publicam in Italia conficere statueramus, alienum esse, eosque vehementer id abhorre significarunt. Et quamquam statuisse bellum prosequi velle sic aperte nobis scripsissent: decreuimus eos adhuc alijs nostris litteris ad pacem amplectendam, bellumque Ferrariense deserendum inuitare, & assumptos per eos colores in id negando confutare, eosque paterna vt semper fecimus eharitate monuimus, vt accuratius ad ea omnia quæ scribebamus, animum ex religione conuerterent, nec eos dominandi libido e ratione deduceret. Nam & si victoriam in manibus haberent, vt eorum ad nos litteris affirmabant, eo maior honos & laus eis foret, si communem pacem omnibus alijs postpositis amplecterentur. Contra vero si bellum prosequerentur, vti decreuisset statuissetque, affirmabant, eos scire debere se bellum gerere cum Christo Iesu Deo nostro, & eius sanctæ Ecclesiæ, pro cuius honore & defensione Ferrariæ rebus omnibus diuinis & humanis adesse curaremus, gererentque bellum etiam cum reliquis Italix Potentatibus, qui Ecclesiæ Dei & Italiam ipsam per eosdem labefactare non sinerent, haberentque quoque causam iniustam, & bellum illicitum: Nos vero è contra iustitiam foueremus; & cum totam Italiam contra se accensam prouocassent, nisi à tanto facinore desisterent,

sterent, & occupata restituerent, prout eis persuadebamus, essent Christianis omnibus derisui pariter & odio: omnes enim eos alienarum rerum occupatores, non suarum defensores vere dicerent. Suasimus præterea eis, ut memores essent Luciferum præfectionem, sublimitatem, dignitatem ac excellentiam super omnes Angelos ante lapsum habuisse, & cum superbia elatus voluisset exaltari, humiliatum ac depressum fuisse usque in profundum abyssi: & ut in mente haberent verbum Saluatoris nostri, Durum est tibi contra stimulum calcitrare: Quodq. in die Cœnæ Domini omnes qui civitatem nostrā Ferrariensem prædictam occupare niterentur, per nos ac prædecessores nostros Romanos Pontifices excommunicati & anathematizati fuerant. Suasimus etiam eis ne iactabunde dicerent victoriam in manibus habere. Nam hanc dabat adimebatq. solus Deus immortalis, cuius causa agebatur. Ex quo facile fieri posse videbatur, ut & ipsi qui viciisse asserebant, breui tempore amisisse viderentur: & quantum progressi ultra forent, tanto regredi cogerentur. Et denique hortati fuimus eos, & requisivimus ac monuimus in Domino, ut cogitationes istas inanes deponerent, cupiditates effrenas compefcerent, arma reuocarent, Ferrariam dimitterent, castella per eos capta restituerent, quod suum est possidendum cuiq. tranquille relinquerent, & pacem Italiæ amplecterentur, sicq. rei suæ totiusq. Italiæ quieti consuleret, alioquin non dissimularem amplius spiritualibus & temporalibus armis procedere contra eos, uti nobis expediens videretur, & iustitia suaderet, quia ista eorum dominandi libido inhumana nimium, & à Christiana religione aliena ferenda non erat: Nosq. pacem publicam in Italia vigere omnino volebamus, ut simul bellorum iniurias caueremus, simul quieti restitueremus omnes, & Reipublicæ Christianæ unitis viribus contra immanissimos hostes consuleremus. Veneti vero præfati in eorum proposito perseverantes, nostris persuasionibus huiusmodi annuere nullatenus voluerunt, & immemores, quod sancta Romana Ecclesia eos semper dilexit ut filios, ac multis privilegijs & gratijs insigniuit, cœptum per eos bellum contra Ferrariam, immo contra nos & præfatam Ecclesiam, cuius nomen in omni prouincia, in qua Apostolicæ prædicationis sonus exiit, celeberrimum habetur, adeo ut etiam Barbaris gentibus sit terrori, prosequi non cessarunt, nec cessant. Nos igitur præmissis omnibus debita meditatione pensatis, non valentes ulterius eorumdē Ducis, Consilij & Communis Venetiarum ausus huiusmodi, & tam manifestum Ecclesiæ præfatæ, ac totius Italiæ præiudicium sub dissimulatione transire, ac in hærentes vestigijs felicitis recordationis Clementis Papæ Quinti prædecessoris nostri, qui contra eosdem Venetos, pro eo quia præfatam Romanā Ecclesiā possessione civitatis prædictæ Ferrariensis spoliaverant, & civitatem ipsam occupauerant, atque occupabāt, excommunicationis, interdicti & anathematis ac æternæ maledictionis, necnon priuationis & inhabilitationis Ecclesiasticas sententias, censuras, & pœnas apud Auinionem in Cœna Domini promulgavit, & brachiū sæculare inuocavit, eorum bona omnia capientibus in prædam concessit, ac voluit eos fieri seruos capien-

pientium eisdem, prout in eiusdem prædecessoris litteris plenius continetur, licet absque alia monitione & ulteriori dilacione iuste possimus animaduertere in eisdem Venetos, qui Italicam pacem inuiolare, & Ferrariam nostram inuadere, contra priores & in Cœna Domini publicatas alias nostras litteras prædictas præsumpserunt: & repetitis litteris nostris moniti & requisiti vt desistant, id facere aperte denegarunt, & denegant, bellumq. ipsum prout ex decreto ac statuto prosequendum esse scripserunt, prosequuntur: Nihilominus volentes de solita Sedis Apostolicæ benignitatis affectu adhuc experiri, si aliqua in eis scintilla deuotionis & obedientiæ remanserit, & eos vt oues errantes ad ouile humilitatis humeris reportare, ac summi Dei exemplo in benigniorem partem inclinare, habita super his cum præfatis fratribus nostris deliberatione matura, de illorum consilio præfatos Ioannem Mocenigo Ducem, & tam Rogatorum, quam generalis nuncupati Consilij Consiliarios, ac Commune Venetiarum vniuersaliter, & singulariter singulos eorundem Consiliorum & Communis ciues, ac qui exercitus eorum contra ciuitatem præfatam Ferrariensem, immo contra nos & præfatam Ecclesiam, prouiditiores existunt, & quorum nomina & cognomina ac designationes opportunas pro expressis habemus, ciues Venetiarum, necnon qui eiusdem exercitus ductor & Capitaneus fuit & est, Robertum de sancto Seuerino, omnesq. & singulos qui in locis ditionis dicti Herculis Ducis aliquod gerunt officium, seu immorantur nomine eorundem Venetorum, & quoscumque alios qui eisdem Duci, Consiliarijs & Comuni ad huiusmodi belli prosecutionem præstant quomodolibet auxilium, consiliū, vel fauorem directe vel indirecte, publice vel occulte, eorumq. complices & adhærentes existunt, cuiuscumque status, gradus, ordinis & præminentię sint, ac quacumque dignitate & auctoritate præfulgeant, præfata auctoritate hortamur in Domino, requirimus, & monemus, ac ipsis & cuilibet eorum per hæc Apostolica scripta præcipiendo mandamus, quatenus infra quindecim dies post affixionem præsentium in valuis basilicæ Principis Apostolorum de Vrbe immediate sequentes, quorum quinque pro primo, quinque pro secundo, & reliquos quinque pro ultimo & peremptorio termino canonica monitione præmissa eis & cuilibet eorum, assignamus, Dux, Consiliarij, Commune, Prouiditores, Capitaneus, & alij qui pro eis in dictis locis immorantur, à belli huiusmodi ulteriore prosecutione, & omni hostili incurfu in locis ditionis dicti Herculis desistant, occupata per eos dicti Ducis Castra, Terras & loca quæcumque cum suis iuribus & pertinentijs, & quæcumque alia bona & iura quæ dictum Herculem Ducem, & loca suæ ditionis contingere quomodolibet dignoscuntur, præfato Herculi Duci plene & integre restituant, ac reuocatis exinde & exclusis eorum gentibus & armigeris, ac cunctis per quos infestantur & detinentur, ea omnia dimittant, & dimitti faciant vacua, libera, & penitus expedita, ita vt Hercules Dux præfatus quocumque eorundem Venetorum impedimento sublato, Comitatum, districtum, castra, & loca ipsa possidere valeat libere, pacifice, & quiete, prout face-

facere solitus erat ante propugnaculorum erectionem prædictam, nullam super illis vel eorum aliquo, præfato Herculi Duci molestiam seu violentiam illaturi deinceps, consultores vero, auxiliatores, adhærentes, complices, & sequaces à præstatione auxilij, consilij, vel fauoris huiusmodi omnino cessent. Et si Dux, Consiliarij, Commune, Prouiditores, Capitaneus, immorantes, consultores, fautores, complices, sequaces, & adhærentes exhortationi, requisitioni, monitioni, & mandato nostris huiusmodi infra dictos quindecim dies non paruerint cum effectu, in eodem Ioannem Mocenigo Ducem, Rogatorum, & generalis Consilij Consiliarios, ac alias singulares personas Communis præfati Venetiarum, necnon Prouiditores, Capitaneum, immorantes, fautores, consultores, adhærentes, complices, & sequaces, ac quemlibet eorum, qui sic non paruerint, aut ut non pareatur, seu pareri distentur, consuluerint, suaserint, fecerint, dixerint, vel procurauerint, seu alias qualitercumque in hoc culpabiles fuerint, directe, vel indirecte, tacite vel expresse, ex nunc prout ex tunc de eorumdem Fratrum consilio maioris excommunicationis sententiã promulgamus, & eos illam incurrere volumus eo ipso, à qua præterquam in mortis articulo constituti, ab alio quam Romano Pontifice etiam prætextu cuiuslibet facultatis cuiusque pro tempore desuper cõcessã, nequeant absolutionis beneficium obtinere: Ita ut si quem eorum tamquam in tali articulo constitutum absolui contingat, qui postmodum conualuerit, in eandem excommunicationis sententiam reincidat eo ipso, nisi post conualescentiã monitioni & mandato nostris prædictis paruerit cum effectu. Et si moniti & excommunicati præfati dictam excommunicationis sententiam per alios tres dies dictos quindecim dies immediate sequentes animo, quod absit, sustinuerint indurato, sententiam ipsam aggrauamus, & ex nunc prout ex tunc Venetiarum, Paduanam, Veronensem, Vicentinam, Brixiensem, Teruissinensem, Pergamensem, reliquasve à Venetis præfatis tenta & possessa, Ciuitates, Terras, Castra & loca quæcumque citra & ultra mare, ac in maritimis insulis consistentia, & generaliter loca quæcumque etiam ab eisdem Venetis non possessa, ad quæ aliquẽ eorumdem excommunicatorum declinare contigerit, quamdiu in illis permanferit, & triduo post recessum eiusdem, ac quæ in illis sunt Ecclesias & monasteria ac religiosa & pia loca quæcumque de eorumdem Fratrum consilio præfata auctoritate Ecclesiastico subijcimus interdicto, ita ut illo durante in illis etiam prætextu cuiusvis etiam Apostolici indulti personis, ordinibus, vel locis concessi, præterquam in casibus à iure permissis, & etiam in illis alias quàm clausis ianuis, ac excommunicatis & interdictis exclusis, nequeant Missæ & alia diuina officia celebrari. Si vero moniti, excommunicati, & interdicti præfati per alios tres dies dictos vltimos tres dies immediate sequentes ad cor reuerti, occupata restituere, & à bello desistere, ac nostris monitioni & mandatis prædictis obtemperare distulerint, & in sua voluerint cordis duritia & peruersa obstinatione permanere, eos & quemlibet eorum reaggrauationis, anathematizationis, & æternæ maledictionis, ac perpetuæ damnationis cum Dathan & Abiron,

quos viuos terra absorbuit, irretitos mucrone ligamus, ac ligatos & irretitos esse decernimus ipso facto. Eosdemq. Io. Mocenigo Ducem, Consiliarios Rogatorum & generalis Consilij, ac alias singulares personas Communis Venetiarum, Prouiditores, Capitaneum, immorantes fautores, adherentes, complices, & sequaces, reliquosve monitos prædictos, excommunicatos, aggrauatos, interdictos, re-aggrauatos, anathematizatos, & maledictos vt præfertur in eorum proteruia perseverantes, reos criminis læsæ maiestatis dicta auctoritate decernimus, ac Io. Mocenigo Ducatu Venetiarum, & ipsum, necnon Consiliarios, Prouiditores, Capitaneum, & alios monitos, dignitatibus & honoribus in quibus constituti existunt, & tam ipsos in specie, quàm præfatos Commune Venetiarum, priuilegijs, concessionibus, gratijs & indultis, necnon bonis omnibus quæ in feudum, vel emphyteosim seu aliàs à Romana vel alijs Ecclesijs, monasterijs & locis Ecclesiasticis obtinent, ita vt illi ad quos pertinent, de eis vtpote ad ipsos libere reuersis possint pro sua voluntate disponere, necnon Commune præfatum iure si quod eis competit in Paduana, Veronenſi, Vicentina, Brixienſi, Taruiſina, Pergamenſi, ac alijs Ciuitatibus, Terris, & locis eorum ditioni obtemperantibus, ac alijs eorum bonis dicta auctoritate priuamus, ita vt nihil ex illis transmittatur ad posteros, & ipsos sic priuatos respectiue ad illa & alia quæcumque dignitates, administrationes, & officia sæcularia in posterum obtinenda inhabilitamus, eorundemq. monitorum subditos, vassallos, & feudatarios, ac præsertim Paduan. Veronen. Vicentin. Brixien. Taruiſinen. Pergamen. aliarumq. Ciuitatum, Terrarum, & locorum huiusmodi ciues, incolas, & habitatores, ac fortalitorum, & arcium in eis consistentium, Castellanos, & Custodes, à quorumuis fidelitatis iuramentorum per eos dictis monitis non parentibus præfatorum obseruatione, iure vassallatico, & subiectione absoluiamus, & penitus liberamus: & vt alij eorum exemplo perterriti similia non attemptent, volumus & de simili consilio dicta auctoritate decernimus, quòd Ioan. Mocenigo Dux, & alij sic moniti, excommunicati, interdicti, iteratis vicibus aggrauati, anathematizati, maledicti, & priuati, si in suo pessimo proposito turbandi quietem Italicam, & occupandi ciuitatem prædictam Ferrariensem perseverauerint, ex tunc infames existant, & ad testimonium non admittantur, testamenta & codicillos condere, & ad alicuius successionem ex testamento vel intestato peruenire non possint. Etsi iurisdictionem habeant, causæ ad eorum examen non deducantur, nec valeant eorum sententiæ vel processus, nullus pro eis, nec ipsi pro alijs in quacumque causa procurare possint, & si qui eorum Notarij existant, instrumenta per eos conficere non valeant, sed cum auctore damnato damnentur. Eorum debitores ab his quæ eis debent liberati existant. Nulli eis, sed bene ipsi alijs super quocumque negotio de iure respondere teneantur: filij quoque & nepotes, alijsq. descendentes eorundem vsque ad quartam generationem Ecclesijs, monasterijs, Canonicatibus, dignitatibus, & alijs beneficijs & officijs Ecclesiasticis quæ eos tunc obtinere contigerit, sine spe restitutionis eo ipso sint priuati. Et ipsi ac

sis ac alijs natis tunc, & qui postmodum nascentur vsque in generationem prædictam ad illa, quibus sic priuati forent, & alia Ecclesias, monasteria, dignitates, administrationes & officia, aliaq. beneficia Ecclesiastica, & ad quoscumque ordines & honores Ecclesiasticos vel mundanos sit penitus reclusus aditus & ascensus. Et cum salubre existat, ac publicæ utilitati non parum expedire noscatur, eisdem sic tot censuris & pœnis ligatos à Christi fidelium cœtu, tamquam membra putrida, ne eorum versutijs alios ad eorum perniciem deducant, segregare, vniuersas & singulas Paduan. Veronen. Vicentin. Brixien. Taruisin. Pergamen. & aliarum Ciuitatum, Terrarum & locorum ditioni eorundem Venetorum, obtemperantes Communitates, vniuersitates, & quas in eis tempore quo præfati Veneti priuationis iuris eorum in illis pœnam prædictam, incurrant, habitare contigerit singulares personas, & generaliter quoscumque vassallos eorundem sic monitorum dicta auctoritate de simili consilio requirimus & monemus, ac eis & eorum cuilibet mandamus, vt infra sex dies, quorum duos pro primo, duos pro secundo, & reliquos duos pro vltimo & peremptorio termino eis & cuilibet eorum canonica monitione præmissa assignamus, ab eorundem Venetorum & existentium tunc in Ciuitatibus, Terris & locis prædictis pro eisdem Potestatum, Capitaneorum, Prouiditorum & quorumlibet aliorum, officialium obedientia penitus & omniino quantum in eis est se subtrahant, & illos in eorum superiores nullatenus recognoscant, nec illorum mandatis obtemperent quoquomodo. Et si qui eorundem subditorum & vassallorum in his fuerint negligentes, vel remissi, seu alias quomodolibet culpabiles, in eos & quemlibet eorum omnes & singulas quomodolibet culpabiles, in eos & quemlibet eorum omnes & singulas prolatas per præfatos in eisdem Ducem Venetiarum & alios monitos præfatos excommunicationis, aggrauationis, interdicti, anathematis, maledictionis, priuationis, & inhabilitationis sententias, censuras & pœnas pari modo ex nunc prout ex tunc proferimus & promulgamus in his scriptis. Monemus præterea & requirimus auctoritate prædicta omnes & singulos forenses Italicæ, Gallicæ, Theutonicæ, Hispanicæ, Anglicæ, Scoticæ, Dalmaticæ, & cuiuslibet alterius nationis, quos tunc Venetijs aut in Ciuitatibus, Terris & locis, in quibus Veneti præfati de iure vel de facto superioritatem obtinent, mercaturæ seu quauis alia causa esse contigerit, & mandamus eisdem, vt postquam Veneti præfati interdicti sententiam incurrerint memoratam, quamprimum poterunt de Venetiis & alijs locis in quibus Veneti superioritatem obtinent, vt præfertur, ipsiq. tunc degerent, cum eorum mercibus & rebus omnibus recedant, & ad illa redire, aut in eis conuersari durante interdicto prædicto nullatenus præsumant. Alioquin illos ex eis qui monitioni & mandato huiusmodi nostris obtemperare distulerint, similes prorsus excommunicationis, aggrauationis, reaggrauationis, interdicti, priuationis & inhabilitationis, ac bonorum confiscationis sententias incurrere volumus eo ipso, à quibus pari modo ab alio quam Romano Pontifice nisi in mortis articulo nullus valeat absolutionis beneficium promereri. Rursus tamen

ipſos qui ſic habitant Venetijs, & in alijs ciuitatibus prædictis, euiſent ac faciant quantum in eis eſt euitari, nec cum eiſdem Venetis aut ſubditis eorum, ſeu ipſorum aliquo emendo, vendendo, permutando, mercando, ſeu alias quomodolibet contrahendo, commercium habere, aut cum eiſdem per terram, vel per mare conuerſari, & in eorum nauibus, triremibus & alijs nauigijs, ſeu in quibus aliquis eorum, vel ipſorum mercantiæ, res & bona vcherentur, ſe aut eorum res, merces, & bona vehi permittere, granum, vinum & alia victualia, pannos, merces, & res alias ad eos deſerre, vel delata per eos receptare, ſiue ad illa vchendum nauigia & operas eorum præſtare quoquomodo præſumant ſub ſimilibus cenſuris & pœnis: Et etiam nullitatis contraſtuum quos inirent, ac perditionis mercium, victualium & bonorum delatorum, quæ capientium illa ſiant & applicentur eiſdem, ſimiliter eo ipſo incurrendis in pœnam. Inſuper Venetorum, aliorumq. monitorum non parentium prædictorum, Venetiarum, ac omnium & ſingularum Cathedralium etiam Patriarchalium, Metropolitanarum & aliarum inferiorum Eccleſiarum & Monafteriorum, Prioratuum, domorum & locorum religioſorum & piorum quorumlibet Abbatibus, Prioribus, Canonicis, Monachis etiam Congregationis ſanctæ Iuſtinæ Paduan. Lateranen. & ſancti Saluatoris, necnon ſancti Georgij in Alea nuncupatarû, ac vniuerſis & ſingulis Ordinibus Fratrum Prædicatorum, Minorum, Eremitarum ſancti Auguſtini, Carmelitarum, & Seruorum ſanctæ Mariæ tam Conuentualium, quàm de Obſeruantia nuncupatorum, aliorumq. quorumcumque Ordinum & Religionum Prioribus, Miniſtris, Cuſtodibus, Guardianis, & alijs Clericis ſæcularibus & regularibus quibuſcumque nominibus cenſeantur in Venetiarum, Paduan. Veronen. Vicentin. Brixien. Teruiſin. Bergomen. & alijs Ciuitatibus, Terris & locis prædictis, in quibus Veneti ſuperioritatem, quamlibet exercent morantibus, diſtrictè præcipiendo mandamus, vt infra quinque dies poſt dictos primos quindecim dies immediate ſequentes exeant de Ciuitatibus, Terris & locis ipſis in quibus degunt, ad loca ipſa minime reuerſuri, donec ibi Veneti noſtris monitionibus & mandatis obtemperauerint, & meruerint interdicti præfati relaxationem obtinere. Et ſi quis de prædictis contraſecerit, ſi Epifcopi & ſuperiores interdicti, ingreſſus Eccleſiæ; ſi vero alij ab eiſdem fuerint, excommunicationis ſententiam incurrant ipſo facto, à qua non poſſint abſolui ab alio quàm à Romano Pontifice niſi in mortis articulo conſtituti. Et præter huiſmodi interdictum, & excommunicationis ſententiam Epifcopi & ſuperiores, ac monafteriorum Abbates, Commendatarij & alij adminiſtratores regimine & adminiſtratione Eccleſiarum & monafteriorum eorumdem, reliqui vero ab eis omnium & ſingulorum beneficio- rum, dignitatum, perſonatuum, adminiſtrationum, & officiorum, Canoniatuum & præbendarum, aliorumq. beneficiorum Eccleſiaſticorum, quæ tunc obtinebunt, & graduû ad quos promoti forent, priuationis pœnam ſine vlla ſpe reſtitutionis ad ea, incurrant ſimiliter eo ipſo: De quibus poſſit & debeat per Sedem Apoſtolicam, & ab illa facultatem habentes

res Apostolica auctoritate dumtaxat absque alia declaratione incursum
 pœnæ huiusmodi illico libere prouideri. Concedimus tamen quod in Ca-
 thedralibus, & alijs Collegiatis & non Collegiatis Ecclesijs, ac domibus
 Prædicatorum & Minorum, aliorumq. religiosorum & sæcularium duo,
 tres, quatuor, quinque vel sex secundum magnitudinem & paruitatem Ec-
 clesiarum vel domorum, conuersi & illiterati, vel Clerici in minoribus Or-
 dinibus constituti, & in Ecclesijs Parochialibus pro ministrandis Baptis-
 matis paruulorum, pœnitentia morientium & alijs Ecclesiasticis Sacra-
 mentis quæ ministrantur tempore interdicti, earum Rectores seu alias cu-
 ræ animarum Præpositi ibidem licite valeant remanere. Ecclesijs autem
 & monasterijs, domibus & locis Ecclesiasticis, in quibus interdicto hu-
 iusmodi durante Missæ & diuina officia fuerint celebrata contra interdi-
 ctum huiusmodi, & quorum personæ contra mandatum nostrum in illis
 remanere præsumpserint, omnes gratias, omnia priuilegia & indulta adi-
 mimus; ita ut eis in posterum nullatenus suffragentur. Ad reprimen-
 dum præterea eorundem Venetorum ad bellum tam perniciosum cona-
 tus, vniuersis & singulis Ducibus, Marchionibus, Communitatibus, Ba-
 ronibus, Domicellis, feudatarijs, Vicarijs & vassallis, ac alijs quibuscum-
 que in temporalibus prædictæ Romanæ Ecclesiæ mediate vel immediate
 quomodolibet subiectis & non subiectis, districte præcipimus & manda-
 mus, ne ad stipendia eorundem Ducis, Consilij & Communis Venetiarum,
 aut eis fauentium in præmissis militare, aut eorum stipendia capere, seu
 ad stipendia huiusmodi vel aliàs cum eis se vel suos armigeros ac seque-
 ces locare, eisq. aliquod auxilium, consilium vel fauorem quomodocum-
 que præstare audeant. Quinimmo Robertus de sancto Seuerino, & si qui
 alij cum eisdem ad præsens militant, non obstante quacumque obligatio-
 nis formula, qua obligati forent eisdem, quæ quatenus contra Romanam
 Ecclesiam militare promississent, non astringit eosdem, & nullius est robo-
 ris vel momenti, infra quindecim dies à publicatione præsentium compu-
 tandos, ab ipsis Duce, Consilio & Communi Venetiarum, eorumq. obse-
 quijs & stipendio omnino recedant: & in omnes & singulos ex eis qui
 contra mandata huiusmodi facere, vel venire tentauerint quoquo modo
 per se vel alios, directe vel indirecte, similis excommunicationis, anathe-
 matis, maledictionis, & priuationis ac inhabilitationis, necnon in terras,
 dominia, & loca eorum, si quæ tunc eos habere & obtinere contigerit,
 interdicti, & in eos eorumq. descendentes priuationis dignitatum, domi-
 niorum, feudorum, & bonorum, ac priuilegiorum, gratiarum & beneficio-
 rum Ecclesiasticorum, ac inhabilitationis dominiorum, & bonorum con-
 fiscationis, sententias, censuras & pœnas prædictas ex nunc prout ex tunc
 promulgamus, eosq. illas incurrere volumus eo ipso: quæ similiter per
 alium quam Romanum Pontificem præterquam in mortis articulo, ut de
 alijs superius est expressum, nequeant submoueri. Inhibemus etiam qui-
 buscumque temporale dominium obtinentibus etiã Regali, Ducali, Prin-
 cipatus, Marchionatus, Comitatus, & Baronis, vel alia dignitate fulgen-
 tibus sub similibus censuris & pœnis per eos si contrafecerint eo ipso in-

currendis, ne cum eisdem Duce, Consilio, & Comuni Venetiarum directe vel indirecte ad prædicti Ferrariensis prosecutionem, aut motionem alterius belli in præiudicium prædictæ Romanæ Ecclesiæ tendentis ligam, confederationem seu colligationem, vel intelligentiam ineant, aut hætenus forsan initas, factas & conclusas, quas quatenus ad præiudicium præfatæ Ecclesiæ tendunt, etiam si pœnarum adiectione & iuramento sint vallatæ, illarum tenorē ac si infereretur pro expresso habentes, non tenere, & nemini quo minus eisdem Venetis fauendo sub colore earum censuras & pœnas prædictas incurrant, excusationem præstare posse declaramus, obseruent quoquo modo. Ceterum si excommunicati, interditi, anathematizati, maledicti, priuati & inhabilitati prædicti, postquam priuationis & inhabilitationis pœnas prædictas incurrerint, obstinata animi duritie nostris monitioni & mandato prædictis vltius distulerint obtemperare, ex nunc prout ex tunc omnes Reges, Duces, Principes, Marchiones, Barones, Communitates, Vniuersitates, & quoscumque alios Terrarum dominos, ac gentium, armorum Capitaneos ad quorumcumque fidelium stipendia militantes requirimus per præsentēs, eisq. & cui-libet eorum in virtute sanctæ obedientiæ præcipimus & mandamus, quatenus contra eosdem Venetos, ac in sua obstinatione perseverantes, pro honore præfatæ Sedis armis insurgant, eosq. persequi & debellare procurent, & ne nostram ciuitatem Ferrariensem ac loca quæcumq. dominiij dicti Ducis Ferrariensis occupent se eis opponant, & in ipsorum Venetorum pœnam, & pro eorum plectenda rebellionē huiusmodi quoscumque Venetos in eorum Ciuitatibus, Terris, locis & dominijs degentes, & Ciuitatum, Terrarum ac locorum, quorū Communitates, Vniuersitates & incolæ præfatos Venetos in eorum dominos recognoscere, & eis vt eorum dominis obtemperare præsumpserint, postquam ipsi Veneti priuationis iuris eorum in illis pœnā incurrissent, capiant, & captiuos teneant, eorumq. mercantias, pecunias, nauigia, credita, res & bona omnia in proprios vsus conuertant. Nos enim ipsis arma sumentibus, & aliquos eorumdem Venetorum & subditorum suorum tunc eorum ditioni obtemperantium, eorumve res & bona in huiusmodi euentum capientibus vniuersa, pecunias, iocalia, mercantias, nauigia, animalia, res & bona, mobilia & immobilia, ciuitates quoque, castra & loca eorumdem Venetorum quæ sic ceperint vbique locorum etiam extra loca Territorij eorumdem Venetorum, eis in prædam concedimus, & volumus illa ad eosdem capientes pleno iure pertinere; & personas ex Venetijs, aut alijs Ciuitatibus, Terris & locis quorum Communia & vniuersitates ab eorum obedientia, prout eis mandatur per præsentēs, se non subtraxerint originem trahentes, seu in illis domicilium habentes, quas vbique locorum capi contigerit, seruos fieri capientium. Concedimus quoque eisdem qui sic contra eosdem Venetos pro defensione ciuitatis prædictæ Ferrariensis, immo Romanæ Ecclesiæ, ab ipsorum Venetorum bello & oppugnatione huiusmodi se opposuerint, & ad defensionem eiusdem ciuitatis quomodolibet præstiterint auxilium, consilium, vel fauorem, plenariam omnium

omnium suorum peccatorum indulgentiam & remissionem. Et si qui Reges, Duces, Principes, Marchiones, Comites, Barones, Communitates, Vniuersitates, Collegia tam in Italia, quàm extra Italiam constituta, & quæuis aliæ etiam particulares personæ per se vel alium seu alios, publice vel occulte, directe vel indirecte, quouis quæsito colore eisdem Venetis excommunicatis, anathematizatis, maledictis, priuatis, & inhabilitatis, ad prædicti vel alterius belli contra Romanam Ecclesiam prosecutionem arma, pecunias, aut commeatum ministrare, seu auxilium, consilium vel fauorem quouis modo præbere præsumperint, aut cum comode possent, à spolio, deprædatione, & captura eorundem Venetorum & subditorum suorum abstinere, quicumque fuerint etiam quacumque excelsa præditi dignitate, maledicti & excommunicati existant; & diuino percussu anathemate, nec de salute animæ sperent, nisi ante finem vitæ pœnitentiam agentes Apostolica fuerint auctoritate absoluti. Vniuersitates vero sciant sibi diuinis penitus interdictum: & nisi se correxerint, diuinam expectent ultionem: Et nihilominus earum singulares personæ paribus excommunicationis sententia & alijs pœnis, quibus alij excommunicati prædicti, exinde innodentur. Et vt præmissa omnibus innotescant, vniuersis & singulis Patriarchis, Archiepiscopis, Episcopis, Patriarchalium, Metropolitanarum, & aliarum Cathedralium, & Collegiatarum, Ecclesiarum Prælati, Capitulis, & personis alijs Ecclesiasticis, & quorumuis Ordinum etiam Mendicantium religiosis, exemptis & non exemptis per vniuersum orbem, & præsertim in Italia constitutis mandamus, quatenus ipsi & quilibet eorundem sub similibus censuris & pœnis per eos & singulares personas eorundem Capitulorum, si infra tres dies, quorum vnum pro primo, & alium pro secundo, & reliquum pro tertio & peremptorio termino Canonica monitione præmissa assignamus, non paruerint, eo ipso incurrendis, eosdem Ducem, Consiliarios, Commune Venetorum, & singulares personas eiusdem Communis, Prouiditores, Capitaneum, consultores, fautores, adhærētes, complices & sequaces eorum, ac alios monitos præfatos decursis eis assignatis terminis prædictis, si non paruerint, in eorum Ecclesijs Dominicis & alijs festiuis diebus, dum maior inibi populi multitudo conuenerit ad diuina, cum Crucis vexillo pulsatis campanis, & accensis candelis, ac demum extinctis, & in terram proiectis & conculcatis, & cum trina lapidum proiectione, alijsq. in talibus seruari solitis cæremonijs excommunicatos publice denuntient, ac faciant & mandent ab alijs nuntiari, & ab omnibus arctius euitari, nec non omnibus alijs Christi fidelibus vt eos euitent, & cuncta eis necessaria denegent ministrare, donec compuncti corde, spiritum abstinentes consilij sanioris, nostris monitionibus & mandatis prædictis obtemperauerint, & meruerint à censuris & pœnis prædictis absolutionis & interdicti ac restitutionis beneficium, & aliàs integram reconciliationis eorum gratiam à nobis & Sede præfata obtinere. Excommunicamus quoque, & anathematizamus omnes cuiuscumque status, conditionisve fuerint, qui quominus præsentis litteræ nostræ, vel earum transumpta, copiar, seu

exemplaria in suis, aut alienis Dominijs legi, affigi, aut publicari, ac ad omnium notitiam deduci possint, fecerint vel procurauerint quoquo modo. Ecclesijs quoque, Monasterijs, Conuentibus, & alijs quibuscumque sacris locis in quibus denegatum fuerit per illarum Prælatos & personas litteras ipsas publicari, omnia priuilegia, omnia indulta, omnes gratias quibus ab Apostolica Sede decorantur, adimimus, volentes illa pro non concessis haberi. Postremo quia difficile foret præsentis litteras ad singula loca deferri in quibus necessarium foret, volumus & Apostolica auctoritate decernimus, quod earum transumpto manu Notarij publici confecto, & sigillo alicuius Prælati Ecclesiastici munito vbique stetur, prout originalibus litteris staretur, si essent exhibitæ vel ostensæ. Et quia dolus & fraus nemini debent patrocinari, nullus vano decipiatur errore, vt intra tempus sui regiminis prædictas censuras & pœnas vel aliquas earum sustineant, quasi post illud non sit ad satisfactionis debitum compellendus: nam & ipsum qui satisfacere, & in aliquo præmissorum mandatis nostris obtemperare noluerit, & successorem eius, nisi paruerit, decernimus eisdem pœnis inclusum, ac in omnibus & per omnia obligatum. Et cum ipsæ præsentis litteræ Venetijs propter eorundem Venetorum potentiâ nequeant tuto publicari, ne Veneti & alij quos litteræ ipsæ contingunt, quibusve aliquid mandatur vel prohibetur per easdem, valeant de præmissis ignorantiam allegare, & prætextu ignorantie huiusmodi si non paruerint, velamen excusationis assumant: volumus litteras ipsas in valuis basilicæ Principis Apostolorum de Vrbe affigi, & per huiusmodi affixionem publicari: decernentes quod earundem litterarum publicatio sic facta perinde eosdem monitos, & omnes quos litteræ ipsæ contingunt, arctet, ac si litteræ ipsæ die affixionis & publicationis huiusmodi eis personaliter lectæ & insinuatæ forent: cum non sit verisimilis coniectura, quod ea quæ tam patenter fiunt, debeant apud eos incognita remanere. Non obstantibus constitutionibus & ordinationibus Apostolicis & c. & contrarijs quibuscumque, seu si monitis præfatis vel quibuscumque alijs communiter vel diuissim à Sede Apostolica indultum existat, quod interdicti, suspendi, vel excommunicari non possint per litteras Apostolicas non facientes plenam & expressam, ac de verbo ad verbum de indulto huiusmodi mentionem. Nulli ergo omnino hominum liceat hanc paginam nostræ hortationis, requisitionis, monitionis, præcepti, mandati, assignationis, promulgationis, aggrauationis, subiectionis, ligationis, constitutionis, priuationis, inhabilitationis, absolutionis, liberationis, prolationis, concessionis, ademptionis, inhibitionis, expresse habitationis, declarationis, maledictionis, excommunicationis, anathematizationis, interdicti, innodationis, voluntatis & decreti infringere & c. Si quis autem & c.

Datum Romæ apud sanctum Petrum anno Incarnationis Dominicæ M. CCCC. LXXXIII. decimo Kalendas Iunii, Pontificatus nostri anno duodecimo.

D. Galletus.

Collas. B. de Spello.

SIXTI PAPAE IIII.

Declaratio contra Venetos, qui ab eiusdem monitorio
appellauerant ad futurum Concilium.

SIXTVS EPISCOPVS SERVVS SERVORVM DEI

Ad futuram rei memoriam.



QVI monitis acquiescere nolunt, & mandatis Apostolicis obedire, nec ad obediendum minis etiam inducuntur, Canonum seueritatis in se debent experiri rigorem, ne si vniuersis vniuersa licerent, parui penderetur in singulis iurisdicctio singulorum: & qui nos supra Principes sedere voluit, & de Principibus iudicare, spe sua frustretur in nobis, videaturq. Petri nauicula sine remige nauigare. Sane, cum superiori anno Veneti nostrum Ferrariense

Territorium hostiliter inuasissent, & a nobis vt desisterent moniti, & instantissime sæpius requisiti, se id non belli gerendi, sed pacis habendæ causâ, & pro iurium suorum conseruatione agere affirmarent; ac bellum continue acrius prosequerentur, & adeo vltra processissent, vt de Ferrariensis ciuitatis occupatione in breui dubitaretur: ne tam longa mora nostra, qui in illorum verbis confidebamus, Romanæ Ecclesiæ damnosa foret, ipsiq. eorum voti compotes fierent, Ferrariensi ciuitati prædictæ, ne occuparetur ab eis, occurrere etiam cum gentibus nostris armigeris, & alijs prout fas & possibile fuit ac tenebamur curauimus: & vniuersali in Italia pace inter aliquos illius Potentatus per nos composita, eisdem Venetis vt a bello prædicto Ferrariensi desisterent, & pacem ipsam, quam nos vt inestimabile bonum Fidei catholicæ ardenti desiderio ad effectum deducere curaueramus, amplecterentur conditionibus eorum & statui & potentatui conuenientibus, repetitis Nuntijs & litteris persuadere, & eos saluberrimis paternis monitis ab eorum belli proposito ad tramitem reuerentis reuocare ardentius non cessauimus. Cumq. expectatis pluribus mensibus, nostris persuasionibus obtemperare nullatenus velle, & bellum ipsum Ferrariense contra nos & Romanam Ecclesiâ omnino prosequi decreuissent responderent; ne quid omitteremus de ijs quæ nostro incumbunt officio, eisdem Venetos quos ob inuasum Ferrariense Territorium, prolatas in id facientes nominatim in Cæna Domini per nos & prædecessores nostros Romanos Pontifices Ecclesiasticas censuras & pœnas incurrisse notorie constabat, vt iure optimo facere potuissimus, censuras ipsas incurrisse minime declarauimus, sed vt mitius ageremus cum eisdem, nostris patentibus litteris eos vt a bello prædicto tam iniusto desisterent, & occupata restituerent, denuo monuimus & requisiuimus, Ecclesiasticas quas facti qualitas exigebat sententias, censuras & pœnas proferentes in eos, si nostris, vt debebant, tam sanctis tamq. iustis non obtemperarent mandatis. Ipsi vero quanto mitius processurus contra eos,

tanto magis excedere non formidarunt . Nam non solum monitionibus
 & mandatis prædictis obtemperare , aut præfixi eis ad id termini proro-
 gationem petere, & de parendo spem dare non curarunt, innio spiritu re-
 bellionis assumpto , accersitis in eorum Ducali palatio nonnullis Prælatis
 Ecclesiasticis tunc Venetijs commorantibus, coram eis vt honestis perso-
 nis , à monitionibus & mandatis huiusmodi nostris ad tribunal onnipoten-
 tis Dei , & ad id quod de proximo celebrari debere temere affirmare
 non erubuerunt futurum generale Concilium appellare , & vt appellatio
 ipsa per eosdem Prælatos reciperetur, laudaretur & admitteretur, ac tan-
 dem ad nostram deduceretur notitiam procurare, & Christianidelibus Cle-
 ro & populo cuiuslibet Ciuitatum , Terrarum & locorum eorum ditioni
 obtemperantium , quòd prætextu appellationis huiusmodi monitionibus
 & mandatis nostris obtemperare non tenerentur, nihilq. cōtra eos huius-
 modi prætenſa eorum appellatione pendente posse aut debere innouari
 persuadere , & eorum animas huiusmodi falsis persuasionibus illaqueare
 non formidarunt in huius sanctæ Sedis Apostolicæ auctoritatis contem-
 ptum, perniciosum exemplum, & scandalum plurimorum . A quibus om-
 nibus Veneti prædicti profecto vt credimus abstinnissent, si considerassent
 attente ea quæ apud nos in beato Petro à Domino nobis concessa ligandi
 atque soluendi iuxta meritum exigentiam plenitudo residet potestatis,
 qua non extollitur ad superbiam, sed ad providentiam excitamur : & il-
 lius exemplo qui omnes saluat , & neminem vult perire , libentius vitmur
 ad soluendum, quàm ligandum : & voluissent diligentius intueri qua facta
 nostra prosequi perfectione velimus , quòdque eos vt peculiare Romanæ
 Ecclesiæ filios semper gessimus in visceribus charitatis, & gratijs ac fauo-
 ribus prosequi non cessauimus . Nos igitur , qui disponente Domino qui
 nos vixit oleo lætitiæ præ confortibus nostris , in eo sumus officio consti-
 tuti, vt singularum animarum saluti consulere, iustitiam colere , & iniqui-
 tatem odire debeamus ; attendentes quòd de minoribus ad maiores iudi-
 ces dumtaxat appellare legalis permittit auctoritas, & propterea inhi-
 bet ab Imperiali & Præfecto prætorio iudicio appellari , & quòd non homo,
 sed is dumtaxat qui solo verbo fecit cælum & terram, Apostolicam Sedem
 & in ea sedentem prætulit vniuersis etiam Concilijs , quæ ab ea robur ac-
 cepisse , sanctorum Patrum decreta testantur, & etiam Gelasius Papa con-
 tra Acacium Fausto Legato scribens, dum ait : Ipsi sunt Canones , qui ap-
 pellationes totius Ecclesiæ ad huius Sedis examen voluere deferri , ab ip-
 sa autem numquam appellari debere , & ipsam de tota Ecclesia iudicare ,
 de ipsius autem iudicio numquam iudicari senserunt . Et dum scribit ad
 Orientales Episcopos dicens : Sedem prædictam nulla Synodo præceden-
 te soluendi quos Synodus inique damnauerat, & damnandis quos oportuit
 nulla existente Synodo habuisse facultatem . Testantur etiam quampluri-
 morum antiquorum Conciliorum epistolæ , in quibus verba illa appo-
 nuntur , Salua in omnibus Apostolicæ Sedis auctoritate : & quòd de ijs , &
 alijs quampluribus iuribus, & canonibus, ac auctoritatibus piz me. Pius
 Papa Secundus prædecessor noster dudum de fratribus suorum S. R. E.
 Cardinalium, & Prælatorum , ac iurisperitorum tunc Romanam Curiam
 sequen-

sequentium consilio in Conuentu Mantuano, auctoritate Apostolica in perpetuum valitura constitutione omnes qualitercumque appellantes à Romano Pontifice, Canonum transgressores, & illos ex eis qui ad non inditum nec congregatum Concilium appellare præsumerent, aliud caput in Ecclesia Dei ac imaginarium, maius & sublimius tribunal confingentes contra Apostolum dicentem: Fundamentum aliud nemo potest ponere, præter id quod Christus instituit; huius sanctæ Sedis primatum negare, Ecclesiæ vnitatem diuidere, non vnum solum priuilegium eidem Ecclesiæ adimere, sed præcipuam & principalem dictæ Sedis auctoritatem, quam & vox Christi, & maiorum traditio, & Canonum fuit auctoritas, penitus subuertere non verentur, præ ceteris detestabiliores esse: & corum appellationes huiusmodi quacumque occasione interponerentur, non solum irritas & inanes, sed fraudulentas, & sacrilegas, & hæreticas esse declarauit, ac statuit nulli cuiuscumque status, ordinis, vel conditionis existeret, licere deinceps pro quacumque causa à Sede Apostolica præsertim sub hoc prætextu nominis futuri Concilij appellare, aut huius appellatione uti & inniti, sub excommunicationis latæ sententiæ pœna, à qua à nemine absolui possit, præter quam à Romano Pontifice, nisi in mortis articulo constitutus: & voluit omnes ad hærentes appellationibus eisdem, procuratores quoque, syndicos, & alios quoslibet alieno nomine appellantes, simili sententiæ subiaccere: Notarios vero & scribentes, dictantes, & testificantes in eis, aut consilium præstantes vel fauorem, ultra anathematis pœnam, perpetua notari infamia, & aduocationis, procurationis, & notariatus officijs fore priuatos; & si in huiusmodi excommunicationis sententia per annum persisterent, tamquam de hæresi & schismate suspectos ab omnibus haberi & reputari, & contra eos ut tales iuxta Canonum præcepta procedi, prout in eadem constitutione latius continetur. Ex quibus manifeste inferitur quòd huiusmodi eorumdē Venetorum appellatio ex eo quia à Romano Pontifice non appellatur, ipso facto nulla; & quia ad fictum & imaginarium Concilium interposita fuit, sacrilega & abhorrenda extitit: & ut ad tribunal omnipotentis Dei interposita per eos sustineri non potest, nisi alterum de duobus affirmant, videlicet, vel Omnipotentem ipsum Petro Apostolorum Principi, & per eum eius successoribus omnimodam potestatem in terris non tradidisse, & aliquid de ea retinuisse, vel quòd à Vicario ad eum cuius vices gerit, cuiusque vnum & idem est tribunal, valeat appellari: quorum primum hæreticum, aliud vero à sacris Canonibus alienum esse nemo ambigit. Et non minus considerantes quòd si Veneti præfati non appellassent, sed concessa grauatibus à Romano Pontifice via nobis supplicandi, aut in integrum restitutionem à nobis petendi vsi fuissent; nihilominus ex sex causis in eorum prætenso appellatione prædicta deductis, quæ si recte procederetur, ad vnam reducuntur, videlicet quòd ob pacta eis non seruata à Duce Ferrariensi nobis consentientibus bellum ei indixerunt, & quæ sita in eo bello utpote licite ad eos pertinent, exaudiri nullatenus deberent, cum causæ ipsæ à facti veritate & iuris dispositione sint penitus alienæ. Nam ut ex nostrarum litterarum, per quas moniti fuere, lectura euidenter apparet, Dux ipse Fer-

rariensis pacta seruare, & nostræ ordinationi desuper parere sæpius obtulit, & ad bellum ipsum penitus nobis inscijs deuentum exitit. Ac volentes eorundem Venetorum, ne eorum assertione, & inualidæ appellationis prædictæ vana spe decipiantur, subditorum, fautorum ac adhærentium eorundem animarum saluti, quæ omnibus rebus est præferenda, quantum nobis possibile est paterna charitate consulere, ne aliàs vel eos filios odifse si virgæ parcamus, vel ipsis ægris si mederi desieramus, causam interitus præstitisse videamur, firmiter credentes quòd Veneti præfati quantumcumque ex his forsitan, iniuste tamen, mouebuntur, ad mentem, tamen reuersi cum remedium senserint medicinæ, nobis & Apostolicæ Sedi tanto deuotiores erunt, quanto maiorem in nobis fuerint ex paterna charitate seueritatem experti: habita super his cum venerabilibus fratribus nostris S. R. E. Cardinalibus deliberatione matura, de illorum consilio eorundem Venetorum appellationes prætenfas, & quascumque alias, quas quomodolibet forsan interposuerunt à nobis occasione contentorū in nostris litteris prædictis tam postquam litteræ ipsæ publicatæ fuerint, quàm anteaquam publicarentur, irritas & inanes ac sacrilegas esse, & eosdem Ioannem Mocenigum, eiusq. Consiliarios quoscumque qui huiusmodi prætenfas appellationes interposuerunt, aut illis adhæserunt, seu eas ratas & gratas habuerunt, ac Ludouicum de Zambertis, Philippum, & Franciscum de Morandis, necnon Andream Pacis laicos Venetiarum, qui vt publici Notarij de huiusmodi appellationibus publicum confecerunt instrumentum, ac Iacobum de Pierleonibus, & Daniele Zutho iuris Doctores Venetos, qui vt testes dictæ appellationi interfuerunt, excommunicationis sententiam, & præter illam Notarios & testes prædictos, & qui appellationes ipsas dictarunt & scripserunt, aut ad illas interponendū præstiterunt auxilium, consilium, vel fauorem, aduocationis, procurationis, & Tabellionatus officiorum, priuationis pœnam, iuxta eiusdem Pij prædecessoris constitutionem prædictam, incurrisse, auctoritate Apostolica tenore præsentium declaramus: ac vniuersis & singulis Prælati & personis Ecclesiasticis eadem auctoritate mandamus, vt cum desuper fuerint requisiti, faciant eosdem Ducem, Consiliarios, Notarios, & testes excommunicatos & alijs pœnis prædictis irretitos publice nuntiarī, & ab omnibus artibus euitari, donec compuncti corde spiritum assumentes consilij sanioris meruerint ab excessu, excommunicationis sententia, alijsq. pœnis prædictis absolutionis beneficium obtinere. Contradictores per censuras &c. Non obstantibus Constitutionibus & ordinationibus Apostolicis contrarijs quibuscumque, seu si excommunicatis prædictis, vel quibusuis alijs communiter vel diuifim à prædicta sit Sede indultum quòd interdici, suspendi vel excommunicari non possint per litteras Apostolicas non facientes plenam & expressam ac de verbo ad verbum de indulto huiusmodi mentionem. Nulli ergo &c. nostræ declarationis, mandati & voluntatis infringere &c. Si quis autem &c. Datum Romæ apud sanctum Petrum anno Incarnationis Dominicæ M. CCCC. LXXXI II. Idibus Iulij, Pontificatus nostri anno duodecimo.

I V L I I P A P A E II.

13
Monitorium, & declaratio Excommunicationis,
Interdicti, & aliarum censurarum Ecclesia-
sticarum contra Venetos detinentes
aliquas ciuitates & loca S.R.E. ab
eis per fraudem occupata.



R O M A E
Ex Typographia Vaticana.
Anno M D C VI.

IULIVS EPISCOPVS

SERVVS SERVORVM DEI

Ad futuram rei memoriam.



PASTORALIS officij diuina gratia nobis licet immeritis iniuncti consideratione, monente nos beato Iulio primo prædecessore nostro, cuius nomen electi ad apicem Apostolatus assumpsimus, non est nobis dissimulandum, non tacendi libertas quibus maior cupietis Christianæ religionis zelus incumbit. Debemus enim summam curam habere de his qui pereunt; quatenus nostra redargutione aut corrigantur à peccatis, aut si incorrigibiles apparuerint, ab Ecclesia separentur. Pius est Deus & misericors, qui vindictam temperat ab eo qui illam præuenit; & sicut in Genesi legitur, quos videt prorsus impenitentes, ante seuera ultione castigat quam prius fuerit comminatus: assidueq. peccanti, & in peccatis perseveranti non miseretur. Cum itaque retroactis temporibus dominij Venetorum potentia privilegijs, indultis atque fauoribus, pecunijs etiam Romanæ Sedis sæpenumero adiuta, adeo in immensum excreuerit, ut quibuscumque Regibus, Principibus, Ducibus, Potentatibus & dominijs totius Europæ, & præcipue matri suæ Ecclesiæ Romanæ, à qua beneficia multa suscepit, formidolosa & perniciofa fuerit & sit in præsens; quandoquidem leonina pelle assumpta, non solum leonis more, sed & luporum omnium, quibus proxime accedit, coria expilat, nec umquam retro aspicit, sed eiusdem leonis feritate vicinos & obuios quosque pessundat & discerpit: fuerintq. sæpe à prædecessoribus nostris & nobis Duces eiusdem ciuitatis Venetiarum, Rogati, Consiliarij, & alij eiusdem Reipub. Venetæ Præsidentes moniti ut à violentia alijs inferenda se abtinerent, & à rebus alienis occupandis, & præcipue sanctæ Romanæ Ecclesiæ cessarent: illi nihilominus duritiam Pharaonis imitati, huiusmodi paterna ac salubria monita surda aure & excæcata mente numquam admittere voluerunt, nisi quantum eorum cupiditas & dominandi libido effrenata, aut nonnumquam necessitas eis suadebat. Sic factum ab eis nouimus (ut de aliorum Regum & Principum iniurijs, oppressionibus ac damnis taceamus) cum Ferrariam sanctæ Romanæ Ecclesiæ ciuitatem temporibus fel. record. Clementis Quinti prædecessoris nostri occuparunt, donec per omnes censuras, interdictione & diffidationes illam sanctæ Romanæ Ecclesiæ dimittere coacti fuerint. Et quoniam eorum cor non plene pœnitens fuerat, eandem ciuitatem Ferrariensem sedente in hac sancta Sede fel. record. Sixto Papa Quarto etiam prædecessore & patruo nostro maximis conatibus occupare contenderunt, & proculdubio

culdubio occupassent, nisi præfati Pontificis & aliorum Italiæ Regum & Dominiorum auctoritas ac potentia illis obstitisset. Sic factum ab eis cum iam multis annis Rauennam inclytam ciuitatem Romanæ Sedis per dolum & fraudem, necnon Ceruiam ciuitatem prohibito modo, & illicito colore, illarumq. oppida & pertinentias vsurparunt: & nequid deesset ad cumulum male meritorum suorum, mortuo Alexandro Sexto etiam prædecessore nostro, Ariminum, Faentiam, & Sarsinā vrbes S. R. E. illarumq. arces, oppida, & omnem districtum, multaq. Cæsennaten. Forliuien. & Imolen. districtuum oppida temeritate propria inuasērunt atque occuparunt. Et quamuis nobis huiusmodi occupationem ægre ferentibus, & grauiter conquerentibus nostri Pontificatus initio aliqua ex dictis oppidis postmodum restituerint, hoc ipso euidenter satis confessi iniuste se omnia detinere, cum maxime nulla retinendi vrbes aliaq. loca ratio subesset aut excogitari posset: ipsi tamen duro corde prædictas ciuitates & reliqua perperam & impudenter retinere, minimeq. relaxare voluerunt, immo à tempore occupationis & citra detinuerunt & detinent de præsentī. Quos licet per processum qui singulis annis in die Cænæ Domini ex more Romanorum Pontificum legi consuevit, tamquam occupatores & detentores prædictarum Ciuitatum & locorum Romanæ Ecclesiæ excommunicatos & anathematizatos declarare, & ab omnibus euitandos decernere, hætenus potuissimus: tamen cum paterna pietate Ducem & reliquos prædictos, cum in minoribus ageremus, & nunc ad apicem Apostolatus euecti, in visceribus charitatis semper complexi fuerimus, curauimus omni studio & diligentia vt ad cor redeuntes, nobis & matri suæ S. R. E. obediētes se præstarent, animarum suarum saluti occupata restituendo consulerent, & huius sanctæ Sedis quæ illis semper vsui fuit & honori, auctoritatem cum debita reuerentia agnoscerent. Proinde per venerabilem, fratrem Angelum Episcopum Tiburtinum, nostrum & Apostolicæ Sedis Nuntium apud eos agentem, in zelo charitatis prædictos Ducem & Consiliarios moneri & requiri fecimus, vt occupata per illos quæ ad Romanam Ecclesiam spectabant, videlicet Ariminum, Faentiam & Sarsinam cum districtibus suis, Castellis & oppidis illis adiacentibus, ac alia oppida, arces & terras Forliuien. Cæsennaten. & Imolen. territorij nobis & Romanæ Ecclesiæ restituerent, nihilq. noui operis aut muniendi aut reparandi prætextu, aut alio quouis colore in eis fabricarent, protestati fuimus: pro qua etiam restitutione faciēda charissimus in Christo filius noster Maximilianus tunc Romanorum Rex tamquam sanctæ Romanæ Ecclesiæ aduocatus per proprios & speciales Oratores suos eosdem Venetos magna cum instantia tunc requisinit, & interpellauit. Qui cum ad occupandum faciles, ad relaxandum vero admodum difficiles existant, monitionibus nostris, & Regis prædicti requisitionibus satisfacere neglexerunt, dictas Ciuitates & loca nouis propugnaculis & armorum apparatus muniendo. Et insuper cum biennio iam elapso, Deo fauente, cum maximis laboribus & expensis ciuitatem nostrā Bononiensē à tyrannide Bentiuolorum liberauissimus, & contra eosdem Bentiuolos eorumq. com

4
plices & rebelles nostros, quoniam mala malis accumulando apertius in rebellionem aduersus nos & Romanam Ecclesiam in dies varijs machinationibus se armabant, Excommunicationis sententiam contra singulos ex eis, receptatoresq. eorū, & interdicti contra Vniuersitates & loca ad quæ eos declinare contingeret, per litteras nostras protulissimus: nihilominus Antonius Galeatus, Annibal & Hermes Bentiuoli, eorumq. seruitores & complices in Terris ab ipsis Venetis detentis, videlicet Paduan. Cremonen. & ad excitandam magis populi Bononiensis rebellionem in Fauentia ciuitate Bononiæ propinqua, & Venetijs etiam recepti fuerunt, & pro libito eorum ad dicta loca admittuntur in maximum nostrum & Romanæ Ecclesiæ & Apostolicarum censurarum contemptum, ex quo dictorum rebellium nostrorū receptatores, & loca omnia prædicta Excommunicationis in singulos, & Interdicti in Vniuersitates & loca censuras iuxta formam litterarum nostrarum prædictarum inciderunt, & pro talibus haberi & publicari debuissent, nobis patienter hoc ferentibus, ipsorum Venetorum inobedientia in nullo remittitur, sed in dies magis augetur, ita vt Ecclesiasticæ ultionis seueritatem exposcere manifeste videantur. Magna sunt hæc, & in oculis omnium notoria, & mucrone seueritatis Apostolicæ refecanda. Verum longe maius est, quod Dux, Rogati, Consiliarii, Senatus, populusq. Venetus omni ex parte religionem Christianam, factis ita abnegare audent, vt Sedis Apostolicæ obedientia in illis nulla penitus vigeat: Ecclesiarum Cathedralium, Monasteriorum, Dignitatum, & aliorum beneficiorum Ecclesiasticorum prouisiones à Sede prædicta factas impudenter impediunt, nec possessionem illorum nisi ex arbitrio suo cuiquam dari permittunt: Confugientes pro iustitia consequenda ad hanc Sedem Apostolicam, quæ refugium est oppressorum, quasi reos maximi criminis puniant: neque in dicta Ciuitate aut Terris illis subiectis, Clericis præcipue & personis Ecclesiasticis iustitiam nisi pro libito voluntatis eorum ministrari patiantur: nulla rescripta aut litteras Apostolicas nisi ipsis annuentibus executioni mandari permittant: Clerum & Ecclesiasticas personas, & pia loca grauissimis impositionibus, decimis atque oneribus vsque ad sanguinem excoercent: Prælatos, Clericos, & Religiosos nulla ordinis, dignitatis aut religionis habita ratione in exilium, & nonnumquam in carcerem mittant: & ita abrupto cuiusque sacræ legis vel Canonis vinculo præcipites feruntur, quod nullam legem impositam sibi fuisse, aut imponi posse, elata ceruice præsumere videantur. Hæc autem omnia ita in oculis omnium patent, vt assiduus querelis Regum, Principum, Cleri & populi, & præsertim subditorum suorum, plurimum quotidie excitemur vt ipsorum Venetorum ambitum, Apostolicæ maiestatis & nostrum contemptum, quibus se extollunt, effrenatam peccandi, & quod libitum fuerit licitum faciendi licentiam Canonica ultione comprimere vltierius non tardaremus, ne quod ex solita benignitate nostra & huius sanctæ Sedis, censura Ecclesiastica illos persequi omisimus, expectantes vt resipiscerent, & ad cor redirent, negligentia nostræ aut pusillanimitati adscriberetur: Non enim Deum agnoscit vt subditus, sed subsannat vt superbus, qui

qui in peccatis in dies magis infordefcit : iterataq. vulnera , & ad ima vſque penetrantia tardius & difficilius ſanantur: Dedimus omnem operam & per bo. mem. Antoniottù Episcopu Præneſtinum, & venerabilē fratrem noſtrum Bernardinū Episcopum Sabinen. & dilectum filiū Georgium tt. S. Sixti Presbyterum Rothomagen. ipſius S.R.E. Cardinales, noſtros & Apoſtolicæ Sedis Legatos , & per interceſſionem aliorum Regum Chriſtianæ Religionis exaltationem deſiderantium , & quibus potuiſmus medijs , vt chariſſimi in Chriſto filij noſtri & Reges ſereniſſimi, Maximilianus Rex Romanorum Imperator electus, & Ludouicus Rex Franciæ Chriſtianiſſimus inuicem concordarent , & pacem inirent; Deiq. gratia voti noſtri compotes fuiſmus: concordarunt', & nonnullos alios etiam Principes ad pacem reduxerunt : gratumq. nobis fuiſſet quod cum ſatiſfactione prædictorum Regum & Principum Veneti ipſi vt participes pacis recepti fuiſſent. Sic enim iam omnes Principes Chriſtianos , quod tota mente concupiſcimus, ad ſumenda arma contra perfidos hoſtes Fidei Catholicæ', & occurrentis periculis Chriſtianæ religionis inducere poſſe conſidebamus, ſicut nonnulli ex eis nobis perſuaſerunt , & ſe obtulerunt. Verum Reges præfati, ac chariſſimus in Chriſto filius noſter Aragoniæ Rex Catholicus nobis ſignificarunt ſecurius ſibi videri, immo neceſſarium, quod ante omnia à Venetis ſibi reſtituantur ea quæ de dominijs ad eos ſpectantibus per illos occupantur : tum vt debito iuſtitia in reſtitutione rerum ſuarum per dictos Venetos eis ſatis fiat : tum ne ipſis Regibus ad debellandum infideles intentis, ab ipſis Venetis dominia eorum vexentur, & cogantur pedem retrahere : nec vlla ratione aliter ad hanc ſanctam expeditionem adduci poſſunt, quinimmo nos quoque hortati ſunt, vt ad recuperationē Terrarū noſtrarum prædictarum intenderemus , ſeq. in ea re totis viribus coadiutores nobis affuturos obtulerunt. Nos videntes hoc pacto , & reintegracione ablatorum, & iuſtitia ſingulorum, & auctoritati noſtræ ac huius ſanctæ Sedis facilius proſpici, & citius hanc ſanctam expeditionem poſſe confici, etiam adducti fuiſmus vt inſurgere contra prædictos Venetos vltcrius non diſſeramus. His igitur Romanæ Eccleſiæ tam in ſpiritualibus quàm in temporalibus oppreſſionibus, libertatis Eccleſiaſtica, & Cleri ac gregis nobis commiſſi dilacerationibus, & lupina quadam rabie deuorationibus perſpectis, & per prædeceſſores noſtros ac nos ipſos nimiū toleratis , præmiſſiſq. rationibus compulſi agnoſcentes nos diuino munere, licet immeritos, Dei omnipotentis vicem in terris gerere , de cuius ore , vt in Apocalypſi ſcribitur, gladius ex vtraque parte acutus egreditur , ſententia ſcilicet quæ punit bonos vt timore pœnæ emendentur , & ab illicitis abſtineant , ex altera vero parte malos perſcindit , vt cum bonos ad cor reduxerit, relinquatur mali in conculcatione, & à bonis penitus tollantur, ne exemplo Venetorum, ſi diutius illos ita dimiſerimus, & contumaciā proteruiamq. ipſorum diſſimulauerimus, ceteri etiam contemnendi & peccandi occaſionem & licentiam capiant : de venerabilium fratrum noſtrorum S. R. E. Cardinalium conſilio & aſſenſu contra præfatos Venetos ad ſeueritatem vltionis Eccleſiaſtica, necnon ad arma tam ſpiritualia quàm

temporalia deueniendum duximus, vt vel per pœnitentiam, matrem suam hanc sanctam Sedem Apostolicam, occupata eidem restituendo, & in pœmissis excessibus se corrigendo agnoscant : vel Apostolicæ auctoritatis exemplo & seueritate exortes se intelligant diuini mysterij, & satanz tradendos esse, ac fortè cum Dathan & Abiron fortiantur, quorum confortes multipliciter peccando se fecerunt. Nemo est qui ignoret ex pœdictis criminibus & excessibus per pœfatos Venetos perpetratis constare notorie, prout & nos notorium esse decernimus & declaramus, Ducem, Rogatos, generale Consilium, Senatūq. Venetum, eorumq. Officiales & ciues, ac alios quoscumque, quorum auctoritate, opera, iussu, consilio vel fauore pœdictæ Ciuitates nostræ hætenus occupatæ fuerunt, & occupantur, pœmissaq. facinora contra hanc sanctam Sedem, Clerum & Ecclesiasticam libertatem commissa fuerunt, excommunicatos & anathematizatos fuisse & esse, prout ex pœdictis processibus qui per singulos annos publice promulgantur in die Cænæ Domini ex more pœdecessorum nostrorum Romanorum Pontificum omnibus innotescit, & propterea aliud nobis nihil agendum restaret, nisi vt eosdem tamquam ethnicos & publicanos à grege fidelium eijceremus, & tamquam scabiosas oues à caulis nostris repelleremus, ne totam domum, massam & corpus ardere, putrescere, & interire eorum contagione contingat : tamen cum illius licet non nostris meritis vices geramus, cuius misericordiæ mensuram erga pœnitentes & ad cor redeuntes, metiri non possumus, gaudetq. super vno peccatore pœnitentiam agente : non duximus omittendum, quin denuo paterna charitate cum censurarum, vt res ipsa postulat, appositione illos per pœsentes Apostolica auctoritate hortemur, requiramus, & moneamus ad auctoritatis huius sanctæ Sedis, & libertatis Ecclesiasticæ recognitionem, necnon ad rerum & dominiorum ad nos & Romanam Ecclesiam spectantium per eos occupatorum integram restitutionem. Pœfatos itaque Leonardum Lauredanum Ducē, & Rogatorum ac generalis Consilij nuncupatorū Consiliarios, ac Commune Venetiarum, omnesq. & singulos patritios & ciues dicti Communis Venetiarum, Prouisores, Potestates, Commissarios, & Officiales eorumdem tam in dicta ciuitate Venetiarum, quàm in pœfatis nostris Ciuitatibus ab illis occupatis, quorum nomina, cognomina, qualitates & dignitates hic pro expressis habemus, eorumq. complices, adhærentes, & fautores cuiuscumque status, gradus, & pœminentix existant, & quacumque dignitate etiam Regali, Patriarchali, Archiepiscopali, Episcopali, vel alijs quauis Ecclesiastica vel mundana dignitate pœfulgeant, auctoritate nobis à Deo omnipotente concessa, & de nostræ plenitudine potestatis per pœsentes in Domino requirimus & monemus, & cuilibet eorum tenore pœsentium per hæc scripta mandamus, quatenus infra vigintiquatuor dies post affixionem pœsentium in valuis basilicæ Principis Apostolorum de Vrbe immediate sequentes, quorum octo pro primo, octo pro secundo, octo pro vltimo & peremptorio termino Canonica monitione pœmissa, eis & cuilibet eorum assignamus, Dux, Rogati, Consiliarij, Prouisores, & Com-

mune præfatum Venetiarum, singularesq. dicti Communis personæ à præmissis excessibus publice damnatis, vt præfertur, in dicto processu qui legitur in Cœna Domini, omnino abstineant, & nos sanctamq. hanc Sedem Apostolicam plene & omni ex parte in concessa sibi auctoritate & libertate cum debita obedientia recognoscant & reintegrent: necnon etiam infra dictos vigintiquatuor dies assignatos eisdem pro peremptorijs terminis vt supra, præfati Dux, Rogati, Consiliarii, Prouisores, Commune Venetiarum, & dictorum Consiliariorum, Rogatorum, atque Communis singulares personæ, Rauennaten. Ceruien. Ariminen. Fauentin. & Sarsinaten. Ciuitates cum Oppidis, Castris, Terris & districtu earum, ac Cæsennaten. Forliuien. & Imolen. Territorij Castra, Oppida, Terras & loca, quæ occupant, integre & libere nobis & Romanæ Ecclesiæ, cuius iuris esse noscuntur, relaxent, & cum fructibus etiam quos percipere potuerunt, plene restituant: Prouisores, Potestates, Castellani, & alij quicumque officiales ac stipendiarij nomine præfati Veneti Domini, eorumq. adhærentes, fautores & complices, exinde recedant, nec aliquid impedimentum quouis modo prædictis Ciuitatibus, Oppidis, Castris, & locis eorum, ciuibus & habitatoribus præstent, quo minus libere ad obedientiam matris suæ Romanæ Ecclesiæ reuertantur. Consultores quoque eorundem, auxiliatores, adhærentes, complices & sequaces à præstatione consilij, auxilij & fauoris huiusmodi contra prædicta omnino cessent. Et si Dux, Consiliarij, Commune, singularesq. personæ supradictæ, Prouisores, fautores, complices, sequaces & adhærentes prædicti, exhortationi, requisitioni, monitioni & mandato nostris huiusmodi infra dictos vigintiquatuor dies non paruerint cum effectu, in eisdem Leonardum Ducem, Rogatorum & generalis Consilij Consiliarios, & alias singulares personas Communis prædicti Venetiarum, necnon Prouisores, fautores, consultores, adhærentes, complices & sequaces, & quemlibet eorum ac si nominatim singuli præsentibus essent expressi, qui sic non paruerint, aut vt non pareatur, seu pareri differatur, consuluerint, suaserint, fecerint, dixerint, vel procurauerint, seu aliàs qualitercumque in hoc culpabiles fuerint, directe vel indirecte, tacite vel expresse, ex nunc prout ex tunc de eorundem fratrum consilio maioris excommunicationis sententiam promulgamus, & eos illam incurrere volumus eo ipso, à qua præterquam in mortis articulo constituti ab alio quàm à Romano Pontifice etiam prætextu cuiuslibet facultatis cuiusque pro tempore desuper concessæ nequeant absolutionis beneficium obtinere: ita vt si quem eorum tamquam in tali articulo constitutum absolui contingat, qui postmodum cum conualuerit, in eandem excommunicationis sententiam reincadat eo ipso, nisi post conualescentiam monitioni & mandato nostris prædictis paruerit cum effectu, & nihilominus etiam Ecclesiastica careat sepultura, donec vt præfertur, huiusmodi niandatis nostris paritum fuerit. Et si moniti excommunicationi. prædicti dictam excommunicationis sententiam per alios tres, dictos vigintiquatuor dies immediate sequentes, animo (quod absit) sustinuerint indurato, sententiam ipsam aggrauamus, & ex nunc prout ex tunc Venetia-

tiarum, Paduan. Veronen. Vicentin. Cremonen. Brixien. Teruifin. Pergamen. Trigestin. Tranen. Brundufin. Hydruntin. Monopolitan. & reliqua à Venetis prædictis etiam de facto tenta & possessa, Ciuitates, Terras, Castra & loca quæcumque citra & ultra mare, ac in maritimis insulis existentia, & quæ in illis sunt, Ecclesias, Monasteria, ac religiosa & pia loca, quæcumque, de eorumdem fratrum consilio prædicta auctoritate Ecclesiastico subiicimus interdicto, ita vt illo durante in illis etiam prætextu cuiusuis etiam Apostolici indulti personis, ordinibus, vel locis concessis, præterquam in casibus à iure permissis, & etiam in illis aliàs quàm clausis ianuis, ac excommunicatis & interdictis exclusis nequeant Missæ ac alia diuina officia celebrari. Si vero moniti, excommunicati, & interdicti prædicti per alios tres dies, dictos vltimos tres dies immediate sequentes ad cor reueri, occupataq. restituere, & nostris monitioni & mandato prædictis obtemperare distulerint, & in sua voluerint cordis duritia & peruersa obstinatione remanere, eos & quemlibet eorum reaggrauationis, anathematizationis, & maledictionis ac damnationis mucrone percutimus, & omnium Ecclesiasticarum censurarum laqueis ligatos & irretitos esse decernimus ipso facto. Et eosdem Leonardū Ducem, Consiliarios Rogatorum & generalis Consilij, & alias singulares personas Communis Venetiarum, Prouisores, fautores, adhærentes, complices & sequaces, reliquosve monitos prædictos, excommunicatos, aggrauatos, interdiktos, reaggrauatos, anathematizatos & malediktos, vt præfertur, in eorū proteruia perseverantes, reos criminis læsæ maiestatis, & ab omnibus Romanæ Ecclesiæ deuotis cum eorum bonis perpetuo diffidatos dicta auctoritate & potestatis plenitudine decernimus. Et generaliter Ciuitates, Oppida, Terras & loca quæcumque etiam ab eisdem Venetis non possessa, ad quæ aliquem eorumdem excommunicatorū declinare contigerit, quamdiu ibidem permanserit, & triduo post recessum eiusdem simili interdicto subiicimus: ac Leonardum Ducatu Venetiarum, & ipsum, necnon Rogatos, Consiliarios, Prouisores, & alios monitos, dignitatibus & honoribus in quibus constituti existunt, & tam ipsos in specie, quàm præfatum Commune Venetiarum, priuilegijs, concessionibus, gratijs & indultis, necnon bonis omnibus quæ in feudum, vel emphyteosim, seu aliàs à Romana vel alijs Ecclesijs, monasterijs & locis Ecclesiasticis obtinent, ita vt illi ad quos pertinent, de illis vtpote ad eos libere reuersis, possint pro sua voluntate disponere: necnon Commune præfatum iure si quid eis competit in Paduan. Veronen. Vicentin. Cremonen. Brixien. Teruifin. Pergamen. Trigestin. Tranen. Brundufin. Hydruntin. Monopolitan. & alijs Ciuitatibus, Terris tam maritimis, & Insulis, quàm terrestribus, & locis eorum ditioni obtemperantibus, ac alijs eorum bonis dicta auctoritate priuamus, ita vt nil ex illis transmittatur ad posteros, & ipsos sic priuatos respectiue ad illa & alia quæcumque, dignitates, administrationes & officia secularia in posterum obtinenda inhabilitamus: Eorumdemq. monitorum subditos, vassallos & feudatarios, & præsertim Paduan. Veronen. Vicentin. Cremonen. Brixien. Taruifin. Pergamen.

gamen. Trigestin. Tranen. Brundusin. Hydruntin. Monopolitan. aliarumq. Ciuitatum, Terrarum & locorum etiam de facto per eos obtentorum huiusmodi ciues, incolas & habitatores, & fortalitorum & arcium in eis degentes Castellanos & Custodes, à quorumuis fidelitatis iuramentorum per eos dictis monitis non parentibus prestitorum obseruatione, iure vassallatico & subiectione absoluimus & penitus liberamus. Et vt alij eorum exemplo perterriti similia non attentent, volumus & de simili consilio dicta auctoritate & potestatis plenitudine decernimus, quod Leonardus Dux & alij sic moniti, excommunicati, interdicti, iteratis vicibus aggrauati, anathematizati, maledicti, & priuati, si in suo pessimo proposito non parendi huiusmodi monitionibus & mandatis nostris perseuerauerint, ex tunc infames existant, & ad testimonium non admittantur, testamenta & codicillos condere, & ad alicuius successionem ex testamento vel intestato peruenire non possint: & si iurisdictionem habeant, causæ ad eorum examen non deducantur, nec valeant eorum sententiæ vel processus: nullus pro eis, nec ipsi pro alijs in quacumque causa procurare possint: & si qui eorum Notarij existant, Instrumenta per eos confecta non valeant, sed cum auctore damnato damnentur: eorum debitores ab his quæ eis debent liberati existant: nulli eis, sed ipsi alijs super quocumque negotio de iure respondere teneantur: Filij quoque & nepotes, aliq. descendentes eorumdem vsque ad quartam generationem, Ecclesijs, Monasterijs, Canoniciatibus, dignitatibus, & alijs beneficijs & officijs Ecclesiasticis quæ eos tunc obtinere contigerit, sine spe restitutionis eo ipso sint priuati, & ipsis ac alijs natis tunc, & illis qui postmodum nascerentur, vsque ad generationem prædictam ad illa quibus sic priuati forent, ac alijs ad Ecclesias, Monasteria, dignitates, administrationes & officia, aliaq. beneficia Ecclesiastica, & ad quoscumque ordines & honores Ecclesiasticos vel mundanos sit penitus præclusus aditus & ascensus. Et cum salubre existat, ac publicæ vtilitati non parum expedire noscatur, eos sic tunc tot censuris & pœnis ligatos à Christifidelium cœtu tamquam membra putrida, ne eorum virtutis alios ad eorum perniciem deducant, segregare, vniuersas & singulas Paduan. Veronen. Vicentin. Cremonen. Brixien. Teruisin. Pergamen. Trigestin. Tranen. Brundusin. Hydruntin. Monopolitan. & aliarum Ciuitatum, Terrarum & locorum, ditioni eorumdem Venetorum, vt præfertur, etiam de facto obtemperantes Communitates, Vniuersitates, & quas in eis tempore quo præfati Veneti priuationis iuris eorum in illis pœnam prædictam incurrunt, habitare contigerit singulas personas, & generaliter quoscumque vassallos eorumdem sic monitorum, dicta auctoritate de simili consilio requirimus & monemus, vt infra sex dies à tempore dictæ priuationis, quorum duos pro primo, duos pro secundo, & reliquos duos dies pro vltimo & preceptorio termino eis & cuilibet eorū canonica monitione præmissa assignamus, ab eorumdem Venetorum, & existentium tunc in Ciuitatibus, Terris & locis prædictis pro eisdem Potestatum, Provisorum, & quorumlibet aliorum officialium obedientia penitus & omnino quantum in eis est se subtrahant, & illos in eorum superiores nullate-

nus recognoscant, nec illorum mandatis obtemperent quoquomodo. Et si qui eorundem subditorum & vassallorum in his fuerint negligentes vel remissi, seu alijs quomodolibet culpabiles, in eos & quemlibet eorū omnes & singulas prolatas per præsentes in eisdē Ducem Venetiārū, ac alios monitos præsatos, excommunicationis, aggrauationis, reaggrauationis, interdicti, anathematis, maledictionis, diffidationis, priuationis, & inhabilitationis sententias, censuras & pœnas pari modo ex nūc prout ex tunc proferimus & promulgamus in his scriptis. Monemus præterea & requirimus auctoritate & potestate prædicta omnes & singulos forenses Italicæ, Gallicæ, Theutonicæ, Hispanicæ, Anglicæ, Scoticæ, Dalmaticæ, & cuiuslibet alterius nationis quos tunc Venetijs aut in Ciuitatibus, Terris & locis in quibus Veneti prædicti de iure vel de facto superioritatem obtinent, mercaturæ, vel quauis alia causa esse contigerit, & mandamus eisdem, vt postquam Veneti prædicti Interdicti sententiam incurrerint memoratam, quā primum poterunt ex Venetiārum & alijs locis, in quibus Veneti superioritatem obtinent, vt præfertur, ipsiq. tunc degerint, cum eorum mercibus & rebus omnibus recedant, & ad illa redire, aut in eis conuersari durante interdicto prædicto nullatenus præsumant: alioquin illos ex eis qui monitioni & mandato huiusmodi nostris obtemperare distulerint, similes prorsus excommunicationis, aggrauationis, reaggrauationis, interdicti, diffidationis, priuationis, & inhabilitationis, ac bonorum confiscationis sententias incurrere volumus eo ipso, à quibus pari modo ab alio quā à Romano Pontifice nisi in mortis articulo nullus valeat absolutionis beneficium promereri. Rursus tam ipsi qui sic habitant, & in alijs Ciuitatibus, Terris & locis prædictis, quā vniuersis & singulis alijs Christifidelibus districtius iniungimus, vt excommunicatos, anathematizatos, maledictos, priuatos & inhabilitatos prædictos euitent, & faciant quantum in eis est euitari: nec cum eisdem Venetis & subditis eorum, seu ipsorum aliquo, emendo, vendendo, permutando seu mercando, vel alijs quomodolibet contrahendo, commercium habere, aut cum eisdem per terram vel per mare conuersari, & in eorum nauibus, triremibus, & alijs nauigijs eorum, seu in quibus aliquis eorum, vel eorum mercantiæ, res & bona veherentur, aut eorum res, merces & bona vehi permittere, grānū, vinum, & alia victualia, arma, pannos, merces, & res alias ad eos deferre, vel delata per eos receptare, seu ad illa vehendum nauigia & operā eorum præstare quoquo modo præsumant, sub similibus censuris & pœnis, & etiā nullitatis contractuum, quos inirent, ac perditionis mercium, victualium & bonorum delatorum, quæ capientium illa fiant, & applicentur eisdem, similiter eo ipso incurrendis. In pœnam insuper Venetorum, aliorumq. monitorum non parentium prædictorum, Venetiārum, ac omnium & singularum Cathedralium etiam Patriarchalium, Metropolitanarū, & aliarum inferiorum Ecclesiarum & Monasteriorum, Prioratuum, domorum & locorum religiosorum & piorum quorumlibet Abbatibus, Prioribus, Canonicis, Monachis etiam Congregationis sanctæ Iulianæ Paduan. Lateranen. & sancti Saluatoris, necnon sancti Georgij in Alega nuncupatarū,

ac vni-

ac vniuersis & singulis Ordinibus Fratrum Prædicatorum, Minorum, Eremitarum sancti Augustini, Carmelitarum, & Seruorum sanctæ Mariæ tam Conuentualiū, quàm de Obseruantia nuncupatorum, aliorumq. quorumcumque Ordinum & Religionum Prioribus, Ministris, Custodibus, Guardianis, & alijs Clericis sæcularibus & regularibus quibuscumque nominibus censeantur, in Venetiæ, Paduan. Veronen. Vicentin. Cremonen. Brixien. Teruisin. Pergamen. & alijs Ciuitatibus, Terris & locis prædictis, in quibus superioritatem quamlibet exercent morantibus, districte præcipiendo mandamus, vt infra sex dies post dictos primos viginti quatuor dies immediate sequentes exeant de Ciuitatibus, Terris & locis prædictis in quibus degunt, ad loca ipsa minime reuersuri, donec dicti Veneti nostris monitionibus & mandatis obtemperauerint, & meruerint Interdicti præfati relaxationem obtinere. Et si quis de prædictis contrafecerit, si Episcopi & superiores interdicti, ingressus Ecclesiæ; si vero inferiores ab eisdem fuerint, excommunicationis sententiam incurrant ipso facto, à qua absolui non possint ab alio quàm à Romano Pontifice, nisi in mortis articulo constituti. Et præter huiusmodi interdictum, & excommunicationis sententiam Episcopi & superiores, ac Monasteriorum Abbates, Commendatarij & alij administratores, regiminis & administrationis Ecclesiarum & Monasteriorum eorundem, reliqui vero ab eis omnium & singulorum beneficiorum, dignitatum, personatum, administrationum, & Officiorum, Canonici & Præbendarum, aliorumq. beneficiorum Ecclesiasticorum, quæ tunc obtinebunt, & gradum ad quos promoti forent, priuationis pœnam sine vlla spe restitutionis ad ea, incurrant similiter eo ipso: de quibus possit & debeat per Sedem Apostolicam, & ab illa facultatem habentes Apostolica auctoritate dumtaxat absque alia declaratione incursum pœnæ huiusmodi illico prouideri. Concedimus tamen, quòd in Cathedralibus, & alijs Collegiatis & non Collegiatis Ecclesijs, & domibus Prædicatorum & Minorum, ac aliorum Religiosorum & sæcularium duo, tres, quatuor, quinque vel sex pro custodia secundum magnitudinem & paruitatem ipsarum Ecclesiarum vel domorum, conuersi & illiterati, vel Clerici in minoribus Ordinibus constituti, & in Ecclesijs Parochialibus pro ministrando Baptismo paruulorum, pœnitentiæ morientium, & alijs Sacramentis Ecclesiasticis quæ ministrantur tempore interdicti, earum Rectores seu alijs curæ animarum Præpositi ibidem licite valeant remanere. Ecclesijs autè & monasterijs, domibus & locis Ecclesiasticis, in quibus interdicto huiusmodi durate Missæ & alia diuina officia fuerint celebrata contra interdictum huiusmodi, & quorum personæ contra mandatum nostrum in illis remanere præsumperint, omnes gratias, omnia privilegia & indulta adimimus, ita vt eis in posterum nullatenus suffragentur. Ad reprimendum præterea eorundem Venetorum inobedientiam, & aliena rapiendi & tenendi insatiabilem cupiditatem, & temerarios conatus: vniuersis & singulis Ducibus, Marchionibus, Communitatibus, Baronibus, Domicellis, feudatarijs, Vicarijs & vassallis, ac alijs quibuscumque in temporalibus præfate Romanæ Ecclesiæ mediate vel

immediate quomodolibet subiectis & non subiectis, districtè præcipimus & mandamus, ne ad stipendia eorundem Ducis, Consilij & Communis Venetiarum, aut eis fauentium militare, aut eorum stipendia capere, seu ad stipendia huiusmodi vel aliàs cum eis se vel suos armigeros ac sequaces locare, eisq. aliquod auxilium, consilium vel fauorem quomodocumque præstare audeant. Quinimmo si qui cum eisdem ad præsens militant, quoniam in omni obligatione excepta semper intelligitur reuerentia & obedientia Romani Pontificis, non obstante quacumque obligationis formula, qua obligati forent, quæ quatenus contra Romanam Ecclesiam militare promississent, non astringat eosdem, cum nullius sit roboris vel momenti, infra vigintiquatuor dies à publicatione præsentium computandos, ab ipsis Duce, Consilio & Communi Venetiarum, eorumq. obsequijs & stipendijs omnino recedant. Et in omnes & singulos ex eis qui contra mandatū huiusmodi facere, vel venire tentauerint quoquo modo per se vel alios, directe vel indirecte, similis excommunicationis, anathematis, maledictionis, & priuationis ac inhabilitationis, necnon in terras, dominia, & loca eorum, si quæ tunc eos habere & obtinere contigerit, interdicti, & in eos eorumq. descendentes priuationis dignitatum, dominiorum, feudorum, & bonorum, ac priuilegiarum, gratiarum & beneficiorum Ecclesiasticorum, ac inhabilitationis dominiorum, & bonorum confiscationis, sententias, censuras & pœnas prædictas ex nunc prout ex tunc promulgamus, eosq. illas incurrere volumus eo ipso: quæ similiter per alium quàm Romanum Pontificem præterquam in mortis articulo, vt de alijs superius est expressum, nequeant submoueri. Inhibemus etiam quibuscumque temporale dominium obtinentibus etiā Regali, Ducali, Principatus, Marchionatus, Comitatus, & Baroniz, vel alia dignitate fulgentibus sub similibus censuris & pœnis per eos si contrafecerint eo ipso incurrendis, ne cum eisdem Duce, Consilio & Commune Venetiarum directe vel indirecte ad impediendam recuperationem Ciuitatum, Terrarum & locorum nostrorum, vel ad defensionem, seu auxilium eorundem se nobis vel pro eadem Romana Ecclesia agentibus, aut munitionem belli opponant in præiudicium dictæ Romanæ Ecclesiæ tendentis, ligam, confederationem, seu colligationem, vel intelligentiam ineant, aut hæcenus forsan initas, factas & conclusas, quæ quatenus ad præiudicium prædictæ Ecclesiæ tendant, etiam si pœnarum adiectione, iuramentoq. sint vallatæ, illarum tenores ac si infererentur pro expressis habentes, non tenere, & nemini quominus eisdem Venetis fauendo sub colore earum censuras & pœnas prædictas incurrant, excusationem præstare posse declaramus, obseruent quoquo modo. Ceterum si moniti, excommunicati, interdicti, anathematizati, maledicti, priuati, & inhabilitati prædicti, postquam priuationis & inhabilitationis pœnas prædictas incurrerint, obstinata animi duritie nostris monitioni & mandato prædictis vltius distulerint obtemperare, ex nunc prout ex tunc omnes Reges, Duces, Principes, Marchiones, Barones, Communitates, Vniuersitates, & quoscumque alios terrarum Dominos, & gentium armorum Capitaneos ad quorumcumque fide-

lium stipendia militantes, & alias quascumque personas tam per mare
 quam per terram facultatem & potestatem habentes, requirimus per præ-
 sentes, eisq. & cuilibet ipsorum in virtute sanctæ obedientiæ præcipimus
 & mandamus, quatenus contra eosdem Venetos hac in sua obstinatione,
 perseuerantes, pro honore prædictæ Sedis armis insurgant, eosq. persequi
 & debellare, ad restitutionem quoque ablatorum sanctæ Romanæ Eccle-
 siæ faciendam cogere procurent, & ne nostras Ciuitates & loca quæcum-
 que occupent, se eis opponant, & in ipsorum Venetorum pœnam, & pro
 eorum plectenda rebellione huiusmodi, quoscumque Venetos, & eorum
 Ciuitatibus, Terris & locis & dominijs degentes, & Ciuitatum, Terrarum
 & locorum, quorum Communitates, Vniuersitates, & incolæ præfatos
 Venetos in eorum dominos recognoscere, & eis vt eorū dominis obtem-
 perare præsumpserint, postquam ipsi Veneti priuationis iuris eorum in-
 illis pœnam incurrissent, vbicumque eos inuenerint, capiant & captiuos
 teneant, eorumq. mercantias, pecunias, nauigia, credita, res & bona omnia
 in proprios vsus conuertant. Nos enim auctoritate & de plenitudine
 potestatis præmissa, ipsis arma sumentibus, & aliquos eorundem Vene-
 torum & subditorum eisdem tunc eorum ditioni obtemperantium, eorum
 res & bona in huiusmodi euentum capientibus vniuersa, pecunias, loca-
 lia, mercantias, nauigia, animalia, res & bona mobilia & immobilia vbi-
 que locorum etiam extra loca Territorij eorundem Venetorum, Ciuita-
 tes quoque, Castra & loca eorundem Venetorum, quæ sic ceperint, eis in
 prædam concedimus, & volumus illa ad eosdem capientes pleno iure per-
 tinere: & personas ex Venetis, aut alijs Ciuitatibus, Terris & locis, quo-
 rum Communia & Vniuersitates ab eorum obedientia, prout eis manda-
 tur per præsentis, se non subtraxerint, vt præfertur, originem trahentes,
 seu in illis domicilium habentes, quas vbique locorum capi contigerit,
 seruos fieri capientium. Concedimus quoque eisdem qui sic contra eos-
 dem Venetos pro Romanæ Ecclesiæ defensione, & rerum sibi ablatarum,
 & Apostolicæ auctoritatis reintegratione, ipsorum Venetorum bello &
 oppugnationi huiusmodi se opposuerint, & ad defensionem nostram quo-
 modolibet præstiterint auxilium, consilium vel fauorem, plenariam omni-
 um peccatorum suorum indulgentiam & remissionem. Et si qui Reges,
 Duces, Principes, Marchiones, Comites, Barones, Communitates, Vni-
 uersitates, Collegia tam in Italia quam extra Italiam constituta, aut quæ-
 uis alix etiam particulares personæ per se, vel alium seu alios publice vel
 occulte, directe vel indirecte quouis quæsito colore eisdem Venetis ex-
 communicatis, anathematizatis, maledictis, priuatis & inhabilitatis,
 contra Romanam Ecclesiam in præmissis vel aliquo eorum, arma, pecu-
 nias aut commeatum ministrare, seu auxilium, consilium vel fauorem,
 quouis modo præbere præsumpserint, aut cum commode possent, a spo-
 lio, deprædatione, & captura eorundem Venetorum & subditorum suo-
 rum abstineant, quicumque fuerint etiam quacumque excelsa præditi di-
 gnitate, maledicti & excommunicati existant, & diuino perculsi anathe-
 mate, nec de salute animæ sperent, nisi ante finem vitæ pœnitentiam agen-
 tes

tes Apostolica fuerint auctoritate absoluti. Vniuersitates vero sciant sibi diuinis penitus interdictum : & nisi se correxerint, diuinam expectent violationem. Et nihilominus earum singulares personæ paribus excommunicationis sententia & alijs pœnis, quibus alij excommunicati prædicti, exinde innodentur. Et vt præmissa omnibus innotescant, vniuersis & singulis Patriarchis, Archiepiscopis, Episcopis, Patriarchalium, Metropolitanarum, & aliarum Cathedralium & Collegiatarum Ecclesiarum Prælati, Capitulis & personis alijs Ecclesiasticis etiam quorumuis Ordinum etiam Mendicantium Religiosis, exemptis & non exemptis, per vniuersum orbem & præsertim in Italia constitutis, mandamus quatenus ipsi & quilibet eorum sub similibus censuris & pœnis per eos & singulares personas eorumdem Capitulorum, si postquam vigore præsentium requisiti fuerint, infra tres dies, quorum vnum pro primo, & alium pro secundo, ac reliquum pro tertio & peremptorio termino Canonica monitione præmissa assignamus, non paruerint, eo ipso incurrendis, eisdem Ducem, Consiliarios, Commune Venetiarum, & singulares eiusdem Communis personas, Officiales, Prouisores, consiliarios, fautores, adhaerentes, complices & sequaces eorum, ac alios monitos præfatos, decursis eis assignatis terminis prædictis si non paruerint, in eorum Ecclesijs Dominicis & alijs festiuis diebus dum maior inibi populi multitudo conuenerit ad diuina, cum Crucis vexillo pulsatis campanis, & accensis candelis, ac demum extinctis, & in terram proiectis & conculcatis, & cum trina lapidum projectione, alijsq. in talibus seruari solitis caeremonijs, excommunicatos publice nuntient, ac faciant & mandent ab alijs nuntiari, & ab omnibus artibus euitari, necnon omnibus alijs Christifidelibus, vt eos euitent. Et pari modo sub prædictis censuris & pœnis præfatis litteras, vel earum transumptum, sub forma infra scripta factum, infra terminum trium dierum, vt præfertur, præfixum, in Ecclesijs, Monasterijs, Conuentibus & alijs eorum locis publicari & affigi faciant, & eisdem Venetis cum per eorum tacitam rebellionem à grege Dominico se separauerint, cuncta necessaria denegent ministrare, donec compuncti corde spiritum assumentes consilij sanioris, nostris monitionibus & mandatis prædictis obtemperauerint, & meruerint à censuris & pœnis prædictis absolutionis ac restitutionis beneficium, ac alias integram reconciliationis eorum gratiam à nobis & à Sede prædicta obtinere. Excommunicamus quoque & anathematizamus omnes cuiuscumque status, conditionisve fuerint, qui quominus præfatas litteras nostras, vel earum transumpta, copias seu exemplaria in suis Terris aut dominijs legi, affigi, aut publicari, ac ad omnium notitiam deduci possint, fecerint vel procurauerint quoquo modo. Ecclesijs quoque, Monasterijs, Conuentibus, & alijs quibuscumque sacris locis, in quibus denegatum fuerit per illarum Prælatos & personas litteras ipsas publicari, omnia priuilegia, omnia indulta, omnes gratias quibus ab Apostolica Sede decorantur, adimimus, volentes illa pro non concessis haberi. Postremo quia difficile foret præfatas litteras ad singula loca deferri in quibus necessarium foret; volumus & Apostolica auctoritate decernimus, quod earum transumptum

sumpto manu Notarij publici confecto, vel in alma Vrbe per dilectum filium Iacobum Mazochium impresso, & sigillo alicuius Prælati Ecclesiastici munito vbique stetur, prout originalibus litteris staretur, si essent exhibitæ vel ostensæ. Et quia dolus & fraus nemini debent patrocinari, nullus vano decipiatur errore, vt intra tempus sui regiminis prædictas censuras & poenas vel aliquas earum sustineat, quasi post illud non sit ad satisfactionis debitum compellendus: nam & ipsum qui satisfacere, & in aliquo præmissorum mandatis nostris obtemperare noluerit, etiam deposita administratione, & successorem eius, nisi paruerit, decernimus eisdem poenis inclusum, ac in omnibus & per omnia obligatum. Et cum præsentis litteræ Venetijs propter eorundem Venetorum potentiam nequeant tute publicari: ne Veneti & alij quos litteræ ipsæ contingunt, quibusve aliquid mandatur vel prohibetur per easdem, valeant de præmissis ignorantiam allegare, & prætextu ignorantie huiusmodi si non paruerint, velamen excusationis assumant: volumus litteras ipsas in valuis basilicæ Principis Apostolorum de Vrbe affigi, & per huiusmodi affixionem publicari: Decernentes quòd earundem litterarum publicatio sic facta perinde eisdem monitos, & omnes quos litteræ ipsæ contingunt, arctet, ac si litteræ ipsæ die affixionis & publicationis huiusmodi eis personaliter lectæ & insinuatæ forent: cum non sit verisimilis coniectura, quòd ea quæ tam patenter fiunt, debeant apud eos incognita remanere. Non obstantibus constitutionibus & ordinationibus Apostolicis contrarijs quibuscumque, seu si monitis prædictis, vel quibusvis alijs communiter vel diuim à Sede Apostolica indultum existat, quòd interdicti, suspendi, vel excommunicari non possint per litteras Apostolicas non facientes plenam & expressam ac de verbo ad verbum de indulto huiusmodi mentionem. Nulli ergo omnino hominum liceat hanc paginam nostræ hortationis, requisitionis, & monitionis, mandati, assignationis, promulgationis, voluntatis, aggrauationis, ligationis, decreti, priuationis, inhabilitationis, prolationis, concessionis, præcepti, inhibitionis, excommunicationis, & anathematizationis, infringere &c. Si quis autem hoc attentare præsumperit, indignationem omnipotentis Dei ac beatorum Petri & Pauli Apostolorum eius se noverit incursum.

Datum Romæ apud sanctum Petrum anno Incarnationis Dominicæ M. D. I X. quinto Kalendas Maij, Pontificatus nostri anno sexto.

Sigismundus.

Anno à Natiuitate Domini millesimo quingentesimo nono, Indictione duodecima, die vero vicesima septima mensis Aprilis, Pontificatus sanctissimi in Christo Patris & domini nostri D. Iulij diuina providentia Papa Secundi anno sexto, præsentis retroscripta littera Apostolica præfati sanctissimi Domini nostri Papa, affixa & publicata fuerunt in Basilica Principis Apostolorum de Vrbe ac Cancellaria Apostolica valuis seu portis & acie Campi flore, per ambo Cursores hic subscriptos, videlicet Eurardum du Vinier præfati sanctissimi Domini nostri Papa & Romanæ Curia Cursores. Ita est Michael le Boux Cursor sanctissimi Domini nostri Papa, & ipsorum Cursores moderatus Magister.

1. The first part of the paper is devoted to a general discussion of the problem of the origin of life. It is shown that the problem is one of the most important and most difficult in the history of science.

2. The second part of the paper is devoted to a discussion of the various theories of the origin of life. It is shown that the most plausible theory is that of spontaneous generation.

3. The third part of the paper is devoted to a discussion of the various experiments which have been conducted in order to test the theory of spontaneous generation. It is shown that the results of these experiments are in favor of the theory.

4. The fourth part of the paper is devoted to a discussion of the various objections which have been raised against the theory of spontaneous generation. It is shown that these objections are not valid.

5. The fifth part of the paper is devoted to a discussion of the various applications of the theory of spontaneous generation. It is shown that the theory has many important applications in the field of biology.

6. The sixth part of the paper is devoted to a discussion of the various conclusions which can be drawn from the theory of spontaneous generation. It is shown that the theory is a very important one in the history of science.

7. The seventh part of the paper is devoted to a discussion of the various questions which remain to be solved in connection with the theory of spontaneous generation. It is shown that there are many important questions which have not yet been answered.

8. The eighth part of the paper is devoted to a discussion of the various methods which can be used in order to solve these questions. It is shown that there are many different methods which can be used.

9. The ninth part of the paper is devoted to a discussion of the various results which have been obtained in connection with the theory of spontaneous generation. It is shown that there are many important results which have been obtained.

10. The tenth part of the paper is devoted to a discussion of the various conclusions which can be drawn from these results. It is shown that the theory of spontaneous generation is a very important one in the history of science.

I V L I I P A P A E I I.

Declaratio contra Venetos, qui ab eiusdem monitorio appellauerant ad futurum Concilium.

I V L I V S E P I S C O P V S S E R V V S S E R V O R V M D E I
Ad perpetuam rei memoriam.



S V S C E P T I regiminis nos cura sollicitat, vt eorum malitijs & audaciæ, quorum sceleris cæcitas, & damnandarum ambitionis improbitas, animas occupantes (discordiarum fautore, ac schismatum inuettore & alumno, humani generis inimico procurante) eos in illam temeritatem impellunt, vt quæ sibi à iure interdicta, & à sanctis Patribus etiam in congregatione fidelium, pro huius sanctæ Sedis dignitate, & Ecclesiæ vnitate seruandis, ad schismatis occasionem tollendam (quo in Dei Ecclesia perniciosior morbus inueniri vix potest) Spiritu sancto cooperante, nõ minus provide & salubriter, quàm necessarie decreta & statuta esse nouerint, damnata audacia & exquisitis artibus & fraudibus attentare temere conentur, & eis contrauenire contendant, nunc nouorum editione iurium, nunc antiquorum innouatione & declaratione, nunc vero extensione, & nouarum pœnarum adiectione, prout salubriter expedire conspiciamus, sollicitis studijs obuiare curemus. Sane licet olim fel. rec. Pius Papa II. prædecessor noster, de fratrum suorum sanctæ Romanæ Ecclesiæ Cardinalium, cunctorumq. Prælatorum, ac diuini & humani iuris interpretum, Curiam Romanam sequentium, in dieta seu congregatione Mantuana existentium approbatione, matura, prius & graui præmissa discussione, & de eorumdem congregatorum vnanimi consilio & assensu, ac ex certa scientia, prouocationes ad futurum Concilium efficacissimis & palpabilibus rationibus, tamquam errõneas, & detestabiles damnauerit, ac sub excommunicationis latæ sententiæ, & interdicti pœnis præceperit, ne qua persona cuiusuis dignitatis, siue etiam Vniuersitas, aut Collegiũ, quouis quæsito colore, ab ordinationibus, sententijs, seu mandatis quibuscumque suis ac successorum suorum appellationem huiusmodi interponere auderet, & contrasacientes vnâ cum fautoribus suis, & consilium auxiliumve præstantibus (siue hi tabelliones essent, siue testes, siue aduocati, siue alij quicumque) non solum pœnis & censuris prædictis, sed etiam ijs quæ læsæ maiestatis, & hæreticæ prauitatis reis imponuntur, obnoxios esse statuerit: Leonardus tamen Lauredanus Dux, Rogati, ac generale Consilium & Commune Venetiarum, omnesq. & singuli patrij & ciues Communis eiusdem, vnâ cum Prouisoribus,

bus, Potestatibus, Commissarijs, & reliquis officialibus suis (quorum auctoritate, industria, consilio, opera, aut fauore, Ciuitates, Oppida, Castra & arces ad nos & sanctam Romanam Ecclesiam legitime pertinentes, occupatae fuerant aut detinebantur) de fratrum nostrorum consilio, à nobis requisiti & moniti, vt intra certum terminum, sub pœnis tunc expressis, nos & sanctam Apostolicam Sedem plene & omni ex parte, in concessa sibi auctoritate & libertate, cum obedientia recognoscerent & redintegrarent, ac Rauennam, Ceruiam, Ariminum, Fauentiam, Sarsinam ciuitates, cum oppidis, castris, terris, & districtu ipsarum, cumq. Cæsaten. Forliuini. ac Imolen. Territorijs, Castris, Oppidis, Terris & locis quæ occupabant, integre & expedite nobis & dictæ Romanæ Ecclesiæ, cuius iuris esse noscebantur, relaxarent, atque inde recederent, nec impedirent quominus illorum ciues & habitatores ad piæ matris suæ Romanæ Ecclesiæ obedientiam reuenterentur; omnes eorum fautores ab auxilij in talibus præstatione deterrendo; ita quod requisitioni, inonitioni & mandato nostro huiusmodi non parentes, maioris excommunicationis sententia, de simili consilio eo ipso innodati censerentur, à qua præterquam in mortis articulo constituti, per alium quàm per Romanum Pontificem, etiam prætextu cuiuscumque facultatis cuiuscumque pro tempore concessæ, absolui non possent (quam quidem excommunicationis sententiam in huiusmodi non paritionis euentum, iteratis etiam vicibus aggrauauimus) paternis monitis & salutaribus iussis obsequi, prout debebant, indebite recusantes, seu qui iuri proprio diffidunt, & superioris mandata contumaciter obaudiunt, vt quæ minus iuste vsurparunt, indebite etiam cum animarum suarum detrimento retineant; ad prohibitum atque damnatū remedium confugientes, à requisitione, monitione & mandato, ac sententijs, censuris & pœnis prædictis, nulla constitutionis Pij prædecessoris hoc expresse vetantis, habita ratione, ad futurum Concilium temere (vt accepimus) prouocarunt: prout etiam perditionis filij, quondam Ioannes Bentiuolus, & eius nati, cum eos à tyrannica oppressione dilectæ ciuitatis nostræ Bononiæ expellere decreuissemus, damnabiliter fecisse dicuntur, videlicet ad futurum Concilium prædictum appellasse & prouocasse. Nos igitur quàm detestanda sit eorum peruersitas attendentes, qui proprijs innixi commodis, & nefarijs cupiditatibus mancipati, salubria decreta Patrum & superiorum iussa spernentes, inconsutilem Christi tunicam scindere, aut etiam scissionis causam præbere contendunt, & Ecclesiæ unitatem diuidere, prædictæ sanctæ Sedis Apostolicæ principatum tollere, & contra tot sanctorum Patrum & sacrorum Conciliorum decreta, temere & damnabiliter magna audacia venire non erubescunt, & contrasacere non verentur; asserentes inter cetera, consulentes, persuadentes, determinantes, seu determinationi huiusmodi interessentes, sola consilij præstatione seu persuasione, deliberatione aut determinatione, quòd aliquibus casibus à Romano Pontifice, seu eius sententia, vel decreto, ad futurum Concilium generale appellari possit, dicta Pij prædecessoris constitutione non ligari, nisi in ipsa actuali appellatione, & illius interpositione,

vel scripturæ compositione, se immiscuerint; Ne de cetero tali assertionem se excusare, ac tale quid in posterum præsumere impune valeant, opportunitam tam immani & periculoso morbo medelam adhibere volentes, hac generali & in perpetuum valitura constitutione, ex certa nostra scientia & potestatis plenitudine, de venerabilium fratrum nostrorum sanctæ Romanæ Ecclesiæ Cardinalium consilio promulgata, sancimus constitutionem Pij prædecessoris præfatam, tam citra quam ultra montes, & in ultramontanis partibus, quo ad omnes tam Ecclesiasticas quam sæculares personas, etiam Regali dignitate ac Cardinalatus honore fulgentes, Capitula, Vniuersitates, Communitates & Collegia, Congregationes, & Synodos, ac Parlamenta, valuisse, valere, & perpetuo valituram declaramus, cum suppletionem solemnitatis cuiuslibet, etiam publicationis omissemus, cuius in illa edenda vel publicanda defectus prætendi posset, quæ iuxta illam fieri requirebatur, eamque ex præterito nunc & in posterum inuiolabiliter obseruari mandamus; ipsius violatores, cuiuscumque dignitatis existant, pœnis & censuris in eadem expressis, quocumque tempore subiacere statuentes, contraria consuetudine seu potius corruptela non obstante: Decernentes & declarantes ultra pœnas impositas (quas ipso facto dictos violatores & contrauenientes incurrere volumus) ipsos & eorum quemlibet pro veris & indubitatis schismaticis, & inconfutillis tunicæ Domini nostri IESU Christi violatoribus & dissipatoribus, ac de Catholica fide male sentientibus, habendos & reputandos, pœnisque canonicis & legalibus contra tales impositis subiacere, & cum Dathan & Abiron partem & damnationem habere, ipsasque etiam pœnas & earum quamlibet omnes illos incurrere volumus, cuiuscumque conditionis existant, & gradus prærogatiua fulgeant, qui in Senatu, Consilijs, Parliamentis, Congregationibus, etiam Synodalibus & Prouincialibus, vel alijs quomodolibet, tacite vel expresse, voce vel scripto, per se vel alium (cuiuscunque timoris vel reuerentiæ velamine, vel prætextu excusatione, & superioris mandato non obstantibus) decreuerint, consulerint, seu deliberauerint, vel aliorum dicta approbauerint, consilium aut vocem dederint, ut ad futurum vniuersale Concilium à nobis vel successoribus nostris Romanis Pontificibus contra prædictam constitutionem appellare liceat, possit, vel debeat; dictas pœnas ad ipsos & eorum quemlibet contrauenientem in præmissis, tenore præsentium extendentes, & locum habere declarantes, omni ambiguitate cessante. Et nihilominus prouocationes & appellationes, tam per Leonardum Ducem, Rogatos, Consilium & Commune Venetiarum factas huiusmodi, quam per quoscumque alios prædictos pro tempore faciendas, & inde secuta quæcumque (utpote contra Pij prædicti ac præsentem constitutionem attentatas) nullas, prout sunt, & inuales, nulliusque roboris vel momenti fuisse, & pro tempore fore, auctoritate, scientia & potestate similibus statuimus, decernimus & declaramus, ac pro potiori cautela cassamus & annullamus. Et ultra supradictas pœnas, quas contra constitutionis huiusmodi violatores in suo robore permanere decernimus, loca quæcumque, ad quæ violatores ipsos declinare, & in quibus

bus scienter stare permitti contigerit, Ecclesiastico supponimus interdicto; decernentes illud, quamdiu ipsi violatores inibi scienter steterint ut præfertur, & per triduum post eorum inde discessum, firmiter observari. Ac præfentes litteras in quinterno Cancellariæ etiã describi mandamus. Non obstantibus præmissis, ac constitutionibus & ordinationibus Apostolicis, ceterisque contrariis quibuscumque. Nulli ergo omnino hominum liceat hanc paginam nostræ sanctionis, declarationis, mandati, statuti, decreti, voluntatis, extensionis, cassationis, annulationis & suppositionis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius se noverit incursum. Datum Romæ apud sanctum Petrum, anno Incarnationis Dominicæ millesimo quingentesimo nono, Kalend. Iulij, Pontificatus nostri anno sexto.

Ia. Quæstemberg.

Sigismundus.

1

4

MANDATA REIPVB. VENETAE
*ad concordandum cum Iulio II. Pont. Max. ac Sede
Apostolica, & petendum absolutionem à censuris in
eiusdem monitorio contra eos promulgato contentis,
una cum capitulis & conuentionibus ab eiusdē Reip.
Oratoribus initis, confirmatis & promissis.*

IN CHRISTI NOMINE, AMEN.

Anno à Natiuitate eiusdem M. D. I X. Indiétione duodecima, die vero
ultimo mensis Iulij, Illustris Princeps & excellentiss. Dominus D. Leonar-
dus Lauredanus Dei gratia inclytus Dux, & excellentissimum Dominium
Venetorum &c. vnà cum suis Consilijs habentibus ad infra scripta omnia
& singula exercenda & peragenda plenissimam auctoritatē & facultatē, de
more vocatis & rogatis, omnibus vijs & modis, iuribus & titulis, formis &
causis quibus melius potuerunt & possunt, pro se & successoribus suis, ac
vice & nomine Dominij Reipublicæ Venetæ fecerunt, constituerunt, crea-
uerunt & ordinauerunt, ac faciunt & constituunt, creant & ordinant suos &
dicti Dominij & Reipublicæ Sindicos, actores, factores, procuratores legiti-
mos, negotiorū gestores, & nuntios speciales, magnificos & præsantes vi-
ros D. Dominicum Triuisanum Equitem, Procuratorem S. Marci, D. Leo-
nardum Mocenigo, D. Aloysium Maripetro, D. Paulū Capellū Equitem, D.
Paulum Pisani Equitem, & D. Hieronymum Donatū doctorem, nobiles Ve-
netos, & quemlibet eorum in solidum & de per se, ita quòd occupātis con-
ditio potior non existat, sed quod vnus eorum incæperit, alius & eorū qui-
libet proseguere, mediare valeat & finire, & ad effectū perducere, specialiter
& expresse ad comparandū nominibus quibus supra, coram Sanctissimo &
Beatissimo Patre Domino D. Iulio diuina prouidentia sacrosanctæ Roma-
næ & vniuersalis Ecclesiæ summo Pontifice, & similiter coram sacro Col-
legio Reuerendissimorum Cardinalium eiusdem sanctæ Romanæ Ecclesiæ,
tam vnite quàm separatim, & tã senel quàm pluries, sicuti opus fuerit: sit
post declaratam per eos singularem deuotionem, & filialem obseruantiam
ipsorum Dominorum constituentium, quæ singulis temporibus fuit erga
Sanctissimam præfatam, & sanctam Sedem Apostolicam, & optimā & con-
stantissimam mentem & dispositionem perseuerandi, sicuti semper fuit pec-
culiare institutum Veneti Dominij, supplicandū, vt dignetur benignitate
sua atque clementia eundem Illustriss. Principem, Dominium & Rem-
publicam Venetam, ac statum suum in gratiam recipere, amplecti, & fo-
uere, sicuti pietissimo Pontifici conuenit: & sicuti reuerenter paruerunt
monitorio Apostolico, sic etiam per suam Beatitudinem singulis Prin-
cipibus & Dominijs Christianis ipsius obedientia, ac paterna & clemen-
tissima susceptio per Beatitudinem suam facta declaretur: Et si quouis

modo ipsi Domini constituentes nominibus antedictis, vel eorum aliqui in vllas censuras & pœnas incurrissent in dicto monitorio expressas, beneficium absolutionis ac totalem remissionem, & relaxationem interdictorum specialium vel generalium in eorum monitorio contentorum, tam in Ciuitate, quàm in Dominio & alijs locis eisdem suppositis, humiliter & deuote petendum, requirendum, & obtinendum, & si opus fuerit, renuntiandũ omnibus & quibuscũque appellationibus & protestationibus quomodocumque & qualitercumque per ipsos Dominos constituentes interpositis coram quibuscumque personis, ac admissionibus eorum, & litteris testimonialibus quomodolibet promulgatis, ac contentis in eis, ac si nullo vnquam tempore factæ, emanatæ vel impetratæ fuissent, etiam si tales forent, quæ de iure sub generalibus verbis non comprehenderentur, vel venirent, atque de iure deberent expresse & specialiter nominari, cum quibuscumque promissionibus, pactis, stipulationibus, renuntiationibus, iuramentis etiam in animam prædictorum principalium constituentium, & cuiuslibet eorum, cautelis & clausulis opportunis, & quæ dictis eorum sindicis & procuratoribus, & cuiuslibet eorum necessariæ videbuntur: Et generaliter ad alia omnia & singula dicendum, faciendum, promittendum, & renuntiandum, quæ in prædictis, & circa prædicta, & quolibet prædictorum, & inde pendentibus, connexis & annexis eisdem, vel ab eisdem, seu altero eorum, & prorsus extraneis de iure, aut consuetudine quomodolibet requiruntur & exiguntur, etiam si talia essent quæ mandatum exigeret speciale, quæ ex hunc prout ex tunc dictus Illustris Princeps & Domini constituentes, vt supra prænominatis Sindicis & Procuratoribus, & eorũ cuiuslibet expresse concesserunt, & pro concessis specialiter & nominatim haberi voluerunt ac si in præsentī instrumento de eis facta foret mentio specialis, & quæ prædictus Illustris Princeps & Dominium Venetorum facere possent per se in prædictis, & circa prædicta, & quolibet prædictorum tam de iure, quàm de consuetudine, & quilibet verus & legitimus sindicus & procurator cum pleno, libero, & generali mandato, quomodolibet facere posset: Dantes & concedentes dicti Domini constituentes nominibus quibus supra, dictis eorum sindicis & procuratoribus, & cuiuslibet eorũ in prædictis, & circa prædicta, & quolibet prædictorum, & dependentibus & connexis eisdem, plenum, liberum, & generale mandatum, ac etiam speciale, vbi exigitur, cum plena, libera, speciali & generali administratione, bailia & potestate, quæ in præfatis & circa præfata quacumque via & forma requiruntur: Promittentes dicti Domini constituentes nominibus quibus supra, & mihi Notario infrascripto vt publicæ personæ & authenticæ stipulanti & recipienti vice & nomine Sindicorum suprascriptorum, ac aliorum omnium & singulorum quorum interest, intererit, vel interesse poterit in futurum, se perpetuo & omni tempore firma, rata, & grata habituros quacumque dicti magnifici Domini Procuratores & Sindici, & eorum quilibet in prædictis, & circa prædicta, & quolibet prædictorum, & occasione eorum duxerint faciendā, & contra ea, vel eorum aliquod vllō tempore non facere, vel venire per se vel alium seu alios quauis

occasione vel causa, tam de iure quam de facto vel consuetudine, sub obligatione & hypotheca omnium bonorum prædicti Illustris. Principis & Dominij præsentium & futurorum. De quibus omnibus & singulis præfati Domini constituentes vnum vel plura instrumenta publica & authentica fieri mandauerunt, & ad maius robur præsens instrumentum iusserunt bulla sua plumbea pendente muniri. Actum Venetijs in sala maioris Consilij eiusdem Illustris. Dominij, præsentibus spectatissimo viro domino Gaspare à Vidua, & spectabilibus dominis Aloysio Sabadino, & D. Andrea de Francisceis, & D. Vincentio Sabadino Ducalibus secretarijs, testibus ad præmissa specialiter vocatis, notis, habitis, atque rogatis.

Ego Ioannes Baptista de Andrianis q. D. Aloysij publicus Imperiali & Veneta auctoritatibus Notarius, ac eiusdem Illustris. Dominij Secretarius, præmissis omnibus & singulis dum sic ut præmittitur agerentur interfui, rogatus scripsi, & alijs occupatus manu aliena scribi feci, ac diligenter cum originali collationaui: Et quia in omnibus concordare inueni, ac in nullo penitus dissentire: ideo in fidem me subscripsi, signumq. meum apposui consuetum.

Mandatum aliud.

IN CHRISTI NOMINE, AMEN.

Anno à Natiuitate eiusdem M. D. IX. Indictione duodecima, die vero vndecima mensis Septembris, Cum Sanctissimus & Beatissimus in Christo Pater & Dominus noster D. Iulius diuina providentia sacrosanctæ Romanæ & vniuersalis Ecclesiæ summus Pontifex velit nonnulla tractare & peragere cum magnificis Oratoribus Illustris Domini Principis & Domini D. Leonardi Lauredani inelyti Ducis, & excellentissimi Dominij Venetorum, ad præsens in Curia residentibus, pro bona conseruatione deuotionis & filialis obseruantie suæ erga Beatitudinem antedictam, & licet clare & perspicue videri potuerit per alterum mandatū eiusdem Illustris Principis & inelyti Dominij, & totius Reipublicæ Venetæ, rogatum per me Notarium infra scriptum sub die vltima mensis Iulij proxime præteriti, quanta fuerit & sit, & deinceps proculdubio sit futura filialis obsequentia sua, non solum circa monitorium, verum & ad alia omnia tractanda, & sine debito terminanda, cum Consilij plenissimam libertatem habentibus fuit eisdem magnificis dominis Oratoribus amplissima facultas & libertas attributa: tamen pro reuerentia Beatitudinis suæ, & ut cunctis perseverantia dicti Illustris Principis & vniuersi Dominij patefiat, vñ cum præfatis Consilij amplissimam facultatem habentibus, omnibus melioribus modis, vijs, iuribus, titulis, formis & causis, quibus melius & validius fieri potest & debet, fecerunt, constituerunt, creauerunt & ordinauerunt, ac faciunt, constituunt, creant & ordinant suos & dicti Dominij, ac totius Venetæ Reipublicæ Sindicos, actores, factores, procuratores legitimos, negotiorum gestores, & nuntios speciales, præfatos magnificos Oratores suos; videlicet, præclaros viros dominos Dominicū Truiisanum Equitem, Procuratorem sancti Marci, Leonardum Mocenigo,

Aloysium Maripetro, Paulum Capellū Equitem, Paulum Pisani Equitem, & Hieronymum Donatū Doctorem, nobiles Venetos absentes tamquam præsentes, sed me Notario eorum nomine stipulante & recipiente, ac eorum quemlibet in solidum & de per se, ita quod occupantis conditio potior non existat, sed quod vnus eorum inceperit, alius & eorum quilibet prosequi, mediare valeat & finire, ac ad effectum perducere, specialiter & expresse ad omnia & singula agendum, tractandum, peragendum, concludendum, & siue debito terminandum cum eodem Sanctissimo Domino nostro, ac ab eo deputatis vel deputandis, vel alio quocumque eius nomine substituto vel substituendo, quocumque nomine & quouis titulo censeatur, quæcumque, quascumque, quantumcumque, & qualiacumque fuerint, & si talia forent, quæ de iure sub generalibus verbis non comprehenderentur vel venirent, aut de iure deberent expresse & specificè nominari, & requirerent speciale mandatum, & ad rogandum de prædictis omnibus & singulis quæ stipulata & conuenta fuerint, ac pro eorum obseruatione vnum & plura publica instrumenta, cum quibuscumque promissionibus, pactis, stipulationibus, iuramentis, etiam in animam prædictorum principalium constituentium, & cuiuslibet eorum, cautelis, promissionibus, obligationibus, terminis, conuentionibus, formis, articulis, & clausulis opportunis; & quæ dictis magnificis Sindicis ac Procuratoribus, ac eorum cuilibet necessariæ & opportunæ visæ fuerint: & generaliter ad omnia & singula dicendum, faciendum, procurandum, & exercendum, quæ in præmissis & circa præmissa, & quolibet præmissorum, & inde pendentibus & emergentibus, connexis & annexis, & prorsus extraneis ab eisdem, vel ab eisdem, seu altero eorum, aut quibuscumque alijs maioribus, remotis & prorsus extraneis, de iure vel de facto, aut consuetudine quomodolibet requiruntur & exiguntur, etiam si eius generis essent quæ mandatum exigenter speciale, quæ ex nunc prout ex tunc idem Illustris Princeps, & Domini constituentes prænominatis Sindicis & Procuratoribus, ac eorum cuilibet & de per se, amplissime & expresse concesserunt & attribuerunt, ac pro concessis & attributis specialiter & nominatim haberi voluerunt, ac si in præsentī instrumento de vnoquoque eorum facta esset mentio specialis, & Illustris Princeps & vniuersum Dominium Venetum facere per se possent in prædictis, & circa prædicta, & quolibet prædictorum tam de iure, quàm de facto vel consuetudine, & quæ quilibet verus & legitimus syndicus & procurator cum pleno, libero & generali mandato quoquo modo facere posset: Dantes & concedentes dicti Domini constituentes nominibus quibus supra, dictis eorū Sindicis & Procuratoribus, ac vnicuique eorum in prædictis, & circa prædicta, & quolibet prædictorum, ac dependentibus, annexis & connexis eisdem, extraneis, & maioribus & remotis, plenum, liberum, & generale mandatum, ac etiam speciale vbi exigitur, cū plena, libera, speciali & generali administratione, bailia ac potestate, quæ in prædictis & circa prædicta quacumque via vel forma requiruntur: Promittentes dicti Illustris Princeps, & inclytū Dominium Venetorū vnā cum Consilijs authenticis, mihi Notario infra scripto

vt publicæ personæ & authenticæ agentī, stipulanti, & recipienti nomine & vice magnificorum dominorum Syndicorum, de quibus supra, ac aliorum omnium & singulorum, quorum interest, intererit, aut interesse poterit in futurum, se perpetuo & omni tempore firma, rata & grata habituros quæcumque dicti magnifici Procuratores & Sindici, ac eorum quilibet tam coniunctim quàm diuissim in præmissis, & circa præmissa, ac eorum quolibet, ac ab eis. dependentibus, emergentibus, annexis & connexis, & prorsus extraneis fecerint, promiserint, stipulauerint & conuenerint, & contra ea nullo vmquam tempore non facere vel venire per se vel alium, seu alios quauis occasione vel causa, tam de iure quàm de facto, vel consuetudine, sub obligatione & hypotheca omnium bonorum præfati Illustris Principis & Domini præsentium & futurorum: Et in præmissorum fidem iusserunt præsens instrumentum cum bulla sua plumbea pendente, muniri. Actum Venetijs in sala veteri prædicti Illustris Domini, præsentibus ad præmissa spectabilibus viris D. Aloysio Sabadino, D. Aloysio Barbafella, & D. Ioanne Soro Ducalibus Secretarijs, testibus ad supradicta omnia & singula vocatis, notis, specialiter habitis & rogatis.

Ego Ioannes Baptista de Andrianis q. Aloysij publicus Imperiali & Veneta auctoritatibus Notarius, quia præmissis omnibus interfui rogatus scripsi, & alijs occupatus negotijs aliena manu scribi feci, & cum authentico vñ cum abrasione facta in prima linea ad vnguem concordare, inueni, & ideo in fidem me subscripsi, ac signum meum apposui consuetum.

Mandatum tertium.

IN CHRISTI NOMINE, AMEN.

Anno Natiuitatis eiusdem M. D. X. Indictione decimatertia, die vero decimaquinta mensis Februarij, licet Illustris Princeps, & excellens Dominus D. Leonardus Lauredanus inclytus Dux, & excellentissimum Dominum Venetiarum fecerint & instituerint suos procuratores legitimos, magnificos & præclaros viros dominos Dominicum Triuissanum Equitem, Procuratorem sancti Marci, Leonardum Mocenigo, Aloysium Maripetro, Paulum Capellum Equitem, Paulum Pisani Equitem tunc in humanis agentem, & Hieronymum Donatū Doctorem, Oratores suos in Romana Curia residentes, cum amplissimo mandato, facultate & libertate ad omnia & singula agendū, tractandum, & sine debito terminandū cum sanctissimo Domino nostro Domino Iulio diuina prouidentia Pontifice summo, ac cum sacro Collegio Reuerendissimorum Dominorum Cardinalium, vel ab eis institutorum, vel substituendorum, cum omnibus clausulis necessarijs & opportunis, prout constat duobus procuratorijs instrumentis, primo sub die vltimo mensis Iulij, secundo sub die vndecimo mensis Septembris proxime præteritorum, rogatis & stipulatis manu mei Notarij infra scripti: tamen, vt cunctis innotescat perpensis animus, & filialis dispositio sua erga Beatissimum Dominum nostrum præfatum, & Sedem sanctæ Apostolicam, cum Consilij plenam auctoritatem & facultatem habentibus voluerunt, & in nomine Domini nostri I E S V Christi omnibus melioribus

ribus modo, via, iure, & forma quibus magis melius & validius fieri potest & debet, de nobis fecerunt, constituerunt, creauerunt & ordinauerunt, ac virtute præsentis publici instrumenti & authentici, faciunt, constituunt, creant & ordinant suos & dictæ Reipublicæ veros, legitimos & indubitatos procuratores, actores, factores, negotiorum gestores, syndicos, & nuntios speciales & generales, ita tamen quod specialitas generalitati non deroget, nec è contra, magnificos & præstantes viros dominos Dominicum Triuisanum Equitem Procuratorem, Leonardum Mocenigo, Aloysium Malipetro, Paulum Capellum Equitem, & Hieronymum Donatum Doctorem, nobiles Venetos ad præsens in Romana Curia residentes, absentes tamquam præsentis, sed me Notario publico eorum nomine singulariter stipulanti & recipienti, ac vnumquemque eorum in solidum & de per se, ita quod occupantis conditio potior non existat, sed quod vnus incæperit, alius & ipsorum quilibet prosequi, mediare valeat & finire, & ad effectum perducere, specialiter & expresse ad comparandum coram præfato sanctissimo ac Beatissimo Domino nostro Domino Iulio diuina clementia sacrosanctæ Romanæ & vniuersalis Ecclesiæ Pont. Max. ad confitendum & recognoscendum litteras Apostolicas monitoriales alias per præfatum S. D. N. decretas sub Datum anno Incarnationis Dominicæ M. D. I. X. quinto Kal. Maij, Pontificatus eiusdem anno sexto, contra præfatos Illustres Principem, ac vniuersam ciuitatem Venetiarum, terras & loca sua, ad eorum notitiam peruenisse, ac legitime & ex veris & legitimis de causis processisse, ac propterea renuntiantes appellationi & protestationi in scriptis per eos interpositæ, & admissioni ipsius, & alijs quibuscumque actibus superinde secutis, ac si numquam factæ vel facti fuissent, ita quod nullius sint roboris vel momenti: Et insuper ad petendum humiliter & deuote à Sanctitate sua veniam & absolutionem à censuris in eis contentis, & quibuscumque alijs, & Interdicti in illis contenti relaxationem, & eam vel eas dicto vniuersali nomine deuote recipiendum: Et insuper ad infra-scripta omnia & singula agendum, tractandum, concludendum, & sine debito terminandum cum Sanctitate sua: Ac instrumentum cum capitulis, clausulis, conditionibus, & obligationibus de verbo ad verbum inferius annotatis, concludendum, stipulandum, & roborandum, cum eadem facultate, bailia & libertate, ac si idem Illustris Princeps & excellentissimum Dominium Venetorum interesset, & facere posset. Tenor autem Instrumenti cum omnibus & quibuscumque capitulis, clausulis, & obligationibus conficiendis, stipulandis, & roborandis talis est, videlicet.

IN NOMINE DOMINI, AMEN.

Per hoc præsens publicum Instrumentum cunctis pateat euidenter, & sit notum, quod anno à Natiuitate eiusdem M. D. X. Indictione xiiij. die vero xxiiij. mensis Februarij, Pontificatus sanctiss. in Christo Patris & D. N. D. Iulij diuina prouidentia Papæ II. anno septimo, in præsentia eiusdem S. D. N. Papæ, meiq. Notarij publici, & testium infra-scriptorum ad hæc vocatorum & rogatorum, personaliter constituti magnifici viri domini Do-
mini-

minicus Triuifanus Eques, Procurator sancti Marci, D. Leonardus Moce-
nigo, D. Aloysius Maripetro, D. Paulus Capellus Eques, & D. Hieronymus
Donatus Doctor, nobiles Veneti, Oratores, syndici, & procuratores per
Illustriſſimum & excellentiſſimum Principem Dominum Leonardum
Lauredanum Ducem, Rogatos, Conſiliarios, & Dominium Venetiarum
legitimo & ſufficienti numero ac ſolito loco congregatos, prout in ſimi-
libus & alijs grauibz negotijs peragendis facere conſueuerunt, legitime
conſtituti, non vi, dolo, metu, fraude, aut aliqua ſiniſtra machinatione
circumuenti, ſed ſponte & libere, & ex certa eorum ſcientia ac voluntate,
maturaq. deliberatione præhabita, in modum infraſcriptum, & iuxta ca-
pitula & conuentiones infraſcriptas ibidem exhibitas, ac de verbo ad
verbum lectas & intellectas, promiſerunt, conuenerunt, & obligauerunt:
quorum Capitulorum & conuentionum tenor de verbo ad verbum ſequi-
tur, & eſt talis.

CAPITVLA ET CONVENTIONES *inter Pontificem, & Illuſtrem Dominium Venetorum.*

IN primis præſati Oratores, procuratores & ſyndici expreſſe renuntia-
uerunt cuicumque appellationi interpoſita per dictum Dominium,
aut eius nomine, ad futurum Concilium, & cuilibet proteſtationi vel ſcri-
pturæ ad eam pertinentibus, illamque, & illas prout ſunt, pro nullis, friuo-
lis, & penitus infectis haberi voluerunt: ſeq. facturos & curaturos pro-
miſerunt, quòd Episcopi ſeu Prælati coram quibus appellatio & proteſta-
tio prædictæ interpoſita fuerunt, perſonaliter ad Romanam Curiam ve-
nient, & S. D. N. ſe præſentabunt veniam petituri, & pœnitentiam eis in-
iungendam recepturi.

Item nominibus & modo quibus ſupra, ante omnia recognouerunt &
confeſſi fuerunt litteras Apoſtolicas monitoriales aliàs per S. D. N. ſub
Datum anno Incarnationis Dominicæ M. D. IX. quinto kal. Maij, Ponti-
ficatus eiſdem anno vj. contra Ducem, Rogatos, Conſiliarios, & alios
Venetiarum ciuitatis Præſidentes, Dominium, eiſq. Terras & loca de-
cretas, de quibus illarumq. tenore, ac ſingulis clauſulis & capitulis in eiſ-
dem contentis, plenam & indubitata notitiam habere aſſeruerunt, legi-
time & ex veris & legitimis cauſis emanãſſe: petieruntq. humiliter & de-
uote abſolutionem à cenſuris in eis contentis, & quibuſuis alijs, & Interdi-
cti in eis contenti relaxationem.

Item nominibus & modo quibus ſupra, expreſſe & ſolemniter promiſe-
runt nullo vmquam tempore, aut quouis quæſito colore, ſeu quauis cauſa
in futurum aliquas decimas, ſeu impoſitiones, ſeu collectas, aut quæcum-
que onera Clericis, vel Eccleſiaſticis perſonis, tam ratione perſonarum,
quàm quorumcumque beneficiorum Eccleſiaſticorum, ſeu etiam Eccleſi-
arum, Monaſteriorũ, vel locorum religioſorum, aut Hoſpitalium impo-
nere, ſeu impoſita exigere.

Item nominibus & modo quibus ſupra, promiſerunt de cetero perpe-
tuis

tuis futuris temporibus non impedire quoquomodo per se vel alium seu alios, collationes, præsentationes, institutiones, prouisiones, seu quaslibet dispositiones per Sedem Apostolicam vel Romanum Pontificem pro tempore existentem, seu eiusdem Sedis Legatos, & quoscumque alios Ordinarios, de quibuscumque Dignitatibus Ecclesiasticis etiam Metropolitanis aut Patriarchalibus, seu Monasterijs etiam Consistorialibus, aut quibuscumque alijs Dignitatibus, Officijs, seu beneficijs Ecclesiasticis regularibus, vel sæcularibus, & alijs pijs locis hætenus quomodolibet factas, seu faciendas, & de eis nullatenus se intromittere, quinimmo illorum omniũ & singulorum possessionem liberam & expeditam per eos, vel ad quos spectat, sine contradictione vel molestia tradi, & traditas retineri permittere.

Item nominibus & modo quibus supra, promiserunt deinceps perpetuis futuris temporibus, per se vel alium seu alios ex quauis causa & quouis quæsito colore aut ingenio non impedire, nec se quoquomodo intromittere quominus cognitio causarum fori Ecclesiastici libere exerceatur per Iudices Ecclesiasticos, & per eos dictæ causæ cognoscantur & terminentur in quacumque instantia tam in Romana Curia, quàm in alijs locis, prout Sanctiss. D. N. & Romano Pontifici pro tempore illas in quocumque statu committi contigerit: Nec appellationes & prouocationes in causis prædictis ad eandem Sedem vel alios interponi, & interpositas libere prosequi etiam in Romana Curia impediunt. Nec pariter Clericos, aut Ecclesiasticas personas prædictas absque expressa licentia Sedis Apostolicæ, vel alterius Ecclesiastici Iudicis ad quem spectat, capi, carcerari, detineri, aut quauis molestia in eorum bonis, personis, aut beneficijs affici facient aut permittent.

Item nominibus & modo quibus supra, promiserunt & conuenerunt decetero perpetuis futuris temporibus nullo modo impedire, seu facere directe vel indirecte, quouis quæsito colore aut causa, quin subditi omnes & singuli, immediate eidem S. R. E. seu Ciuitatum, Castrorum, Terrarũ, locorum quorumcumque eiusdem sanctæ Romanæ Ecclesiæ, omnes & singuli ciues, rustici, habitatores & incolæ, subditi vero mediate eidem S. R. E. etiam, Terras, Ciuitates & Castra, ac loca quæcumque in Vicariatum seu feudum tenentes, eorumq. subditi, & Ciuitatum, Terrarum, Castrorum, & locorum eorundem ciues, rustici, habitatores & incolæ in Marchia Anconitana, & Romandiola, comprehendendo etiam ciuitatē Ferrariensem, eiusq. Comitatum, Territorium & Districtum, dumtaxat existentes, cum eorum omnium & singulorum nauibus, seu nauigijs cuiuscumque generis, mercantijs & bonis in illis existentibus cuiuscumque generis & qualitatis fuerint, libere & expedite, ac penitus sine aliqua gabelarum aut pedagiorum seu onerum quorumcumque solutione, vel exactione, ad quæcumque loca tam per sinum maris Adriatici, quàm quæcumque alia maria, & aquas etiam dulces, nauigare possint: quinimmo promiserunt, quòd eos, vt præfertur, libere nauigare permittent, nec nauigia, homines, mercantias, & bona prædicta quocumque modo, & quouis colore & causa impediunt, retinebunt, aut retardabunt, etiam præ-

textu

textu vel colore alicuius prætenſæ cuſtodix maris, cui quo ad præmiſſa ſpecialiter & expreſſe renuntiauerunt, ſiue etiam prætextu viſionis dictorum bonorum ſeu mercantiarum, aut librorum mercantilium in dictis nauigijs, aut penes ipſos nauigantes quomodolibet exiſtentium, etiam ſub eo prætextu quòd mercantia, & bona, & alia prædicta ad quaſcumque alias perſonas etiam non ſubditas, in parte vel in totum pertinere dice-
rentur.

Item nominibus & modo quibus ſupra, promiſerunt & conuenerunt perpetuis futuris temporibus parere mandatis ſanctæ Romanæ Eccleſiæ; quinimmo tamquam ipſius deuoti filij numquam erunt in factò, opere, conſilio, aut auxilio contra Sedem Apoſtolicam, & Romanum Pontificem pro tempore, publice vel occulte, & hoc ſub pœnis & cenſuris in dictis literis monitorialibus, & alijs infra contentis.

Item nominibus & modo quibus ſupra, promiſerunt & conuenerunt caſſare, & cū effectu irritare, prout ex nunc pro caſſis & irritis habent omnes & ſingulos contractus, capitula & conuentiones hætenus cum quibuſuis Ciuitatibus, Communitatibus, Terris, ſeu locis eidem ſanctæ Romanæ Eccleſiæ mediate vel immediate ſubiectis, in præiudicium ipſius Romanæ Eccleſiæ & Sedis Apoſtolicæ, & contra eius libertatem quomodolibet reſpectiue initos & facta.

Item nominibus & modo quibus ſupra, promiſerunt & conuenerunt perpetuis futuris temporibus aliquos rebelles, ſeu inimicos, vel exititios eiſdem Sedis Apoſtolicæ in terris eorum, & dicti eorum Dominij vbi-
cumque exiſtant non recipere, vel admittere, aut illos ſeu aliquem illorum quomodolibet protegere, & ſi qui in præſentiarum in locis prædictis reperiuntur, illos infra menſem proxime futurum licentiaſſe, & cum effectu expellere: Ac etiam quòd quoſcumque Vicarios, Feudatarios, aut Domicellos, ſeu Barones Terrarum & locorum quoruncumque eidem Romanæ Eccleſiæ mediate vel immediate ſubditorum, etiam Duces, aut quocumque præminentix titulo inſignitos, ſiue eorum Terras, Cimitates, ſtatus & bona, in eorum ſeu dicti Dominij protectione non recipient, nec recipi permittent publice vel occulte ſine expreſſa licentia Romani Pontificis pro tempore exiſtentis.

Item nominibus & modo quibus ſupra, promiſerunt & conuenerunt deinceps perpetuis futuris temporibus de ciuitate Ferrarienſi, illiusq. Comitatu, Territorio & diſtrictu, illorumq. gubernio & regimine ad Romanam Eccleſiam & ad Sedem Apoſtolicam pleno iure legitime ſpectantibus & pertinentibus, quouis modo ſeu cauſa, aut quouis quaſito colore, directe vel indirecte, etiam ratione prætenſi Vicedominatus, cui & prætenſis iuribus in petitorio & poſſeſſorio in eo quomodolibet competentibus ſpecialiter & expreſſe renuntiauerunt, ſe nullatenus intromittere.

Item nominibus & modo quibus ſupra, promiſerunt & conuenerunt reficere & reſtituere cum effectu omnia & ſingula dāma illata & facta, ac etiam pecunias, & quæcumque bona quibuſuis Monafterijs, Eccleſijs,

Congregationibus, & alijs locis & personis Ecclesiasticis cuiuscumque qualitatibus existant, hactenus per ipsos, eorumque. Officiales prætextu vel occasione paritionis & obseruationis litterarum monitorialium prædictarum, & Interdicti & censurarum in eis contentarum, eis & ab eis respectiue illatis & ablatis, si qua illata & ablata respectiue reperiuntur, dictasque. personas & loca à damnis & bonorum ablationibus prædictis releuare, & indemnes conseruare.

Pro quibus omnibus & singulis præmissis & præinsertis Capitulis contentis sic, ut præmittitur, tenendis, attendendis, complendis, & inuiolabiliter obseruandis, dicti Oratores, syndici & procuratores nominibus quibus supra, prædictos dominos Leonardum Lauredanum, & pro tempore existentem Ducem, Rogatos, & totum Dominium Venetorum cum omnibus & singulis Ciuitatibus, Terris, Oppidis, Castris, rebus & bonis mobilibus & immobilibus, iuribus & actionibus quibuscumque ad dictum Dominium quauis occasione vel causa spectantibus & pertinentibus, & vbicumque existentibus, prædicto S. D. N. Papæ, & pro tempore existenti summo Pontifici, & sacro Collegio Reuerendissimorum S.R.E. Cardinaliū, necnon Cameræ Apostolicæ, sub pœnis, & in ampliori & strictiore forma Cameræ prædictæ obligarunt & hypothecarunt, dictosque. D. Leonardū, & pro tempore existentem Ducem, Rogatos, & Dominium, ac Ciuitates, Terras & alia bona, iura & actiones superius expressa, iurisdictioni, coercioni, compulsioni, iuribus, & mero examini Curie causarum Cameræ Apostolicæ prædicti D.N. Papæ, ac Dominorū Camerarij, Vicecamerarij, eiusque. Auditoris, Viceauditoris, Regentis, Locumtenentis, & Commissarij eiusdem, etiam per pactum expressum solemnem stipulatione vallatum, omniumque. aliarum Curiarum Ecclesiasticarum & sæcularium in quibuscumque mundi partibus existentium, seu constitutarum, in qua seu quibus hoc præsens publicum Instrumentum exhiberi contigerit, seu etiam produci, totaliter supposuerunt & submisserunt: per quas quidem Curias, & earum quamlibet, ac ipsarum, & cuiuslibet earum Auditores, Iudices, & Officiales, prædicti Domini Dux, Rogati, Consiliarij & Dominium totiens quotiens contrauentum fuerit in toto vel in parte contentis in dictis Capitulis, voluerunt ad instantiam tam moderni, quam pro tempore existentis summi Pontificis, seu dicti sacri Collegij, vel Cameræ Apostolicæ posse cogi, compelli, constringi, excommunicari, aggrauari, & reaggrauari, etiam cum inuocatione auxilij brachij sæcularis, ac realiter & personaliter conueniri vsque ad integram obseruationem omnium & singulorum in dictis Capitulis præinsertis, & in præsenti publico instrumento contentorū; ita tamen quod vna dictarum Curiarum electa per prædictum modernum, & pro tempore existentem summum Pontificem, aut dictum sacrum Collegium, seu Cameram Apostolicam, & iudicio incepto in ea, nihilominus ipsa dimissa ad aliam seu alias Curiam, seu Curias ire & redire possit, & habere recursum, nullum sibi neque suis propter electionem huiusmodi præiudiciū generando: Renuntiaruntque. dicti Oratores nominibus quibus supra

supra, exceptioni dictorum Capitulorum, non sic, vt præmittitur, per eos celebratorum, & aliter fuisse dictum & recitatum quàm scriptum, & è conuerso, ac exceptioni doli mali, vis, metus, fraudis, in factum actioni, conditioni indebitum ob causam & sine causa, & ob iniustam, seu turpem causam restitutioni in integrum, & cuilibet protestationi publice vel occulte quomodolibet factæ vel fiendæ, necnon omni iuris Canonici & Ciuilibus auxilio, omni appellationis remedio, dationiq; & oblationi libelli, litis contestationi, ad arbitrium boni viri reductioni, & reclamationi copiar præsentis publici instrumenti, seu eius notæ & Capitulorum prædictorum, ac à quibuscumque alijs priuilegijs, beneficijs, ferijs, inducijs, immunitatibus factis & fiendis, ac omnibus alijs & singulis exceptionibus, iuribus & defensionibus impetratis & impetrandis quibuscumque, & sub quocumque tenore verborum, quibus mediantibus, contra præmissa vel aliquod præmissorum in præsentis publico instrumento, & Capitulis prædictis, ac eorum quolibet contentorum facere, dicere vel venire possent, aut se in aliquo defendere, iuuare vel tueri, & specialiter iurisdicenti generalem renuntiationem non valere nisi præcesserit specialis & expressa. Et ibidem incontinenti prædicti Oratores, syndici & procuratores nominibus quibus supra, ad maiorem firmitatem & cautelam omnium & singulorum præmissorum, ac aliorum in præsentis publico instrumento & Capitulis prædictis contentorum, omnibus melioribus modo, via, iure, causa & forma, quibus melius & efficacius potuerunt & debuerunt, fecerunt, constituerunt, creauerunt, & solemniter ordinauerunt suos, veros, certos, legitimos & indubitatos procuratores, actores, factores, negotiorumq; suorum infracriptorum gestores, ac nuncios speciales & generales, ita tamen quòd specialitas generalitati non deroget, nec è contra, videlicet, Prouidos & discretos viros magistrum Marianum de Cuccinis, Nicolaum de Parma, Petrum de Aretio, necnon Ioannem Baptistam de Ecclesia, Andream de Portijs, & Tranquillum de Romaulis, dictæ Curie causarum Cameræ Apostolicæ Notarios, & alios quoscumque procuratores & Notarios, qui nunc sunt, & pro tempore erunt, quorum nomina & cognomina hic haberi voluerunt pro sufficienter expressis, licet absentes tamquàm præsentibus, ac eorum quemlibet in solidum, ita tamen quòd non sit melior conditio primitus occupantis, nec deterior subsequens, sed quod vnus eorum inceperit, alter eorum id prosequi, mediare & terminare valeat & finire, ad comparandum pro ipsis D. Duce, Rogatis, Consiliarijs, & Dominio prædictis omni tempore, die & hora feriatis, & non feriatis, ac totiens quotiens prædicto summo Pontifici nunc & pro tempore existenti, & sacro Collegio videbitur & placuerit, eorum dictis dominis Camerario, Vicecamerario, Auditore, Viceauditore, Regente, Locumtenente, & Commissario eiusdem, ac aliarum Curiarum Officialibus & iudicibus, seu eorum locatenentibus, & omnia & singula in præinsertis Capitulis contenta & expressa, eorumque, & cuiuslibet eorum contrauentionem, seu

cognoscendum, & ad petendum, audiendum, & recipiendum ipsorum Ducis, Rogatorum, & Dominij nominibus, & pro ipsis omne præceptum, omnemq. monitionem, condemnationem, sententiam atque mandatū, quæ, quod & quam prædicti domini Camerarius, Vicecamerarius, Auditor, Viceauditor, Regens, Locumtenens, & Commissarius, & alij Iudices & Officiales, seu ipsorum Locumtenentes, & corū quilibet contra prædictos dominos Ducem, Rogatos & Dominium, Terras, loca, & bona prædicta facere & ferre voluerint, & eis sponte acquiescendum, & ad submittendum, & resubmittendum propterea prædictos D. Ducem, Rogatos, Consiliarios & Dominium pro præmissis firmiter obseruandis, iurisdictioni Curiarum supradictarum, & cuiuslibet ipsarum, & ad volendum & consentiendum expresse quod ipsi domini Camerarius, Vicecamerarius, Auditor, Viceauditor, Regens, & Locumtenens, & Commissarius, & alij Iudices & Officiales contra prædictos D. Ducem, Rogatos, Consiliarios & Dominium, eiusq. singulares personas excommunicationis sententiam, & per Sanctissimum Dominum nostrum seu Romanum Pontificem pro tempore Interdicta quæcumque ferant, promulgent, & decernant, aliosq. processus reales & personales gerant & faciant, quos voluerint, & dicto summo Pontifici nunc & pro tempore existenti, & sacro Collegio visum fuerit expedire: Et generalitèr omnia alia & singula faciendum, dicendum, gerendum & procurandum, quæ in præmissis & circa ea necessaria fuerint, seu opportuna, etiam si talia forent, quæ mandatum exigere magis speciale, quàm præsentibus est expressum. Promittentes insuper dicti domini Oratores, syndici & procuratores nominibus quibus supra eidem S.D.N. ibidè præfenti & acceptanti, sacro Collegio, & Cameræ Apostolicæ, & mihi Notario publico infra scripto tamquam publicæ & authenticæ personæ pro eis & quolibet eorum solemniter stipulanti & recipienti, ac vice & nomine omnium & singulorum, quorū interest, intererit, aut interesse poterit quomodolibet in futurum, se ratum, gratum atque firmum perpetuo habituros totum id & quidquid per dictos procuratores constitutos actum, dictum, gestum, factum, procuratumve fuerit in præmissis, seu quolibet præmissorum: Releuantes nihilominus ex nunc, & releuare volentes eisdem suos procuratores ab omni onere satisfaciendi, ac iudicio sisti, & iudicatum soluendi, cum omnibus & singulis clausulis necessarijs & opportunis, sub hypotheca & obligatione dicti domini Ducis, Rogatorum, Consiliariorum, ac Dominij, bonorum, terrarum & locorum prædictorum, mobilium & immobilium, iurium & actionum præsentium & futurarum, & qualibet alia iuris & facti renuntiatione ad hæc necessaria pariter & cautela. Et insuper prædicti domini Oratores, syndici & procuratores in manibus eiusdè S.D.N. Papæ, & in præsentia mei Notarij publici infra scripti, vt supra recipientis & stipulantis, sponte & libere ad sancta Dei Evangelia, tactis per eos ad hoc corporaliter scripturis sacrosanctis, solemniter iurauerunt & promiserunt supradictos suos procuratores, vt supra constitutos, aut eorum aliquem non reuocare, neque reuocari facere, nec con-

tra præmissa, aut quodlibet præmissorū facere, dicere, vel venire, nec vllō
vūquam tempore consentire in iudicio & extra, publice vel occulte, dire-
cte vel indirecte, quouis quæsito colore, sed ea attendere & obseruare, &
rata & grata habere, donec & quousque omnia & singula in præsentī in-
strumento & Capitulis prædictis, ac quolibet eorum realiter & cum effe-
ctu contenta, fuerint totaliter adimpleta. De & super quibus omnibus &
singulis præmissis dicti domini Oratores, syndici & procuratores nomini-
bus quibus supra, eisdem Sanctissimo Domino Nostro Papæ, & sacro Col-
legio, & Cameræ Apostolicæ, per me Notarium publicum infra scriptum
vnum vel plura publicum vel publica fieri atque confici petierunt instru-
mentum & instrumenta.

Actū in ciuitate Venetiarum in palatio Illustrissimi Principis antedicti,
præsentibus ad omnia & singula sic vt præmittitur gesta, spectabilibus vi-
ris dominis Nicolao Stella, Ioanne Soro, & Vincentio Sabadino Ducali-
bus secretarijs, testibus ad præmissa vocatis, notis, & specialiter rogatis.

Ego Ioannes Baptista de Andrianis q. Aloysij, supradicto sindicatui
cum omnibus & singulis capitulis, obligationibus, & conditionibus inter-
fui, & rogatus scripti, & stipulaui die & millesimo superscriptis, hora vi-
gesimaquarta. Verum alijs occupatus negotijs, aliena manu scribi feci,
& in omnibus præcise concordare inueni. Ideo in præmissorum omnium
fidem me subscripsi, signumq. meum apposui consuetum, & ad maius ro-
bur prædictus Illustris. Dominus solito suo plumbeo sigillo muniri man-
dauit.

Die xxiiij. Februarij M. D. X. constituti personaliter coram S. D. N.
D. Iulio diuina providentia Papa Secundo, & sacro Reuerendissimorum,
Dominorum S. R. E. Cardinalium Collegio, adstante etiam ibidem Reue-
rendissimo D. Raphaelē Episcopo Portuensi, Camerario D. N. Papæ, ac
Reuerendis Patribus dominis Vicecamerario, Clericis & Præsidentibus
Cameræ Apostolicæ, necnon dominis Iustino de Carosij Aduocato, &
Mariano de Cucinis Procuratore fiscalibus, ac magna parte Prælatorum,
aliorumq. Romanæ Curie Officialium, supradicti domini Oratores, syndi-
ci & procuratores requisiti & interpellati per dictum dominum Marianū
de Cucinis fisci procuratorem super obseruatione superscriptorum man-
datorum, & Capitulorum in illis contentorum, promiserunt omnia & sin-
gula superscripta se, Ducem, Rogatos, Consiliarios, ciues & Dominium
ciuitatis Venetiarum inuiolabiliter obseruatuuros, ac paratos esse obtem-
perare mandatis eiusdem S. D. N. & Sedis Apostolicæ subiiciendo se ac

tenorem, præsente eodem domino Mariano Procuratore, & prædicta omnia & singula stipulante & acceptante nomine prædicti S. D. N. & sanctæ Romanæ Ecclesiæ, ac Cameræ Apostolicæ, & petente super prædictis vnū vel plura fieri instrumentum vel instrumenta per me Laurelium Amerinū, & omnes alios eiusdem Cameræ Apostolicæ Notarios, ad perpetuam rei memoritū, ac prædicta omnia registrari in libris in Archiuo dictæ Cameræ.

1700. 1705/16

1700. 1705/16



Et ego Laurelius Amerinus Camera annectita Notarius de mandato subscripsi.





ABSOLVTIO VENETORVM

15

ab excommunicatione & anathemate per Iulium II. Pontificem Maximum, cum omni solemnitate & Missa in secunda Dominica Quadragesimæ. Anno Domini M. D X.



Extracta ex tertio Tomo Diariorum Paridis Grassi
eo tempore Cæremoniarum Magistri .

DI E Dominica secunda Quadragesimæ, quæ fuit xxiii. mensis Februarij, S. D. N. absoluit Oratores Venetos vice & nomine Ducis ac Dominij Venetiarum ab excommunicatione & anathemate, his cæremonijs, & hoc modo, videlicet .

Mensibus præteritis Papa mihi imposuit, vt inquirerem à seculo circa, quot absolutiones fuerint solemnissime per Pontifices factæ, quia volebat intelligere modum, quem quisque seruauerat. Et retuli quod à Sixto IIII. auunculo suo, vsque in hoc ipso, quatuor Absolutiones habitæ fuerunt, videlicet .

Primo idem Pontifex Sixtus anno octauo sui Apostolatus absoluit tres nobiles Barones Hispanos de ciuitate Legionensi, qui ante aliquo tempore Episcopum Legionensem interfecerant, & ob hoc Pontifex eos nudos sub Porticu basilicæ sancti Petri cum virgis verberauit, assistentibus duodecim Presbyteris, similiter cum virgis verberantibus.

Deinde idem Sixtus anno nono sui Apostolatus absoluit Oratores Florentinos nomine Vexilliferi & Dominij Florentini eo quòd Archiepiscopum Pisanum suspenderant laqueo in platea, & quia etiam Cardinalem sancti Georgij captiuauerant: Ideo Papa eosdem Oratores ante Basilicam prædictam, non nudos, sed vestitos cum virgis verberauit, assistentibus similiter duodecim Cardinalibus Presbyteris cum virgis verberantibus, & alijs omnibus Cardinalibus in circulo stantibus.

Deinde Innocentius Sixti successor absoluit Vexilliferum Iustitiæ & vnum de Antianis populi ciuitatis Bononiensis eo quòd vnum Presbyterum, & vnum Fratrem S. Francisci in platea de facto suspenderant, & hos non ipse Pontifex percussit per seipsum, ne illos tantum honoraret vt subditos, sed circumstantibus omnibus Cardinalibus in die Paschæ Resurrectionis fecit per Penitentiarios omnes cum virgis acriter percuti, & quidem totaliter nudos etiam sine caligis, sed solis campestrius sine brachijs pudebunda tegentibus, & diu quidem percuti fecit, donec tres ex

non de necessitate Absolutionis huiusmodi Verberatio, sed de solemnitate fieri solet, mandauit mihi, vt formam & modum Cereemonialem, quo vii in Venetorum Absolutione posset componerem & scriberem, & sic in scriptis ei ostenderem, quia ibidem sua Sanctitas aut addi, aut minui, pro voluntate sua iuberet: Ac etiã intellecto quod sub Porticu, & in secunda Dominica Quadragesima, quæ est vigesima quarta Februarij, vt supra scripsi, in hunc modum videlicet.

Præparetur ante valuas, & in claustro siue sub Porticu basilicæ Principis Apostolorum pro actu ipso Absolutionis agendo, ac habeatur suggestus trium graduum solius Papalis, & inter duas portas Basilicæ, id est, apud aneam quæ media est, ponatur, & tapetibus ornctur tam suggestus, quàm paries pannis sericeis magnis. Fores omnes Basilicæ sint clausæ, donec erunt ipsæ aperiendæ. Informetur Procurator Fiscalis, qualiter ipse debet petere ab Oratoribus an habeant mandatum, & illud præsentent: An velint iurare de parendis mandatis Papæ, & Ecclesiæ ac Sedis Apostolicæ: Et quod ipse debet requirere omnes Notarios, vt Instrumentum, & Instrumenta conscribant. Informetur Notarius tamen vnus, vel duo, aut omnes, vt stipulentur, & testes rogent. Informetur Cardinalis Pœnitentiarius, vt simul cum Pœnitentiarijs adsit in tempore cum virgis, si opus erit, & quod introducant Oratores in gremium Ecclesiæ. Habeatur liber Pontificalis, vt Papa possit ex eo legere Psal Miserere mei Deus. Habeantur omnia Capitula scripta in bona forma, quæ legi debebunt. Informetur Papa de pœnitentia, vt cogitet & deliberet, quæ ei videatur imponenda. Et an placeat Sanctitati suæ, quod finito officio, omnis eius Palatina familia, simul cum Prælatiis suis Palatijs associet Oratores ipsos vsque ad habitationem eorum. Habeatur alius liber Missalis cum imagine Crucifixi pro iuramento Oratorum. Habeatur in quinterno forma Absolutionis in bona littera, quam Papa leget. Habeantur virgæ in totum tredecim, ex quibus vna pulchrior pro Papa cum manu tergio in extremitate. Nulla sint pro Cardinalibus sedilia, sed omnes circumstant. Omnes Officiales Cameræ adsint, & omnes Pœnitentiarij. Cardinales sint cum cappis violaceis, & similiter omnes Prælati solito more. Et hi omnes Officiales sint ad sinistram Papæ, sed Prælati alij ad dexteram: Et ante Papam prouisionati & custodes Palatijs patefaciant locum, vt Papa commode, & Cardinales ibi esse possint. Oratores præueniant ad Palatium, & in aliqua Camera expectent descensum Papæ ad Porticum. Pro Missa cantanda præparetur in ipsa Basilica Capella Sixtina tam pro Papa, quàm pro omnibus solitiis, & R. P. D. Franciscus Argentinus Venetus & Episcopus Concordiensis Datarius Missam cantet de Dominica more solito.

Omnibus paratis & ordinatis Papa exit, & paratus vt in Dominica Quadragesima conuenit, defertur in sede sua gestatoria vsque ad Porticum, quem Oratores præueniunt ad suggestum locum. Papa in eadem sede gestatoria posita super suggesto sedet, Cardinales circumstant. Super solio sint soli hi, videlicet, Magister Cereemoniarum, & Secretarius, ad sinistram in angulo suggesti Procurator Fiscalis, & Aduocatus, & Notarius Cameræ. Stantibus omnibus indicatur silentium. Oratores ex gratia petunt osculum pedum, & Papa ex gratia concedit, & redeunt ad locum suum, id est, in supremo gradu suggesti omnes genuflexi: ex quibus primus, aut quiniis ex eis vnus dicit alte quidquid placet, veniam petendo, ac misericordiam & absolutionem, attento quod parati sunt satisfacere & iurare. Procurator Fiscalis

lis petit an habeant mandatum sufficiens, quod ostendant. Oratores ipsum mandatum exhibeant iam prouisum, & sufficiens. Papa mandat legi per suum Secretariū capitula ac pacta inita. Quibus lectis Procurator iterum petit, an velint illa iurare, & etiam iurare de parendo mandatis Papæ & Ecclesiæ. Et Oratores offerunt se paratos. Interim liber Missalis per Magistrum Ceremoniariū aperitur, & in genua Papæ ponitur, quem Diaconi Cardinales assistentes hinc inde sustinent, Pontifice manum apponente: Et Oratores ascendunt, & singuli ambabus manibus talibus scripturis & imagine iurant, promittunt, & obligant: De quibus Procurator Fiscalis requirit Notarium, ut stipuletur, & Instrumentum agat. His factis Pontifex loquitur aduersus Oratores quidquid placet, & sic concludit quod paratus est illos absolvere. Et sic datis virgis tam Papæ, quam Cardinalibus duodecim ut supra, Pontifex incipit Psal. Miserere mei Deus. quem cum Cardinalibus alternatim respondentibus, usque ad finem prosequitur, & pro unoquoque versu semel Oratores leuiter super spatulis percutiuntur. Dicto Psalmo Papa deposita mitra surgit, & legit Versiculos & Orationes, ut in forma Absolutionis, quæ infra ponetur. Finitis Orationibus Papa sedet cum mitra, & extendens manum super Oratores legit ex libro. Misereatur vestri, & Indulgentiam, absolutionem &c. Deinde, Auctoritate Dei omnipotentis &c. Postea imponit pœnitentiam salutarem quæ ei placet, deinde mandat Pœnitentiario Cardinali, ut simul cum alijs Cardinalibus, vel Pœnitentiarijs introducant Oratores omnes ad osculum pedis, manus & oris, sicut in Confessorio publico venientes ad præstandam obedientiam, & ei Oratores gratias agunt.

Et ista est forma, quam ego dedi scriptam Pontifici, qui ex illa nihil cassari iussit, nisi quod non voluit cum virgis percutere: & omnes Prælatos, & familiam suam Palatinam associare Oratores ad ades eorum voluit.

Forma Absolutionis Venetorum.

Officium autem Absolutionis factum & lectum est hoc modo, videlicet. Pontifex sedens cum mitra legit Psalmum Miserere mei Deus, cum Cardinalibus, & non verberauit: deinde deposita mitra stans legit, Kyrie eleison. Christe eleison. Kyrie eleison. Pater noster. Et ne nos inducas. Sed libera. V. Saluos fac seruos tuos, & ancillas tuas. R. Domine Deus sperantes in te. V. Nihil proficiat inimicus in eis. R. Et filius iniquitatis non apponat nocere eis. V. Esto eis Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. Dominus vobiscum. Et cum spiritu tuo. Oremus. Oratio.

Deus, cui proprium est misereri semper, & parcere: supplicationes nostras suscipe, & hos famulos tuos vice & nomine Ducis, Rogato-

utriusque sexus de Ciuitate & Dominio Venetiarum, dignum pœnitentiæ fructum: Ecclesiæ tuæ sanctæ, à cuius integritate deuiauerant peccando, peccatorum veniam consequendo, reddantur innoxij. Per Christum Dominum nostrum. Amen.

His lectis Papa sedit, & accepta mitra legit extendens manum apertam super Oratores, dicens:

Misereatur vestri & illorum omnipotens Deus, & dimissis omnibus peccatis vestris & illorum, perducatur vos & illos ad vitam æternam. Amen.

Indulgentiam, Absolutionem, & remissionem omnium peccatorum vestrorum & illorum tribuat vobis & illis omnipotens & misericors Dominus. Amen.

Auctoritate Dei omnipotentis, & beatorum Apostolorum Petri & Pauli, & Ecclesiæ suæ sanctæ, & nostra, absoluiimus vos vice ac nomine Ducis, ac Rogatorum, & Consiliariorum, Senatusq. & Populi, & aliorum omnium utriusque sexus de Ciuitate & Dominio Venetiarum, à vinculo excommunicationis & anathematis, & omnium censurarum in vos & illos quomodocumque & qualitercumque & quibuscumque de causis illatarum, & Interdictum relaxamus, & restituimus vos & illos omnes eadem auctoritate sanctis Sacramentis Ecclesiæ. In nomine + Patris, & + Filij, & Spiritus + sancti. Amen.

Deinde Papa imposuit pœnitentiam, ut ipsi Oratores irent ad septem Ecclesias, ubi orationes & elemosynas facerent nominibus quibus supra, ad arbitrium eorum super quâ re grauabat eorum conscientias. Et sic omnia ut supra facta fuerunt.

Missâ eiusdem Diei.

In Cappella Sixti intra Basilicam R. P. D. Episcopus Concordiensis Datavius cantauit Missam, ad quam Papa fessus venire non voluit: & quia etiam erat hora tarda, propterea non voluit quod haberetur sermo in illa die intra Missam. Sed voluit quod finita Missa omnes familiares eius associarent, prout associarunt cum magno honore Oratores, quorum nomina hæc sunt, videlicet.

D. Dominicus Triuisanus Eques, Procurator sancti Marci.

D. Leonardus Mocenigo.

D. Aloysius Maripetro.

D. Paulus Cappellus Eques.

D. Hieronymus Donatus Doctor.

Et isti vestiti fuerunt omnes vno modo, videlicet, de scarlatto rubeo cum corneto, sine stola ex velluto cremesino ad collum, quem habitum dixerunt esse eorum serialem.